

大正郵政特准掛號認爲新聞紙類

第三年

# 東方雜誌

第二十期



光緒三十三年十一月二十五日發行

# 售例

五月二十五日改正

## 丙午年東方雜誌售例

一本雜誌零售每册大洋三角預定全年十三册大洋叁圓丙午週閱增報一册本埠外埠外國一律郵費詳後二外埠郵費全年六角日本同外國郵費全年壹元五角如零售者郵政已通之處每册郵費伍分外國每册郵費壹角至未通郵政之處民局寄資閱者自給三凡至總發行所定購者務請將資費送交總發行所收銀後當付收據惟未能照章寄足者祇可照零售例每册以大洋銀三角計算寄足應得冊數為止四在總發行所定購者本埠按期派送不取酒資五凡一人定購五份寄送一處者照價九折拾份者八折六在總發行所定購者如遷徙他處務託妥人代收一面知照總發行所改寄惟已寄原處之報不能複寄其在代售處定購者自向代售處商辦總發行所不能接寄七總發行所按期寄送以郵局民局回單為憑中途遺失閱者自理八凡在代售處購報者報價郵費與總發行所一律由代售處逐月函寄總發行所清理帳項照通例以八折核算餘二折作為酬勞惟至少以五份起碼代售至二百五十份者七五折五百份者七折七百五十份者六五折一千份者六折惟郵費分文不扣

一本雜誌總發行所在上海棋盤街中市 商務印書館內 本埠寄售處 各書坊 外埠代售處 (京都) 商務印書分館 公慎書局 攝

(天津) 商務印書分館 官書局 紫氣 奉天) 商務印書分館 振泰報局 錦州 同益分館 廣州 商務印書館 聖教書樓 英文書莊 嘉應 啟新書局 (福建) 堂 售報處 李茂林 孟晉協記

福州 商務印書分館 美 浦城 私塾改良 湖北) 武昌 中東書社 漢口 商務印書分館 四川) 成都 商務印書分館 廣 華書局 益記書莊 益智官書局 歸德 迪新閱報社 懷慶 探派園 湖南) 長沙 集益書社 開智書局 山東) 濟南 官書局 書 瀘州 開智 河南) 開封 商務印書分館 總派 井偉生 紹興 萬卷書樓 江西) 南昌 開智書局 源發報莊 南 安邱 啓後堂 煙臺 誠文 浙江) 杭州 崇實齋 甯波 新學會社 級綬 紹興 萬卷書樓 教育館 江西) 南昌 開智書局 源發報莊 蘇州 公益會社 南京 中西書局 揚州 華瀛 陝西) 西安 官書局 總派報處 陳漢卿 山西) 太原 書業昌 書業 甘肅) 蘭州 總派 來青閣 南京 啟新書局 程小亭 容德堂 江蘇) 蘇州 總派

東京 金港堂 保定) 萃英山房 直省官書局

蘇州 公益會社 南京 中西書局 揚州 華瀛 陝西) 西安 官書局 總派報處 陳漢卿 山西) 太原 書業昌 書業 甘肅) 蘭州 總派 來青閣 南京 啟新書局 程小亭 容德堂 江蘇) 蘇州 總派

蘇州 公益會社 南京 中西書局 揚州 華瀛 陝西) 西安 官書局 總派報處 陳漢卿 山西) 太原 書業昌 書業 甘肅) 蘭州 總派 來青閣 南京 啟新書局 程小亭 容德堂 江蘇) 蘇州 總派

蘇州 公益會社 南京 中西書局 揚州 華瀛 陝西) 西安 官書局 總派報處 陳漢卿 山西) 太原 書業昌 書業 甘肅) 蘭州 總派 來青閣 南京 啟新書局 程小亭 容德堂 江蘇) 蘇州 總派

蘇州 公益會社 南京 中西書局 揚州 華瀛 陝西) 西安 官書局 總派報處 陳漢卿 山西) 太原 書業昌 書業 甘肅) 蘭州 總派 來青閣 南京 啟新書局 程小亭 容德堂 江蘇) 蘇州 總派

# 東方雜誌第十二期目錄

## 圖畫

肅親王善者殿下

鎮國公載澤殿下

美國尼加拉瀑布

美洲加拿大晚香坡森林

## 社說

選論附

今日教育上第一問題 本社撰稿

薩 照

論排外不宜有形迹 本社撰稿

勇 立

論國人不知所以達其希望 錄丙午九月二十九日時報

論社會當表彰特性之人 錄丙午十月初二日中外日報

愛為羣之主力說 錄丙午十月二十日南方報

論新名詞輸入與民德墮落之關係 錄丙午十月二十八日申報

## 諭旨

十月全

## 目錄

## 內務

論改良法律所應注意之事 錄丙午七月初四日時報

政務處吏部會奏議覆署閩浙總督崇浙江巡撫張奏

南田設官經理摺 附原摺

禮部奏定考試舉貢辦法摺附片

刑部都察院會奏議覆御史劉汝驥奏請將上控案件

自行提審摺

上海總工程局暫定章程

日本議院法

各省內務彙誌

京師 直隸 奉天 吉林

河南 江蘇 安徽 浙江

新疆 廣東

地方自治彙誌

江蘇 浙江

各國內務彙誌

日本 韓 波斯 法

俄 奧 美

# 軍事

論中國亟宜整頓海軍 錄丙午九月十六日南方報

閱兵大臣 戶部尙書鐵 直隸總督袁 奏陳校閱大操詳細情形摺

政務處議覆署閩浙總督崇浙江巡撫張會奏象山港擬作軍港摺

練兵處奏擬訂陸軍槍礮等項程式摺

署黑龍江將軍程奏官軍剿辦馬賊獲勝摺

熱河都統廷奏籌辦防務先將現有衛隊添練防營摺

安徽巡撫恩奏請籌費添餉添徵營隊摺

江南製造局整頓槍礮彈藥鍊鋼上練兵處南北洋條議

各省軍事紀要

直隸 奉天 山東 山西

江蘇 安徽 江西 浙江

福建 湖南 四川

各國軍事紀要

俄 英 摩洛哥 古巴

# 教育

近三百年學術變遷大勢論 錄丙午九月初二日申報

論今日之教育 錄丙午九月初五日時報

中國提學使東游訪問紀略 日本明治三十九年十一月 教育公報

前貴州學政朱奏請定全國學生為國家學派摺

各省教育彙誌

京師 直隸 奉天 山東

河南 江蘇 安徽 江西

浙江 福建 湖南 陝西

四川 廣東 廣西

# 實業

振興糖業議 錄丙午第十五期商務官報

世界茶之生產及消用考

商部奏酌擬獎給商勳章程摺

熱河都統廷奏遊 旨開放敖漢旗九道灣上查荒 酌擬章程摺

奉天將軍趙奏奉省設立農業試驗場摺

奉天將軍趙奏奉省創設漁業公司摺

山東農事試驗場試辦章程

各省農牧彙誌

奉天 山東

安徽 江西

廣東

福建

江蘇 四川

各省工藝彙誌

京師 直隸

山西 河南

江西 浙江

四川 廣東

黑龍江

江蘇

湖北

廣西

山東

安徽

湖南

各省礦務彙誌

京師 奉天

河南 安徽

湖北 湖南

廣西

山東

江西

四川

山西

浙江

廣東

各省魚鹽彙誌

京師 奉天

# 交通

論鐵路國有與民有之得失

留學日本路礦畢業生趙鴻藻稿

度支部農工商部郵傳部奏覆滬甯鐵路借款摺

署兩廣總督岑奏陳粵漢鐵路交商接辦情形摺

奉天將軍趙咨外務部日本南滿洲鐵道公司條例及

定款駁議

各省郵政彙誌

山東 湖南

貴州

各國航路彙誌

日本 法 英

各國路政彙誌

日本 暹羅

# 小說

空谷佳人 續前未完

# 雜俎

光緒三十二年十月中國事紀

原书空白页

肅親王善耆殿下



原书空白页




鎮國公載澤殿下




原书空白页

美 國 尼 加 拉 瀑 布



原书空白页

美 洲 加 拿 大 晚 香 坡 森 林



原书空白页

社 說 選論附

今日教育上第一問題 本社撰稿

魏 照

方今中國身任教育之人必如何始可以稱職乎。曰此難解決之疑問也。今欲討論當先明教育爲何事。而確定其公論界說。然後教育家之所有事者乃可得言。願一覽夫近譯之太西教育史。西方巨子所以定教育之範圍者。斷斷聚訟亦正紛挐。苟欲比絜陳言以定宗趣。無論末學瞽道所不克承。亦覺窮年莫殫。涉於汎濫。且吾聞之。教育之事與時世爲推移。因人事以質劑。是則因方爲珪。遇圓成璧。其事既準。諸大匠察燥辨溼。對病發藥。其道又近於醫師也。

斯賓塞爾謂教育旨趣以求副人類之生存爲正鵠。見日本教育會中譯印之譯業內外教育史又

人之用心矣。吾國古德楊朱有云。人不衣食。君臣道熄。其意以爲一切法制皆所以維持人

類之生事類與斯氏之意所合。此其言貫徹終始。顯撲不破。宜爲教育家所崇祀不祧者也。九州屯難萬馬

齊瘖欲達斯宗。將如何而後可。則塗術之方不能不致謹以擇也。

人類恆性率稟受於風土。賦於天者既異。衍於地者自殊。矧乃各宗其祖。各誦其史。比同齊

社 說 今日教育上第一問題

二百二十三

丙午

化今日尚非其時。善教育者要在因其不同之。差以培其殊特之。致使之怒生。鬯發。至於茂實。此今日諸國所以有國民教育內以保其天秩。外以張於爭存。賴此道也。世運駸駸。既離神權。以抵人治。巨細彌綸。罔非法制。經緯羣彙。惟斯是賴。雖然。彼其幽獨之潛光。心性之明德。果能借物質之文明。以臻進乎。此即揚西抑東。至於極致之人。亦難爲之辯護也。夫此見象遞積。遞嬗其關係於人羣前途者。若何。今且不敢以一覲之見。加以斷論。誠以斥人爲非。必我具有可以取政之是。而我所是。或即彼之所非。是非殺亂。徒騰口說。誠無當於其真。故此疑問。今可暫置。

斯篇所論。意在有裨於吾國教育。今日屏棄枝詞。進爲了當之語。竊謂近時教育宗論。已知注重於德育。因事變之推激。以曙見於此點者。不可謂非心能進於翔實之徵驗。顧吾未聞所以爲德教之道也。大抵吾之風俗朽敝。到今猶有一息未絕者。實重賴先聖先賢若沫。未沫之風流餘韻。與夫駁雜不壹之神權。有以維持儆惕於冥漠之間。自比年來。歐化之聲。競起矜躁。僑張之流。不揣人羣條理之綜貫。有不可斯須去者。而顧盛氣狂呼。摧殘破壞。逞一日之快意。此其利害淺智之夫。驟未能覩及一臨於事變。遂至蕩無統緒。紛紊糾射。秩序盡亡。試觀今年水災。未加辛丑米價翔貴。未逾戊戌而倣擾之風。被於各省。綱維之具。儼若無



存此其故。可深思。而其消息甚可懼也。

然則吾國今日肩承教育之人。其責任實有大莫與京之勢。稍有不當。不獨無以紓前途之危難。且將重加之厲。此固一言可決也。顧吾觀於通國教育界中之見狀。大率任講師者。扶牆摸壁。硜硜自好。卽已稱爲上選。甚或裨販豎子。一物不知。而亦抗顏爲人師長。至如設校之意。亦未大遠於科舉禽犢之習。而以是爲應時景儼如烹羊魚羔者。又什而八九。本實先撥枝葉。將焉發榮。雖具學科。已有神明不存之懼。更安望於尊光德教。矧德云者。又豈雜采陳人言行貌無生意之事實。編爲程箴。卽可自慰曰。吾教若此。已無餘事者。所可當耶。烏虜世衰道微。民不興行耳。日所接靡非夸毗偷薄。豈今旣至末日。毘藍風起。將吹須彌如腐草。故人皆具日暮途窮。無復冀幸之心耶。不然。何爲而若此也。易緯有言。正其本。則萬事理。教育者。一切動定。云爲散樸。爲器之根本也。今其見象晦蒙。誠令人有不欲觀之歎。然其一出一入。皆繫前途存亡之關鍵。終不能令我愒然而不爲一言以商榷也。

以上所論。誠不免有匪風下泉之慨。方今憂深思遠之人。率同具此見解。不才之發揮陳論。殆亦不過稍稍表發此共具之見而已。蓋德云者。非騰諸口說之事故。上所論。但汎論敗德爲害之端。苟使有人起而反詰曰。以子之意。將如何而後爲德。則不才方將窮於置對。誠以

今日教育家通用之名詞固以智育體育德育三者並列體育者其事至明皙而無歧義智育者其可指數亦有質力名數諸科若夫德育今之學校既非如古昔之以三老五更之慎史爲教科以孝弟爲完義別有學校古義詳證其說則教師於所授以上二育之外更求所謂德者勢不得不別采擷古人之嘉言懿行以當之吾之意固以是爲未可則將如何而後可言德育乎蓋今人之意以彼嘽嘽者爲德不免於刻舟求劍故不才不欲置論誠以德者本非定名而爲虛位也如易有吉德凶德今教育界通用之語雖與智體並立爲三粗而觀之似若可通精而察之實病破裂今且勿問德無定位姑釋德爲純粹之美名以迎合於時俗但使加以探索則見時俗之並列爲三實覺支離不當未能訢合無間也德者貫徹智體不當視爲離事獨立之物今與智體共列既使人生凝滯之心而又僅以誦習陳人之言行當德育也即如人之求學其內真實無妄其外貞固不回者皆德也自其粗者以言如體育之事立正而植身不正即非德也如智育之事對於名數質力而生謗亂或生厭怠而不深求其是皆非德也不然若人之赴體育暑刻不差真力貫注即可曰此德之恆也若人能於智育原心秒忽較理錙銖而絕無障蔽亦可曰此德之誠也明也不才之釋德育者如此吾之意在於有可著事以求德庶學者有知行合一之效而無取近人之服誦陳言向無傳麗處求也雖然固至

淺。之。見。解。蓋。道。德。亦。隨。世。運。以。演。進。者。也。求。其。大。原。必。有。所。本。始。能。著。人。人。宗。信。之。效。吾。國。儒。者。舊。說。推。本。於。天。至。宋。儒。則。變。而。宗。心。矣。佛引說此。隨。世。演。進。引。證。也。今。日。誠。有。命。世。之。傑。棲。神。於。此。者。乎。此。固。教。育。上。至。宏。無。外。之。問。題。所。賴。以。享。壽。羣。倫。灑。濯。中。國。之。日。月。者。矣。

論排外不宜有形迹 本社撰稿

勇 立

謂排外非耶。美利堅以排英而立國。意大利以排奧而建邦。謂排外是耶。斯巴達以排雅典而亡。土耳其以排俄羅斯而弱。立國於天地。其果何所適從乎。

記者曰。排外者。人類之公性情也。上古之時。人物雜處。其間擊搏挽裂。人與禽獸爭命者。不知更幾何年。使非具排外之能力。何以能驅除禽獸。而有人世界哉。是以排外二字。乃無始來斯人種子。直至文明之世。而根株仍在者也。今世歐洲各國。固所謂文明有道之邦也。然競爭之論。騰於朝野。守禦之費。駭人聽聞。一鐵艦之價值。十餘兆。一要隘守臺。費萬萬金。其所以不遺餘力如此者。夫亦曰防外人之侵犯權利而已。其間碩學鴻儒。非不創弭兵之說。然俄皇立平和會。而遠東之兵力反增。近日裁減軍隊問題。識者已決其不能實行。蓋誠以排外者。斯人之公性。人道之必不能已。所謂無我相。無人相。無衆生相者。佛或如是。而常人則斷斷乎不能也。

社 說

論排外不宜有形迹

二百二十七

丙午

雖然排外之道當以精神不當以形迹排以精神者內則自修其政治自整其武備自固其民志時時存獨立不羈之意而對於外則禮貌有加儀節不失雖深仇夙怨之國亦往來酬應無以異於姻婭排以形迹者不然其對外也深閉固拒視若仇讎苟爲力之所能及雖寢皮食肉亦若不以爲過而按其實則政治不修武備不整民志不固所謂排外不過無理取鬧虛張聲勢而已於虜由前之說則其國之興可操券而必也由後之說則其國之亡可翹足而待也

聞者疑吾言乎則盍觀日本日本維新之始俄以庫頁與千島交換而日本忍之與我通使之初我國橫濱領事所爲往往使日人不能堪而日本忍之然卒能雪當年之恥辱振帝國之主權者無他君臣上下勵精圖治修明內政整飭軍備雖無排外之形迹而實有排外之精神也又盍觀韓國韓自中日戰後義皇等會揭竿而起漢城東南義士蜂聚然卒爲日本之保護國內政外交一切皆聽命於人者無他政體未改進步絕鮮廷臣酣嬉武備廢弛雖有排外之形迹而實無排外之精神也而回視我國則何如

我國以排外聞於天下也久矣虐商人殺教士毀使館如鴉片之役如拳匪之役如各省教案其排外不可謂不力矣然卒至割地賠款主權盡失者何也有形迹上之排外無精神上

之排外也。近者美約之抵制。公堂之擾亂。南昌之暴動。層見疊出。紛紛不已。各國報章。謂中國排外之舉。如藥線爆裂。不可遏止。然按之實際。豈果有排外之預備乎。夫無報人之志。而使人疑之。拙也。有報人之志。而使人知之。殆也。語曰。猛獸將擊。必餌毛帖。伏鷲鳥將搏。必卑飛戢翼。勾踐之困於會稽而歸。臣妾於吳者。三年而不倦。冒頓欲伐漢。漢使至。輒匿其壯士健馬。以是而言。我國人。即有排外之預備。猶不宜露其形迹。而況並無預備之可言乎。天下可危之事。豈有過於此者。

夫國民排外舉動。實出於愛國思想。吾豈不崇拜而禱祀之。然黃禍之說。遍於全球。英俄同盟。咄咄逼人。我苟有隙。可乘。則戰船。蟻集。礮彈。紛飛。禍機一發。不可收拾。損害賠償。猶餘事耳。於虛苟有血性。念及此景。能不寒心。彼愛國志士。豈未嘗預料及此乎。

爲今之計。保全權利之心。萬不可無。而輕躁寡謀。逕情直行之事。尤當痛戒。一言以蔽之。則曰。不可有排外之形迹。但當有排外之精神而已。今日國勢。雖已岌岌。然苟振刷精神。改革內政。轉弱爲強。猶有可望。不此之計。而徒鼓吹民氣。昌言排外。瓜分之禍。終不能免。嗚呼。愛國之士。勿再以文明排外之談。動天下之耳目也。

論國人不知所以達其希望 錄丙午九月二十九日時報

今夫今之人。於其身之所希望所以行之者。大抵三者而已。非安坐以待。卽雜亂無章。或恣睢不顧。此三者皆非能達希望之道。而天下之人。遂逐之而不返者。則以國之政俗。能使此三者。有時而達其希望。而人民之智識。既不足以知事之所以然。乃並其所當然者而昧之。故詭此入彼。終無是處。而萬事因之退步也。夫事之所由成。必有一定之軌。苟離其軌而別求其術。將橫軼錯出。彌致失真。今我國之人。豈一無希望哉。然大如立憲改政。小如營業謀生。其喧之萬口。企之彌年。幾幾乎以爲惟一之宗旨。而卒無成效可覩者。由雖有希望。而無實達此希望之術故也。夫希望之與實行。本相聯貫。國人之所以不能如此。其中必有不待實行而可達其希望之一境。舉世誤認。遂沿之以成種智。至真可以達其希望之道。轉無人焉。研究及之。故僥倖嘗試之心。與優游玩愒之心。二者嘗相爲緣。而萬端因之頽廢。此豈民德之澆下哉。蓋專制之國。其人民初無已之觀念。舉生命財產。以至精神心智。無不聽命於他人。以其極端之不自由。故人民之於萬端。初不敢判定其因果。其禍福得失。皆若偶值而已。故倚賴之性。日盛。獨立之質。日亡。而鬼神星卜之說。復因以中之有以堅其迷信。蓋謂禍福得失之故。世間既無定憑。冥漠中殆有主之者。因欲預知其數。以爲趨避而不悟。其終不可得此亦至可憐之象也。例如昔之科舉。人所希望者。舉人進士。然其得舉人進士者。非

有。一。定。之。格。其。揣。摩。主。試。嗜。好。當。時。風。尚。者。尚。不。可。必。得。故。試。者。茫。無。所。從。其。進。身。殆。若。粘。鬪。焉。人。既。知。學。問。之。不。必。得。舉。人。進。士。則。真。求。學。者。必。日。少。此。往。有。例。在。不。可。誣。也。由。此。推。之。彼。爲。農。工。商。者。何。莫。不。然。農。工。商。較。之。於。士。其。可。以。自。主。之。處。較。多。然。以。法。律。之。不。完。道。德。之。墮。落。且。有。居。乎。上。者。爲。之。倡。率。故。僥。倖。嘗。試。之。念。深。入。人。心。舉。一。世。以。趨。於。偷。薄。苟。且。之。爲。不。復。知。世。間。有。正。當。之。營。業。如。謀。利。之。希。望。人。所。同。具。也。然。歐。美。之。人。之。所。以。謀。利。者。農。則。竭。其。勤。工。則。極。其。巧。商。則。畢。其。智。士。則。研。其。學。官。則。盡。其。職。以。各。得。本。分。之。報。酬。故。生。事。日。舒。而。治。化。因。以。驟。進。若。吾。國。之。所。謂。官。者。舞。文。弄。法。不。必。其。分。所。應。得。也。士。者。巧。取。豪。奪。不。必。受。得。其。宜。也。農。工。商。詭。詐。奸。欺。不。必。能。稱。其。實。也。其。謀。利。之。法。皆。逸。出。所。應。循。之。軌。之。外。隨。在。若。可。有。意。外。之。獲。彼。見。循。其。軌。者。之。不。必。得。以。爲。不。循。其。軌。者。不。必。不。得。人。皆。冀。安。坐。而。弋。厚。利。於。是。優。游。玩。愒。之。習。興。上。者。委。心。任。運。東。手。無。所。爲。次。者。憧。擾。紛。營。終。身。無。定。志。下。者。侵。掠。兼。并。橫。恣。無。所。忌。中。國。今。日。人。民。之。現。象。此。三。者。足。以。盡。之。此。時。事。之。所。以。無。可。爲。而。成。爲。一。老。朽。戲。劇。盜。賊。之。天。下。也。蓋。不。循。其。軌。而。又。不。知。自。反。勢。必。悍。然。直。前。以。求。達。斯。天。下。事。不。可。問。矣。爲。國。家。計。者。必。須。使。此。類。之。人。永。不。能。達。其。希。望。然。後。可。反。之。於。正。立。憲。者。卽。所。以。使。此。類。之。人。不。能。達。其。希。望。者。也。凡。事。待。競。爭。而。後。勝。則。不。能。安。坐。以。待。

社 說

願國人不知所以達其希望

二百三十一

丙午

守規則而後行。則不能雜亂無章。率範圍而不過。則不能恣睢不顧。去斯三者。然後事之當然者明。庶幾人各就其分。以達所望。而萬端因有進步矣。故欲國之富強。必自人人真能達其希望始。若老朽戲劇盜賊之習不改。吾知雖日言自立。無能爲也。

論社會當表彰特性之人 錄丙午十月初二日中外日報

今假有一國之人於此。其人皆欺詐反覆。卑詔邪曲。無正道。無公論。惟利之從。而無不可爲。見者必蹙額而噓。傷心而歎曰。嗚呼。是惡世也。未俗也。其無可救藥也已矣。雖然。試熟察此一國人之中。必有一二特性之人。人皆誑而已獨信。人皆邪而已獨正。人皆污而已獨清。渾渾乎處濁世而不同其趨武。矯矯乎斷衆流而獨異其好尚。此則無論若何爭風靡俗之國。亦必有稟性獨異如若而人者在。然而彼之所謂欺詐反覆。卑詔邪曲。無正道。無公論。惟利之從。而無不可爲之徒。皆得操國家之政柄。占社會之勢力。以繁其徒黨。昌其種族。而此一二特性之人。日趨於凋殘落寞。其得傳其種性者。必恃有他事之附麗。而後能存。例若其人。既稟有特性。而又能兼長社會其他之一術。而其術適合乎其社會。可以取富貴之道。例若時之八股今學則見某某之中。有特性之一二人。在若其人爲官。則見官之中。有一二特性之人。爲士。則見士之中。有一二特性之人。爲農工商及其他之職業。則見爲農工商及其他之職業。



中有一二特性之人。蓋非特性之人。能存於社會。而實藉他種之因緣。間接以傳其特性。若夫所謂欺詐反覆卑詔邪曲無正道無公論惟利之從而無不可爲之人。則異乎此。蓋彼卽恃乎其有此本領也。以榮於世。於是謬種流傳波及於全社會。凡欲求生存立於其國者。不能不習此一種之慣技。此其所以欺詐反覆卑詔邪曲無正道無公論惟利之從而無不可爲之風之日益蔓昌而不可止也。換言之。惡類則直接足以謀生活於社會。故其根柢也。固其枝葉也。茂而繁布於全社會者。則皆屬此種類也。善類則直接不能謀生活於世。且有可以致死亡之理。而其尙有一二之流傳。則恃乎其別有可以謀生活之一事。而間接能使善類之特性尙流傳於世者也。嗚呼。世間惡之所以日長而善之所以日消者。不以此歟。不以此歟。然則欲謀社會之改良。必首表彰此特性之人。使其能有勢力於社會。今假有一社會於此。曰某某正者也。吾人當敬禮之。某某賢者也。吾人當奉事之。則人皆將自濯磨以爲正者賢者之人。而不爲世之所棄。然則雖欲善類之不繁昌。豈可得也。夫善惡猶種子也。而社會猶土宜也。種子之合乎其土宜者。則盛。種子之不合乎土宜者。則衰。其土宜合乎植善種子者。則得善果。其土宜合乎植惡種子者。則得惡果。故欲植善果者。不可不先相其土宜。欲植善

類。以。造。良。國。家。與。良。社。會。者。不。可。不。先。改。良。社。會。之。人。心。蓋。社。會。之。人。心。宜。乎。植。善。則。善。者。伸。宜。於。植。惡。則。惡。者。昌。社。會。上。善。惡。之。現。象。卽。社。會。一。般。之。人。心。公。共。所。產。出。之。一。結。果。而。已。

嗚呼。吾讀古聖賢書。竊見聖賢之用心。無非欲扶植善類。芟鋤惡類。以造社會之福。世之所。以。稍。治。者。則。皆。食。此。長。善。去。惡。區。區。用。心。者。之。福。也。然。而。一。聖。賢。挽。之。稍。稍。扶。而。使。至。於。正。而。百。千。億。兆。之。世。人。亂。之。至。於。衰。世。則。聖。賢。挽。救。之。功。竭。而。社。會。以。演。惡。爲。固。然。此。則。惡。類。之。所。以。跋。扈。跳。梁。而。國。之。中。遂。狐。犬。爲。羣。罷。義。成。行。而。不。可。居。也。雖。然。所。謂。退。惡。向。善。貞。下。起。元。一。線。之。元。氣。仍。在。於。人。心。之。間。能。扶。掖。之。而。培。植。之。庶。乎。猶。有。見。太。平。之。一。日。不。然。吾。恐。淪。胥。以。亡。共。爭。此。朝。暮。須。臾。之。利。而。必。有。同。歸。於。盡。之。日。也。噫。

愛爲羣之主方說 錄丙午十月二十日南方報

團體合羣之說。至今日而囂然殆徧人口矣。而起視社會之情狀。則依然曠漠之散沙。節山。之。碎。石。甚。且。相。陵。相。暴。如。水。火。鋸。木。之。不。相。容。此。何。以。故。曰。由。於。我。國。人。乏。愛。力。故。

西哲有言曰。人者善羣之動物。荀子有言曰。人之所以異於禽獸者。以其能羣也。蓋經。歷。數。千。萬。年。之。天。演。物。競。而。獨。爭。存。於。世。界。者。無。非。由。於。能。羣。之。效。用。願。其。所。以。能。羣。者。非。法。制。

之問題。而道德之問題也。根於人種之氣質而發於社會之交際。融洽貫澈。結合無形。具有相親相因。相扶持。相憐憫之一種實力。而莫能破壞者。夫是之謂愛力。夫是之謂能羣。

故格物家之言曰。抵力勝於吸力者。其物必脆。而吸力勝於抵力者。其物必堅。故月之隨地球。而常行。地之繞太陽。而不息者。無非其吸力之功用。若聚無數無吸力之質點。而置諸空曠之地。則不數日間。其不爲風氣力所掃除者。幾希。惟人亦然。愛者人。與人之吸力也。是故愛力不深。則其羣常渙。而不克鞏固。而外力於是有攙入之隙。夫吾國之大哲學家。而以仁義之說。提倡於世者。首推孔子。朱子注曰。仁者心之德。愛之理。韓子復伸其說曰。博愛之爲仁。故人無愛力。是曰不仁。孔子曰。不仁之人。如禮樂何。故朱子卽斷之曰。忘心。雖有禮樂。亦無所用。然則人之所以爲人者。曰惟有愛力。故人無愛力。則戢然而聚。離然而散者。與牛羊之羣。何以異。則雖有羣之名。而無羣之實。夫春秋戰國之世。發明愛力。而提倡於社會者。其說不一。約舉之。則有三派。試舉其諸說之得失。以證諸今日社會之弊病。而補助之。

一兼愛派。墨子曰。亂何自起。起於不相愛。若使天下兼相愛。愛人若愛其身。則治。否則亂。是以兼愛爲主者。

一推愛派。孟子曰。親親而仁民。仁民而愛物。又曰。以其所愛及其所不愛。其說以擴充其本善之良心。而至於止善爲目的。是以推愛爲主者。

一汎愛派。莊子曰。去國數日。見所知而喜。及期年也。則似人而喜。逃虛空者。聞人足音。登然而喜矣。其說以人之愛力。由於所處之境地而殊。是調停而出入乎二說之間者。

統數派。學說而究其功用之極。而觀之。則均以博愛爲目的。而觀其諸說之流弊。而揆以社會之情形。則子輿氏之說。其流弊爲最多。勢必至於人各愛其所親。私其父母昆弟手足朋友。充類之義。至盡必至。知有己而不知有人。而德道因之淪喪。社會因之散敗者。亦莫不由於先其所親。而後其所不愛之一說。是故博愛謂之仁。偏愛即謂之私。私與仁之分。即在博與偏之別。孟氏之說。固以親親爲愛之始。以愛物爲愛之終。恐人之不能愛物。故即舉其親親者爲之引線。指其相愛之方。而欲使人擴充窮量。以充類而至乎其極。獨是能充其類者。少而不能充其類者。多。試觀今日之社會。其道德之墮落。可謂極矣。即一二志士。日倡同胞合羣之說。而能喚起愛國之萌芽者。幾何也。而能聯合社會之團體者。何在也。即不能聯合。而能未減其多數。破壞社會之羣德者。又何在也。此何以故。曰。由於不知愛之真相。故不知愛之真相。則未有不誤用其愛者。夫愛固有廣義之愛。有狹義之愛。若僅知狹義之愛。

而不知廣義之愛。其弊必至於自私。自私則爭。爭則亂。亂而巳。於是。有權利義務之說出。而爲之規定。以補助其愛力之窮。然僅有權利義務。而無愛德以盾。其後則權利義務之說。亦必有時而窮。其勢亦必至於錐刀之末。將盡爭之。而其羣亦因之而大壞。故觀於今日社會。渙散之現狀。而知其所以不能合羣之故。不在於不愛。而在於知其愛。而不知廣義狹義之分。故爲滿人者。各愛其滿人。而不愛其非滿人。於是立憲而反對改官制。而掣肘矣。爲官者。各愛其官。而不愛其非官。於是互相營私。互相包荒矣。徵兵則知愛徵兵。而非徵兵者。不知愛。於是與警察相爭鬪。與募兵相殘殺矣。其他若工若商。惟利是圖。競相賊害。其道德之墮廢。益甚。機械之變詐。益精。探其根相。而發其源流。無非由於不知廣義之愛。而誤用其羣之界說。故蓋羣者。非有一定範圍之可言。小而數人之結聚爲羣。大而數千萬人之結聚爲羣。類推而至於數國之聯合。亦何嘗不可謂羣。故羣者。非對於他羣之名詞。是對於賊其羣者之界說。賊其羣者。必不愛其羣。不愛則必與其羣破裂。而爲之分界。故曰賊仁者謂之賊。賊義者謂之殘。殘賊之人。謂之一夫。所謂一夫者。是摒於其羣外之謂也。是以紂有人億萬。爲億萬心。言紂不愛其羣。故億萬人。摒紂於羣之外。余有人三千。惟一心者。言武王愛三千人。故三千人與武王如父子相親愛。而爲一羣也。是故一國而人人不相愛。則一國之中人。

人而紂也。一省一府一縣而人人不相愛則一省一府一縣之中人人而紂也更充其類而至於一鄉一區一里亦人人不相愛而爲紂則潰敗決裂其尙堪爲國乎此非過刻之論也人人知有狹義而不知廣義則其社會渙散之情態勢必至於是故曰國於天地必有與立與立爲何惟此一念之愛而已若夫愛之說旣誤而囂囂然曰合羣曰團體朝聚數人而曰連鄉誼夕聚數人而曰結情好我見其羣愈合愈渙愈結愈離而不可收拾何以故以其不知兼愛而主推愛故不兼愛則一省之人必先愛其本省而後及於他省一府之人必先愛其本府而後及其他府一縣之人必先愛其本縣而後及其他縣其勢必至羣愈分而愈渙即愛愈分而愈漓不至於自私自利不止然則敗天下之羣德者推愛之說而已是故愛與法律之界說成一反比例法律則欲愈晰愈精而愛則欲愈推愈廣今社會中所推爲最固之團體者莫不曰學生然而入室之戈屢操爭競之機未靜亦無非誤於推愛之一言嗚呼我國之社會至今日而渙散極矣傾軋極矣羣德之喪失極矣故多行一新政即多一次爭競矣而外人視我社會之渙散傾軋羣德喪失而無能爲也於是日侵日亟踐踏而至於至不堪不能忍受之地位而我尙持螭蚌之爭而不顧漁人之收其利也耶我國民其念之我國民其思之

論新名詞輸入與民德墮落之關係 錄丙午十月二十八日申報

嗚呼。中國民德之墮落。未有甚於今日者也。當數年以前。人民雖無新智識。然是非善惡。尙有公評。自新名詞輸入中國。學者不明其界說。僅據其名詞之外延。不復察其名詞之內容。由是爲惡爲非者。均恃新名詞爲護身之具。用以護過飾非。而民德之壞。遂有不可勝窮者矣。如先國後家。美名也。今之學者。遂援家族革命之名。富者自縱其身。欲拒家庭之干涉。以自便其私。貧者自惰其身。欲脫室家之累。以泯其謫言。而先家後國之美名。遂爲淫民惰民所假託矣。又如地方分權。美政也。今之奸紳劣董。遂援地方自治之名。上以絕官吏之約束。下以受人民之歡迎。因以橫行鄉曲。把持公務。以自植其權。而地方分權之美政。遂爲奸民蠢民所假託矣。如內地紳士之設地方自治局也。又如抵力壓力之名詞。爲物理學之恆言。非不美然其人則非其心則私也。乃今之爲學生者。習焉不察於學校實行規則者。稱爲壓力。於生徒破壞校規。抗辱師長者。稱爲抵力。而學界之風潮。日以多守舊維新之名詞。爲報章中之慣語。今之自命新黨者。空疏不學。不欲施徵實之功。而又欲自文其陋。於是滅古爲趨。時以讀書爲無用。而中國之國粹。日以亡。昔之空疏不學者。尙知自愧。是爲自暴。不惟此也。如合羣爲強國之基。而今之所謂合羣。則朋比爲奸。乃古人所謂阿比也。自由爲天賦之權。而今之所謂自由。則肆無忌憚。乃

社說

論新名詞輸入與民德墮落之關係

二百三十九

丙午

古。人。所。謂。放。縱。也。且。也。有。平。等。之。說。出。而。後。狂。妄。之。民。以。之。助。自。傲。自。驕。之。習。然。於。在。上。者。則。欲。其。降。尊。於。在。下。者。則。欲。其。服。從。有。共。產。之。說。出。而。後。無。賴。之。民。恃。爲。欺。詐。銀。財。之。用。然。人。有。財。則。欲。其。共。於。己。己。有。財。則。不。欲。共。於。人。有。外。交。手。段。之。說。出。而。後。奸。險。之。民。恃。爲。對。付。同。胞。之。用。以。險。詐。可。以。得。利。遂。誦。誠。實。者。爲。受。欺。有。運。動。官。場。之。說。出。而。後。貪。鄙。之。夫。行。其。逐。臭。趨。炎。之。技。以。枉。道。可。以。進。身。遂。誦。潔。身。者。爲。愚。拙。甚。至。託。競。爭。權。利。之。說。以。侵。犯。他。人。之。自。由。託。高。尙。之。名。以。放。棄。己。身。之。義。務。是。新。名。詞。未。入。之。前。中。國。民。德。尙。未。消。亡。既。有。新。名。詞。之。輸。入。而。後。宗。教。不。足。畏。格。言。不。足。守。刑。章。不。足。懾。清。議。不。足。憑。勢。必。率。天。下。之。民。盡。爲。作。奸。之。舉。而。蕩。檢。踰。閑。之。行。不。復。自。引。爲。可。羞。殆。荀。子。所。謂。盜。名。者。歟。推。其。極。弊。實。爲。亡。國。之。階。今。也。欲。救。其。失。其。惟。定。新。名。詞。之。界。說。而。別。創。新。宗。教。乎。



諭旨

十月全

上諭廣州將軍壽蔭副都統興存春齡均著來京當差欽此○上諭誠勳著調補廣州將軍江南將軍著濟銳補授欽此○上諭雲南昭通府知府員缺著慶桂補授欽此○上諭四川夔州府知府員缺著于奕澣補授欽此 十月初二日

上諭本日引見之乘襲侯爵兼一輕車都尉度支部員外郎左景祐著加恩以五品京堂候補欽此○旨正黃旗漢軍都統著樸壽補授欽此○旨孚琦著補授廣州滿洲副都統漢軍副都統著李圖杰補授欽此○旨廂藍旗滿洲副都統著塔克什訥調補所遺廂紅旗蒙古副都統著烏珍補授崇壽著調補廂白旗滿洲副都統所遺正白旗漢軍副都統著張德壽補授欽此○諭旨十月初九初十十一日均著推班欽此○上諭本年江蘇安徽浙江湖南迭遭水患廣東屢被風災當經分別頒發帑銀并由各該督撫等議賑議捐妥籌撫恤其餘如直隸河南四川廣西甘肅江西雲南等省會報偏災亦經先後飭各該督撫等量為賑濟小民諒可不至失所惟念來春青黃不接之時民力未免拮据著傳諭該督撫等體察情形如有應行接濟之處即著認真查明據實覆奏務於封印以前奏到俟朕於新正降旨加恩此外各該省有無被災地方應行調劑之處著該將軍督撫等一體查明具奏前經降旨諭令該將軍督撫等痛除積習飭屬確查母任豪強胥吏盤剝欺侵該將軍督撫等務當恪遵前旨實力奉行不得稍有捏飾以副朝廷實惠及民之至意將此通諭知之欽此 初三日

旨敬昌著調補廂白旗滿洲副都統廂黃旗滿洲副都統著崇壽調補欽此 初四日

上諭朕欽奉 慈禧端佑康頤昭豫莊誠壽恭欽獻崇熙皇太后懿旨甘肅提督姜桂題等統領各軍宿衛宮禁彈壓地

諭旨

八十一

丙午

而數年以來尙屬得力自應量加恩施以昭激勸姜桂題著賞加尙書銜四川建昌鎮總兵張勳著賞給頭品頂戴廣東潮州鎮總兵趙國賢直隸正定鎮總兵徐邦傑浙江處州鎮總兵邱開浩均著以提督記名其餘在事各員著慶親王奕劻分行各該營開單酌核請獎候旨施恩欽此○上諭朕欽奉 慈禧端佑康頤昭豫莊誠壽恭欽獻崇熙皇太后懿旨大學士那桐郵傳部尙書張百熙總管內務府大臣奎俊均著加恩在西苑門內騎馬欽此○上諭法部尙書戴鴻慈都察院都御史陸寶忠禮部左侍郎張亨嘉大理院正卿沈家本均著加恩在紫禁城內騎馬欽此○旨江西鹽法道著慶寬補授福建邵武府知府著朱錫恩補授江西靖安縣知縣著鄭應墀補授貴州印江縣知縣著鄒毅洪補授四川榮昌縣知縣著趙詠清補授江西袁州府同知著博勒忠武補授陝西岐山縣知縣著邊祖祥補授河南西平縣知縣著程惠毅補授截取舉人王毓祥著以直隸州州同用現任永順府教授劉廷棧著以鹽庫各大使用截取舉人黃竹修著以直隸州州同用廉蔭著以直隸州州同用熊繼本著以鹽庫各大使用陶步瀛著以鹽庫各大使用王恩翰著以鹽庫各大使用陳繼修著以鹽庫各大使用康鴻鈞著以直隸州州同用陳棟前著以直隸州州同用現任祁陽縣教諭楊昌讓著以直隸州州同用揀選舉人于文貞著以直隸州州同用任桂芬著以鹽庫各大使用鄭經宇著以鹽庫各大使用常壽泉著以鹽庫各大使用李吉林著以鹽庫各大使用陶炳榮著以鹽庫各大使用郝秀觀著以直隸州州同用崔榮標著以直隸州州同用蕭殿勳著以鹽庫各大使用胡謙福著以鹽庫各大使用王佩真著以鹽庫各大使用朱道濂著以鹽庫各大使用胡鳴鶴著以直隸州州同用陳保彝著以鹽庫各大使以應升之缺升用俸滿福建漳浦縣教諭王登琦著仍以教職用俸滿安徽石埭縣教諭王拔萃著仍以教職用理藩部筆帖式著桂斌補授起居注筆帖式著增元補授內閣侍讀學士員缺著劉式訓補授內閣中書員缺著常禧補授擬補西安將軍衙門筆帖式文鐘著准其補授實授直隸

北運河楊村通判趙燾芳著濳其賞授保送分發知府翰林院編修夏寅官管象晉俱著以知府分發省分補用保送分發知府盛京裁缺禮部員外郎巴克坦布著以知府分省補用保送直隸州知州盛京裁缺刑部主事多倫布著交部記名以直隸州知州用保送知縣盛京裁缺刑部筆帖式常奎裁缺國子監筆帖式玉琨俱著交部記名以知縣用改就知縣前刑部主事桂芾著以知縣分發省分補用奏留吉林補用道史函吉林補用知縣善元任鳳閣保舉江蘇候補知州許省詩山東候補知縣王夢松浙江候補知縣徐寶青俱著照例用京察盛京將軍衙門主事紹海著准其於筆帖式任內一等加一級卓異俸滿在任補用道湖南永州府知府德泰著回任准其卓異加一級仍註冊候升社稷壇五品官員缺著喜祿補授欽此○旨本日引見之開缺送部廣西鎮安府知府豐陞額著以簡缺知府用廣西南甯府知府潘江著以同知用欽此 初五日

上諭民政部奏掛甲屯粥廠改爲教養局援案請賞米石一摺所有掛甲屯舊設粥廠現經改爲教養局加恩著賞給粟米三百石發交該處紳董核實散放以惠窮黎欽此 十三日

上諭十一月初八日冬至大祀 天於 圓丘朕親詣行禮四從撞遣延康德茂希璋恩輝各分獻欽此 十五日

上諭袁世凱奏查明開州等三州縣災歉情形請分別蠲緩糧賦一摺直隸開州東明長垣三州縣濱臨黃河村莊本年秋禾被淹歉收若將應征糧賦照常征收民力實有未逮准恩著照所請所有開州等三州縣成災五六分村莊應征本年錢糧著蠲免十分之一成災七分村莊應征本年錢糧著蠲免十分之二成災八分村莊應征本年錢糧著蠲免十分之四其成災五六七分村莊蠲緩錢糧著展緩至光緒三十三年秋後起分征成災八分村莊蠲緩錢糧著緩至光緒三十三年秋後起分作三年帶征至被災各村莊未完節年錢糧及歉收四分村莊未完本年節年錢糧及歉收三分村莊

未完節年錢糧及出借倉穀等項均著緩至光緒三十三年秋後起征仍減免差徭俾紓民力餘著照所議辦理該督卽刊刻謄黃徧行曉諭務使實惠均沾毋任吏胥舞弊用副朝廷軫念民艱至意該部知道欽此○上諭袁世凱奏查明災歎州縣請蠲緩糧租一摺本年順直地方入夏以來屢次大雨山水下注以致濱臨各河窪地不稼均多被水並因天時不齊各屬有被雹災蟲災被旱災之處若將應征錢糧照常征收民力實有未逮加恩著照所請所有武清等十五州縣成災五六分村莊應征本年錢糧著蠲免十分之一成災七分村莊應征本年錢糧著蠲免十分之二各項旗租著蠲免十分之一成災八分村莊應征本年錢糧著蠲免十分之四各項旗租蠲免十分之二成災九分村莊應征本年錢糧著蠲免十分之六各項旗租蠲免十分之四成災十分村莊應征本年錢糧著蠲免十分之七應征屯米穀豆草束灶課學租旗產錢糧河淤海防經費儲備餉需廣恩庫租通津二幫屯租一併分別蠲緩帶征其陸軍部馬館租變儀衛租永濟庫租代征租及出借倉穀子種口糧牛具等項著一體緩征且分別減免差徭又文安等十八州縣歉收四分村莊應征本年節年糧租並歉收三分村莊應征節年糧租屯米谷豆草束灶課學租旗產錢糧河淤海防經費儲備軍餉恩庫租陸軍部馬館租變儀衛租通津二幫屯租永濟庫租代征租並出借倉穀子種口糧牛具等項均著緩至光緒三十三年麥秋後起征並減免差徭以紓民力餘著照所議辦理該督卽刊刻謄黃徧行曉諭務使實惠均沾毋任吏胥舞弊用副朝廷軫念民艱至意該部知道欽此 十六日

旨揀選舉人梅汝璈著以直隸州州同用熊會昌著以鹽庫各大使用胡宗程著以鹽庫各大使用王樹元著以直隸州州同用曹榮紳著以鹽庫各大使用李念詒著以鹽庫各大使用胡紀辰著以直隸州州同用陳兆祺著以鹽庫各大使用楊雲翔著以鹽庫各大使用楊鳴珂著以直隸州州同用向成著以鹽庫各大使用胡其敬著以直隸州州同用顧耀

乙著以鹽庫各大使用張思榮著以鹽庫各大使用呂銘澤著以鹽庫各大使用宋功煒著以鹽庫各大使用魏鏡波著以鹽庫各大使用王篤弼著以鹽庫各大使用分發直隸試用道翁之廉江蘇試用道郭寶銘賀光鼎文廷楷湖南試用道袁學昌薛鴻年浙江補用知府楊崇綸山東試用知府危之韶浙江試用知府史揚善江西試用知府周紱漢福建試用知府戴培基湖南試用知府盛松直隸試用同知陳夢齡陝西試用知州張存善浙江試用通判文祖蔭四川試用通判張秉銳直隸試用直隸州州同傅作楫江蘇試用直隸州州同范采晉蔣琛趙鼎煌安徽試用直隸州州同徐佑曾劉信淇岳障東胡作霖陝西試用直隸州州同金夢魁福建試用直隸州州同陳啟人傅作舟四川試用直隸州州同張濬廣東試用直隸州州同謝賢霖廣東補用知縣春慶直隸試用知縣尙葆初杜際清劉克勤郭輔唐江蘇試用知縣張宏彬何良康江蘇補用知縣徐良弼江蘇試用知縣徐嘉彥山東試用知縣李基中甯權廖以仁林心杼河南試用知縣曹昌運陝西試用知縣松福章國楨江西試用知縣蕭焜垣劉翰飛福建試用知縣陳樹銘黃鄭銓湖南試用知縣黎啟勳傅運亨四川試用知縣張拔沆鄭曰敬廣東試用知縣薛瑩陳林淞陳居綸周汝侵俱著照例發往欽此 十七日

上諭現在天氣漸寒京城兵丁當差勤苦殊深軫念所有八旗及綠步各營官兵均著加恩賞給半月錢糧以示體恤欽此○上諭現屆天氣漸寒所有食餉之間散宗室覺羅人等生計維艱殊深軫念著加恩賞給一月錢糧其宗室覺羅孤寡除加恩賞錢糧外著再加賞半月錢糧以示體恤欽此 十八日

上諭四川北道員缺著吳佐補授欽此○上諭四川保甯府知府員缺著瑞齡補授欽此○旨有奏著來京當差駐藏辦事大臣著聯豫補授張蔭棠著賞給副部統銜作為駐藏幫辦大臣欽此 二十日

上諭恩壽奏特參大員庸闇溺職一摺據稱藩司吳匡於委員解餉被水沖去銀箱一案屢催追查含糊漫應日久並未

詳參又交城縣皮商靳漢臣與牛星臣爭帖互控一案業經斷定詳准該司於彙詳補帖案內改叙靳漢臣之名隱圖翻異似此玩忽欺朦殊出情理之外請嚴行究辦等語藩司任重事繁應如何正己率屬乃竟遇事瞻徇實屬有曠職守山西布政使吳匡著卽開缺並著該撫將兩案提交太原府澈查究辦以肅官方餘著照所議辦理該部知道欽此 二十一日

上諭寶棻著調補山西布政使浙江布政使著信勤補授欽此○上諭浙江鹽運使著崔永安補授李傳元著調授浙江督糧道欽此 二十二日

旨著派善者符珍葛寶華奎俊看視獎賞欽此 旨兵丁等借支庫銀應扣本年十二月次年正月利息銀兩著加恩展限兩箇月欽此 二十六日

旨著派阿霖進稽察三海值班官兵大臣欽此○旨分發江蘇補用道黃仁濟豫河試用同知許師謙山西試用同知戴慶麟江西試用同知方廷瓊四川補用直隸州知州倪大來江蘇試用直隸州知州李萃榮安徽試用直隸州知州危之樹安徽試用知州方懽忠四川試用知州莫強浙江補用通判胡鏞四川補用通判丁喬松湖南試用通判沈保徽廣東試用通判益斌馮駿直隸試用直隸州州同吳成文四川試用直隸州州同桂鸞江蘇補用知縣竇以棻直隸試用知縣胡念祖辛寶慈洪世端江蘇試用知縣孫履亨吳邁沈學昌方蔭儀楊宗浦安徽試用知縣袁勵衡山東試用知縣周行敬劉兆掄陝西試用知縣姚世傳浙江試用知縣余允貞江西試用知縣薛宜琳劉思鑿福建試用知縣王汝楫湖北試用知縣楊宗鈺楊禮枏劉爵一朱序淇左宗詒孫多懿湖南試用知縣任汝明胡世澤馬維騏四川試用知縣景方屬蘇家樹易榮甲廣東試用知縣劉世德廣西試用知縣沈秉惠康傳詩新疆試用知縣裴述江蘇試用布庫大使高文獻奉

毓崑直隸試用鹽大使王家霖長蘆試用鹽大使朱學猷江蘇試用鹽大使陳璟梅劉恩齡山西試用鹽大使劉玉麒何  
 桑兩淮試用鹽大使盧衍慶陸聯沅孫傳徽張汝功福建試用鹽大使萬里航文其煥雲南試用鹽大使夏鳴雷俱著照  
 例發往揀選宗人府主事一缺著王寶田補授揀選熱河知州徐德基著以知州發往熱河差遣委用揀選熱河知縣黃  
 文德國仁秦陳建中孫汝階張家駒俱著以知縣發往熱河差遣委用揀選吉林長壽縣典史一缺著潭澄補授開復前  
 山西絳州直隸州知州李壽芝著准其開復原官銜翎照例用捐復前四川威遠縣知縣于德楸著准其捐復原官照例  
 用理藩部主事晉德賀著准其補授吏部主事徐冕任祖瀾俱著准其留部欽此又軍機交出本日引見之開缺送  
 部廣東潮州府知府劉尙倫奉 旨以簡缺知府用欽此 二十七日

旨郵傳部右丞著陳昭常補授那晉著補授郵傳部左參議郵傳部右參議著施肇基署理欽此 二十八日




職官

八十七

丙午

諭旨



八十八

十一月



## 內務

論改良法律所應注意之事 錄丙午七月初四日時報

西哲有言曰。世界文明愈進。則法律必因而愈繁。又曰。法律者其進步無止境者也。是知法律萬無一成不變之理。統視其國之情勢。何如先進之國。往往更端少而變象微。新進之國。往往改革多而關係鉅。蓋其情勢有迫之不得不爾者。我國今日言改法。其所更張者。蓋亦不尠。雖然。我之改法。不可與他國等視也。我國自昔所謂法律。不過聽君主之意旨。爲官吏所把持。其於法律之意義。本不完全是直。不可以言法律。今者採用文明之制。以定完全之法律。精神所寄。必不可與昔者同科。蓋非取前此腐爛之條文。摧陷而廓清之。使人人心中。知法律爲獨立不羈神聖。不可侵犯。而非爲人君任情喜怒之資。則人民必不知法律之當重。明法律之宜守。而法律且不能實行。故今日之立法。非沿襲也。實創制也。當事者必明夫精神之與前異。然後得立法之原。又必使受治者明夫精神之與前異。然後得推行之利。但當事者雖能明此。而受治者或不明此。則上下不能融洽。隔礙必多。故當事者又宜得通變之義焉。茲將改定法制所應爲者。列之於左。

內務

論改良法律所應注意之事

二百四十三

丙午

一宜有次第。法律分析多門。然大別之。實民法刑法兩項。其餘皆從此而生。而法律之精神。實亦即寄於此。蓋專制國之法律。命令而已。其條文皆注重上與下之間。至於人民與人民之交涉。視之殆無足重。自民法獨立。別與刑法分馳。然後人民之權利日益尊重。然民法又原於憲法。憲法未立。又幾無民法之可言。故必次第分明。然後下手。不至錯亂得收相維之益。今者民法未立。而商法先頒。民事刑事訴訟法。又繼出焉。學者常議其本末倒置。雖此中有不得已之故。未可苛求。然次第不分。條理終不明晰。此不可不首先注意者也。

一宜緩公布。近日所定新律。如商法中之商標破產二律。既或因外人訾議。或因商民求請而緩施行矣。至於民事刑事訴訟法。各省又多未能實行。競求從緩。夫法律者必有效力。須執行者也。既不執行。又無效力。即非法律。而司法者又坐聽各地方官之置之腦後。而莫可誰何。斯豈尙成政體乎。然各律文中。又實有窒礙難行。不能辦到者。各地方官雖欲奉行。苦於無術。司法者明知其故。不得不稍寬假之。以通融辦理。為遮飾之詞。斯固不得已之情。形然接之法律原理。則萬不宜出此竊謂。與其徒飾觀聽無益於事。何如詳加討論。暫緩公布之。為愈乎。凡立一法。似皆宜先定草案。付內外官吏詳晰商榷。並許商民建議。然後彙聚折衷。庶不至公布之後。疊生疑阻。致成虛設。既淆觀聽。又費光陰。似多事而實省事也。

一宜求實行。法律之必求執行。有效力。前已言之。然法之執行。必其法之實在可行。非強以不能行之法。而迫使實施也。又必其法之必當如是。非強以可出入之法。從而附和也。今新定各法之未能實行。雖因情俗之各殊。然法律之條文。亦有可以商榷者矣。如訴訟法之陪審。宣誓。破產律之報析產。或非今日所能行。或非今日所必行。而律特著之。謂當事者明知其無用。而故列此。以求完備。吾不敢謂然。特當事者計慮久長。以爲將來必有能行之一日。不妨先列之以資誘導耳。然如此辦法。似不能誘導。且適足長僞。售欺。令人藐法。故苟非今日可以實行之法。似皆宜暫不列入法律。非一成不變。他日爲之。未遲。何用屢此以增阻力乎。

一宜有準備。凡事不可無豫備。今日之立法。乃改絃更張。非補苴罅漏也。其關係若何重大。且以數千年之習慣。沉溺於專制政體之中。人民之性質。幾與之訢合無間。今一旦取而易之。必甚覺其不便。即官吏作福作威。平日不知守法。爲何物。今一旦欲令其凜遵定制。雖勉強服從。其如不諳法律原理。動輒得咎。何是欲法之行。固萬不可不先有準備也。人民之智識學術。雖非司法者所能爲力。至於養成裁判之官吏。改良污穢之監獄。調查現狀。提倡法學。斯固當事者權力所得爲也。不行此數者。而欲法之行。猶耨鋤不具。而欲田之治。其可

得乎。且天下事以意爲之。又未有不誤者也。今當事者於舊例之宜否。人情風俗之若何。未必具知。而輒勞楮墨。恐其中難免牴牾。斯又不可不加審慎者也。

一宜與他政事聯絡。中國行政司法之權限。本不分明。更無所謂立法司法之別。故法律之與他政事牽混者甚多。今未至立憲之期。固未能一一畫清。然法律之用。本隨政教爲轉移。若政教有所變更。則法律亦當改良。以期不相觸背。中國舊律自相矛盾者甚多。故官吏得以舞文而民且莫知所適。今更新律則凡缺者皆應增入。複者皆應刪除。兩歧者皆應更正。含混者皆應解釋。務期與現行一切新政平行並進。有相成之益。無矛盾之虞。庶幾融會貫通。效能大著。如希政學之進。則集會之禁。宜除。期實業之精。則專利之章。宜補。斯皆因時制宜。必須詳稽慎訂者也。

一宜求機關之統一。中國司法雖非獨立。然未嘗無統系。可言如刑部爲最高。法廷知縣爲初審。法廷位次分明。組織亦頗有則。惟權限未能明晰。故責成不克專一耳。然此乃政體之弊。非官制之不善也。今改制之初。固未能卽議中央集權。使司法皆爲獨立。然機關若不統一。則所定法律終必不能實行。卽使陽奉陰違。部中又何從干涉。且他項官職皆最下一級。始與民親。其上乃遞相制。束惟司法者自刑部以下皆可受人控訴。而其職復上下相維。

倘無統一之機關。事終不能條貫。前者政務處議州縣分設裁判官。所見殊卓。惜未見施行。倘能慎選法官。明權限而專責成。則脈絡貫通。推行自易。較之枝枝節節。事倍功半者。不可同日語也。

以上六條。不過就目下俶始之際論之。至於法理深蹟。頭緒紛繁。初非尺幅所能盡。近者朝廷銳志更新。士夫之研求法政者。接踵而起。法律之智識。雖未普及。然樵夫之談王道。鄉校之議時政。亦復數見不鮮。斯皆可喜之現象也。惟看裁雖美。亦有哽噎之虞。絲纂紛陳。仍勞機杼之織。辦事而無條理。害且不勝。故略貢管窺。以資參酌。非敢云方針之導也。

### 政務處吏部會奏議覆署閩浙總督崇浙江巡撫張奏南田設官經理摺

據兼署閩浙總督崇善浙江巡撫張曾敷等奏查明南田形勢擬設專官一摺。查南田外控海面內衛象山石浦甯海諸廳縣洵稱重地。現在地利漸闢。民戶日繁。自應專設民官以資治理。原奏擬以甯波水利通判改設南田撫民通判。要缺自係爲因地制宜起見。應請照准。至該廳要缺應定爲何項缺分。並現任甯波水利通判能否勝任之處。吏部查甯波水利通判係無字簡缺。駐甯波府既經政務處議准移駐南田。定爲海疆撫民通判。要缺以資控制。其應定爲何項缺分。并現任是缺之蕭福清能否勝任之處。仍應由該署督查看情形再行

內務

政務處吏部會奏議覆署閩浙總督崇浙江巡撫張奏南田設官經理摺

二百四十七

丙午

奏明辦理又原奏擬於大南田樊岙龍泉鶴浦兩塘酌撥水師駐守並設立警察內保治安外遏海盜仍由定海總兵象山副將甯波道府照章週巡各節均爲綏靖地方之計亦擬請照准該處教養未興鹽礦各利亦待振舉併請 飭下該督撫等責成新設之員認真經理期收實效一切未盡事宜應再妥籌詳酌奏咨辦理謹 奏奉 旨依議欽此

附署閩浙總督崇浙江巡撫張原摺

竊承准軍機大臣字寄光緒三十年十月十七日奉 上諭工部代奏主事陳奮敬陳管見一摺據稱三門灣爲南田一隅南田環象山半地爲南五省樞紐請經理南田安內靖外等語著崇善張曾敷按照所陳察看情形妥籌辦理原呈著鈔給閱看將此各諭令知之欽此遵 旨寄信前來承准此臣等遵卽會同先行知照浙江提督呂本元並札飭甯紹台道高英遴派熟習測量員紳前往確查去後又電商現統南北洋海軍廣東提督薩鎮冰派飛鷹獵船管帶黃鍾瑛浙江補用知縣瞿鴻護親歷履勘以資印證茲據先後聲復前來臣等覆加察核大致相同謹就查得實在情形妥議經理之法敬爲我 皇太后 皇上分晰陳之查原呈所謂三門灣蓋指上下三門山言地在石浦西南南田西北不過海中二小島西人所謂三門灣則起自南田西南之花畧內包朱門石浦兩港由

大化灣達蛇蟠洋西通甯海縣水道非專指上下三門謂之灣者以輪路曲折象形而名之耳故如原呈之三門灣則三門不過南田之一隅而如西人之所謂三門灣則南田不過灣中較大之一島而已臣等準諸地望參以圖說南田舊隸象山然其地實在石浦之南距象山海程一百餘里雖非環象山半地而十都之坦塘已與象山縣屬之九龍港相近雖未足爲南五省之樞紐而於浙屬之象山石浦甯海實有切近之利害且自光緒初元開禁以來生聚漸多墾闢漸廣較其幅幘固非定海玉環之比蓋亦未可視同海外之甌脫而少緩其經理矣其地四面環海島嶼紛歧計其中分兩塘四鄉十都一百八番其人民則溫台客籍居其八而土民居其二其戶三千六百其丁口一萬四千有奇其田地山場已熟者六萬四千餘畝養淡未熟者五千餘畝尙未養淡而可以養淡者約八九千畝其產番薯魚蝦穀米荳麥煙漿其舊設屯務保甲委員一人僅收租編戶而無管理詞訟之事自非改設專員實不足以資撫馭然如原呈所稱移石浦同知於南田者則臣等以爲未洽何也石浦地當衝要人民生業倍南田移彼駐此未免顧此失彼惟查有甯波水利通判一缺與甯波道府同城本無所事若以之移駐南田定爲海疆撫民通判要缺責以丈量熟地分則陞科一面勸民養淡徐圖富庶警察小學漸次舉行但使經畫得宜

十數年後固亦海外之鄒魯殆不僅如原呈所謂興租爲科也至原呈請移象山協副將於南田並擬於南田之金漆門大佛頭建明礮臺南田附近之花香及無名小山建暗礮臺臣等亦以爲未妥蓋象山爲濱海巖邑象山港又爲重要門戶舊設副將尙恐難資鎮懾何敢遽議更張至於南田口門如林門朱門下灣門銅瓦門處處可通船隻僅恃金漆花香等處礮臺防外則不足靖內則無庸臣等擬於大南田樊香龍泉鶴浦兩塘酌撥水師駐守並設立警察內保治安外遏海盜仍由定海總兵象山副將甯波道府照章週巡以昭慎重斯卽不必盡如原呈所云移駐協標改巡爲汛而參酌變通防南仍兼防象實爲並行不悖惟似此經營遂謂其足以保固海疆臣等原未敢深信但使島嶼居民受官弁之約束保護知 聖朝盛德覆育無有遐遺人戶滋生猛榛漸敗則積其嚮風慕化之忱或隱然爲 國家無形之拱衛此則臣等區區之微意也若夫煮海成鹽鑿山采礦自然之利應屬公家惟南田之民食鹽購自石浦尙無私煎礦苗未經開采亦未外溢均請俟設官定制後責令次第興舉以上所擬辦法是否有當懇 恩飭下政務處妥核議奏俟蒙 俞允再由臣等將各該文武駐紮處所及應行建置一切事宜詳細具奏請 旨施行以期無負安內靖外之意謹 奏



禮部奏定考試舉貢辦法摺附片

查光緒三十一年八月直隸總督袁世凱等奏准停止科舉摺內所稱舉人優貢三科內令各省督撫每三年一次保送若干名略照會試中額加兩三倍送京考試凡算學地理財政兵事交涉鐵路礦務警察外國政法等事但有一長皆可保送俟考試時分別去取等語竊思保送舉貢事屬創辦各省道途遠近不一若非先立標準未免無所適從臣等詳加細繹原奏所謂三年一次仍係規仿三年大比且意在疏通舊學其考試年分及起送赴考各節自應查照會試舊章參酌辦理惟會試中額向由臣部開列歷屆比較單奏請 欽定此次加額保送擬請即以二十四年戊戌科 欽定會試中額爲斷於本額外再加三倍以廣登進至原奏統言舉貢實則核計各省舉貢堪膺保送者究屬舉佔多數貢居少數擬以舉四貢一分別計算宗室由宗人府八旗由都統各省由督撫按照原奏遴選長於算學地理等科如額保送造具年貌籍貫科分清冊於年內咨部並分給該舉貢等咨文統限明年二月到京親實報考屆期再將考試章程另行具奏謹 奏奉 旨依議欽此

再本年二月政務處奏准每科會試中式之貢士有未經覆試者有覆試後未應 殿試或朝考者向例於下科補考今科舉既停擬請准令該員等取具同鄉京官印給赴禮部呈

內務

禮部奏定考試舉貢辦法摺附片

二百五十一

丙午

請已經覆試或 殿試者即開列所考等第甲第名次帶領引 見給予出身分別錄用未經覆試者亦請查照新章免其覆試引 見錄用等語今擬通行各省如有前項未經引見人員統令於明年三月內到京取結赴部呈明由臣部於考試保送舉貢場後將該員等另爲一班帶領引 見以免參差而廣 皇仁謹 奏奉 旨依議欽此

刑部都察院會奏議覆御史劉汝驥奏請將上控案件自行提審摺

竊准軍機處傳知本年七月二十七日御史劉汝驥奏上控案件請自行提審一摺奉 旨刑部都察院議奏欽此並鈔錄原摺片交前來臣等查閱該御史原奏大旨請將上控案件自行提審蓋恐發還原審州縣不免迴護掩覆吏役因滋奸弊則民冤無自而伸意非不善也然而冤民可念刁民亦不可不防近日人情滋僞良懦者身受冤抑或隱忍而不言刁健之民訟棍唆之非因事圖財即挾嫌圖害本鬪殺也而指爲謀故本羣毆也而指爲夥劫或因命案而指怨家爲主使或因盜案而指富室爲窩藏擇肥而噬巧詐百端受其庸愬則頗聳聽聞究厥原由則殊無根據若紛紛概予提審即使訊明坐誣治以應得之罪而被累之家破矣該御史原奏謂臣院辦理京控案件駁者多而准者少職是故也查臣院辦理京控章程其奏請 欽派大臣查辦及提人證卷宗來京質審者本非常有之事凡呈詞之較爲

近情者酌量事體大者奏聞次則咨交各省督撫審理其情節支離言詞閃爍及一切例不准理者即予發還仍將奏交咨交及發還各呈詞摘敘簡明事由開列清單按月具奏立法已極周詳自可毋庸更議惟臣等之愚以爲政平訟理端賴循良故欲獄無冤民莫如慎選牧令應請飭下各督撫臣嚴察所屬如有關於聽斷耽於安逸不能勤恤民隱之員立予參撤以儆其餘遇有上控案件關涉官吏納賄徇私等弊察其情詞不盡虛捏而道遠不便提審者即選派廉幹之員馳往審勘毋得發還原審州縣致遂迴護掩覆之私庶冤獄漸平而刁風亦不致滋長矣謹奏奉旨依議欽此

上海總工程局暫定章程

城廂內外總工程局總章 第一章設局總綱 第一節本局於光緒三十一年七月遵奉蘇松太道袁照會設立酌收地方稅以辦理地方公共事務助官司之不及興民生之大利以立地方自治之基礎 第二節本局遵奉蘇松太道照會接辦城廂內外一切事宜所有應行興辦各事由議會議決施行 第三節本局奉蘇松太道核准以滬南浦灘毛家弄碼頭舊有之工程局及後進水利局舊址作爲局所 第四節本局由蘇松太道詳准頒給鈐記以昭信守文曰上海城廂內外總工程局 第二章區域規畫 第五節本局

因辦事便利起見擬將上海城廂內外分爲七區其區域如左

城內

- 一東城區
- 二西城區
- 三南城區
- 四北城區

城外

- 五東區 東門外
- 六西區 西門外
- 七南區 南門外

第六節前列各區係照現今情勢而定將來除政府特頒地方自治制度明定區域自應恪遵外若本局擬將現定各區變更及併合或廢置者臨時再議 第三章兩部組織 第七節本局共分兩大部以議會爲代議機關以參事會爲執行機關 第八節本局設辦事總董五員內領袖總董一員即參事會之議長常川駐局辦事總董二員常川到局辦事總董二員議董三十三員內議長一員 第九節本局因辦事上之便宜得以議會及參事會之同意於各區設立分辦處置區長副區長各一員另有專章 第十節本局依議會之議決得置臨時或常設之贊助員而以參事會員之一人爲贊助員長另有專章 第十一節本局設戶政警政工政三部每部置部長一員由常川駐局之總董分任監督之責 第十二節戶政部下暫設戶籍處地產登記處收捐處警政部下暫設巡警處消防處衛生處工政部下暫設測繪處路工處路燈處各處應設人員另詳專章 第十三節本局除戶政警政工政三部外另設

書記處會計處繙譯處採辦處其員數視事之繁簡而定 第十四節各區內得設相當之職員其員數亦以事之繁簡定之 第十五節議會參事會各區分辦處及贊助員各有專章以資遵守 第四章豫算及決算 第十六節參事會豫算每年出入之費於每年九月初一日起至議會年會十日前作明歲出入豫算表以備交付議會決議 第十七節定額預算外倘有特別費用得經議會之認可而支出之 第十八節預算表經議會議決後由領袖總董交付會計處作為收入支出之依據 第十九節會計處支出款項或應總董簽字或應部長簽字或應區長簽字均按定章辦理 第二十節局中出入帳目每月須定一檢查日期每年至少須行臨時檢查一次其每月之檢查由常川到局辦事總董任之臨時檢查由領袖總董會同議長任之 第二十一節會計處於每年二月初一日以前應將上年收付款項列表送由參事會核准附以意見交議會審查認可 第二十二節未盡事宜隨時酌定

總工程局議會章程 第一章組織及選舉 第一節本會以議董三十三人組織成之 第二節議董由本地紳士及城廂內外各業商董秉公選舉呈請蘇松太道核准 第三節於議董中互舉議長一人每年一舉議董任期四年每二年改選定額之半續被舉者仍得

內 務

上海總工程局暫定章程

二百五十五

丙午

續任 第四節凡議董如有闕額得俟改選時補選若闕額至定員三分之一以上多數議董認爲必須臨時補選者雖在改選期前即須補選 第五節選舉人資格如下 一年在二十五歲以上者二本地人及住居本地五年以上者三年納地方捐稅十元以上滿三年者 凡具以上資格而有左開各項之一者不得有選舉權 甲吃鴉片者乙無業者丙受破產律之處分而未過五年者丁曾以違犯法律而受官刑者戊開煙間賭場妓院者 第六節被選舉人資格如下 一年在三十歲以上者二本地人及住居本地五年以上者三年納地方捐稅二十元以上滿三年者 凡具以上資格而有左開各項之一者不得有被選舉權 甲無選舉權者乙有廢疾者丙受破產律之處分而未過十年者 第七節凡開會選舉時除選舉人及執行選舉事務之職員外無論何人均不得入選舉會場 第八節選舉用記名投票法並須選舉人自投但如左開各項其票作廢 一 所舉之人不合被選舉資格者二 於被選舉人姓名外記入他事者三字跡模糊不能辨認者 第九節議董於任期內如有傷害公德及喪失被選舉之資格者由議會會議辭退 第十節議會之書記員由議長選任之 第二章職務及權限 第十一節議會爲地方全體之代表議決關於本局一切事件其事件之概目如左 一 創立並改正本局各項章程及規則二 關於動用

局費興辦局務者三決議每歲出入豫算認定豫算外之支出及超過豫算之支出四審查認可決算之報告五關於本局不動產之賣買交換等事六關於本局基本財產之處置七定本局財產及建置各物之管理方法 第十二節凡議會於參事會現行之事務及議決事件之曾否實行收支之是否正當裁判之是否公允均有監督及質問之權 第十三節凡議會權限內應議決之事參事會不待議決獨斷行之者議會有詰問之權 第十四節關於地方公益事件須藉地方官權力者議會得具意見書交由領袖總董呈請地方官鑒核 第十五節凡議董均有提議決議之權但不得受他人之指示及委囑而濫用其議決權 第十六節議董察知辦事員役有違背章程者應報告於參事會 第三章會期 第十七節月會一次定每月第一星期之第六日 第十八節年會一次定每年十一月據領袖總董報告本年內已辦之事由議董豫決明年應辦各事其會期與月會同午前十時集午後四時散議有未決者得延長之 第十九節會前五日議長會同書記將應議各事印分各董 第二十節除前兩項常會外如遇緊要事件議長可隨時招集會議若因議董三分之一以上或參事會之請願亦得開臨時會 第四章 會議細則 第二十一節議長有主持開會并閉會延長會議時期及保持議場秩序之權 第二十二節議場座位以議

內 務

上海總工程師暫定章程

二百五十七

丙午

長爲主席議董依年齒編號入座不得紊亂 第二十三節議長如有疾病及特別事故不克臨席者可先期通知或不及通知而開會時刻已屆當以年長之議董一人代理其職權 第二十四節入座後由議長宣告到會人數 第二十五節議會非有議董過半數臨席不得議決事件但同一事件曾招集兩次而議董臨席猶不滿半數者不在此限 第二十六節會議分第一節第二節第三節三次 第二十七節第一節由議長宣告本日應議各案之大體問全體議董各該議案應否提議若經多數否決即將該案抽去 第二十八節第二節將第一節決定應行提議之各議案逐條議論由議長問全體議董各該議案應否決議若經多數否決即將該議案抽去 第二十九節第三節就第二節決定應行決議之各議案議定可否 第三十節議事時得依議長之意見或議董二人以上之請求并合議案之數項或分割一項以議決之 第三十一節凡議董如有意見一律向議長發言發言時須先起立若同時有二人以上起立者則由議長定其發言先後之次 第三十二節一議案未經議決不得涉他議案 第三十三節決議可否之法分簽字投票舉手三種由議長便宜用之 第三十四節與議之議董不得入可否之數 第三十五節可否之數命書記檢查之由議長陳告 第三十六節凡議董辨論有牽涉議案以外者議長得停止其議



論 第三十七節關於議董簡人私事不得向議會提議 第三十八節議董不得互相私語及爲各種有妨會議之舉動 第三十九節提議案無論已決未決凡未經正式之宣布者不得傳播於議會以外 第四十節議事時議董非得議長之許可不得退出議場又遲到之議董非得議長許可不得與議 第四十一節議董臨會不到者應報告其事由於議長 第四十二節議長於議董中選任糾儀員若干人如有違犯會場規則者得糾正之 第四十三節如有議董二人以上請求改正會議細則照通常之會議規議決之 總工程局參事會章程 第一章組織及選任 第一節本局以執行代議兩機關權限各殊爰立此會集思廣益以謀辦事上之便利俾局務無阻滯之慮名曰總工程局參事會 第二節參事會以左列各員組織之 一領袖總董二辦事總董三各區長四各部長 第三節總董各區長各部長於所任職務或被解除或自辭退同時須解除參事會員之職 第二章會期及會議 第四節參事會每一星期須開常會一次每一年內須開年會一次但年會須開在議會年會之後會議如何執行之法及有未經執行如何趕辦之法均以本局議事處爲議場 第五節凡會議時以領袖總董爲議長若因疾病或特別事故不克臨席者公推辦事總董一人代之 第六節參事會開會有議長辦事總董及參事會員三分

內 務

上海總工程局暫定章程

二百五十九

丙午

之一以上臨席者得行議決其議決之法以可否之多數決之若可否同數則依議長之可  
否定之決議後即由書記登諸議事簿由議長署名捺印其上以資考核 第七節參事會  
當由議長召集但有三人以上之同意得聯名具請願書呈請議長開臨時會 第三章會  
議事務 第八節參事會會議議決事件如何執行之法 第九節凡議會所議決之事件  
若參事會審量事實未能立即施行者得以參事會之同意暫緩執行一面陳明理由務請  
議會再議以便執行 第十節參事會各員除議會所議決外倘認爲某項事務應辦者得  
於會議時發表意見經多數議決即以參事會名義書記記錄其事而由議長移交議會  
第十一節凡本局各部分之事務均應研究其如何監督及檢查之方法 第十二節依議  
會所決議之每歲出入豫算表執行收入支出及稽查會計出納之事 第十三節處理地  
方官有時委任參事會之事務 第四章職權 第十四節凡在本局辦事員役參事會皆  
有調查及監督之權 第十五節凡議會未經議決之事參事會當謹守權限無擅自興辦  
之權 第十六節凡控訴案件如裁判官有施行失當之處應由參事會議長交議會開議  
經議會議決而應行糾正者則由參事會議長執行之 第十七節如議會調查參事會一  
切事務及查看出入各帳暨裁判供斷等事參事會各員有竭誠報告之責 第十八節凡

遇急要事務不及開會者議長可即時處置惟必於下次開會時報告 第十九節參事會  
會員以議會之同意分掌本局行政事務之一部 第二十節參事會會員分任之職權另  
訂專章 第五章附則 第二十一節本章如有未洽或須增改經三人以上同意可開特  
別會議以全體會員之同意交議會議決施行但新章未經宣布以前仍依本章辦理  
總工程局各區分辦處章程 第一章設立趣旨 總工程局因各區地方遼闊戶口繁庶  
興辦事件時虞疎略乃爲便利起見立分辦處以專責成而歸簡捷 第二章定名 分辦  
處係從總局分設掌辦總局權限內事之屬本區者即名上海城廂內外總工程局某區分  
辦處 第三章區域 (甲)東(乙)西(丙)南(丁)北暫以警察放到之處爲限 第四章  
組織方法 一區長職權如左(甲)區長副區長均受總董之監督(乙)總局辦事條件除  
公議不設裁判員外凡事隸本區內者有次第興辦之責(丙)區長每日須到處一次有稽  
察一切事務及監督或指導副區長辦事之責其因職務上詢問副區長者副區長有竭誠  
報告之責(丁)副區長須寄宿本處常川任事如有疾病或特別事故非得總董或區長之  
承諾不得擅離職守即已經承諾者其曠職期限亦不得過三日以上(戊)副區長於前項  
曠職期內一切職務暫由區長兼任若區長同時因疾病或特別事故不能每日到處而得

領袖總董之承諾者當由領袖總董於贊助員中委託一人暫代其職(己)區長副區長有隨時與贊助員會商辦事之責若事涉重要應由區長報明總董

或面陳或呈意見書

由參事會或議

會議決施行(庚)除總局辦事條件外或地方官有特別事故委任總局而總局為便利計轉囑分辦處代辦或總局對於分辦處有特別委任者不論區長副區長均不得推諉(辛)副區長於本處各項員役職務及是否遵章辦事除區長外有隨時指揮監督及調查之權

二贊助員有隨時贊助區長副區長辦理各務之責

另有專章

三巡長專管巡警事宜

另有專章

四會計員有掌管本處收支款項保存各項帳簿造冊報銷兼收車捐之責 五庶務員

專管清道路燈及一切庶務

另有專章

六當值員職權如左(甲)本區內遇違警應罰者即由

該員照章辦理

另有專章

其他細故均有排解勸散之責(乙)凡投呈訴詞者由該員收受呈區

長閱看固封轉送總局(丙)每晨八時將前一日本區案件擇要錄出及所收罰款數目開

單經區長簽字飭送總局備案(丁)每日以一人輪值(戊)兼管往來信札 七書記員專

司文牘及往來信札

由當值員兼辦

### 日本議院法

第一章帝國議會之召集成立及開會 第一條帝國議會召集之勅諭定集會之日期至

遲於四十日前發布 第二條議員奉召集之勅諭於指定之日期可集會於各議院之會堂 第三條衆議院之議長副議長於其院各選三名之候補者由其中勅任之 議長副議長未經勅任以前書記長官得行議長之職務 第四條各議院依抽籤法分總議員爲數部每部置部長一名卽互選於部員中 第五條兩議院成立之後以勅命定帝國議會開會之日兩院議員會合於貴族院行開院式 第六條於前條之事情院卽行開式以貴族院議長行議長之職務

第二章議長書記官及經費 第七條各議院之議長副議長各爲一員 第八條衆議院之議長副議長任期依議員任期 第九條衆議院之議長副議長辭職或因其他之事故出缺時繼任者之任期仍依前任者之任期 第十條各議院之議長須保持其議院之秩序整理議事對於院外則代表議院 第十一條議長於議會閉會之間仍指揮其議院之事務 第十二條議長臨常任委員會及特別委員會得自發言但不預表決之數 第十三條各議院議長有故障故障謂有事故障不能視事也時副議長代理之 第十四條各議院之議長副議長俱有事故時選舉假議長假議長言暫行代理也 第十五條各議院之議長副議長任期屆滿時於後任者之勅任前仍可繼續其職務 第十六條各議院置書記官

長一人書記官數人 第十七條書記官長依議長指揮綜理書記官事務署名公文 書記官作議事錄及其他之文書而掌理其事務 書記官之外其他必要之職員書記官長任之 第十八條兩議院經費由國庫支出

第三章議長副議長及議員歲費 第十九條各議院議長歲費五千圓副議長三千圓貴族院之被選及勅任議員及衆議院之議員各二千圓除所定規則外得受旅費但不應召集者不得受歲費 以明治三十二年法律第百號改正本條第一項第二項自三十二年七月一日起施行 議長副議長得辭歲費 同上

官吏爲議員者不得受歲費 當第二十五條之事情於第一項歲費外依議院所定每日至多受五圓之手當 手當者視其所辦之事酌給津貼也

第四章委員 第二十條各議院之委員分爲全院委員常任委員特別委員三種全院委員以議院之全員爲之常任委員依事務之必要分爲數科審查其負擔之事件於各部置同數之委員由總議員中選舉之在一會期中任其責特別委員專爲審查一事件而設以議院之選舉特受託付 第二十一條全院委員長於一會期開會之始選舉之常任委員及特別委員長於各委員會選舉之 第二十二條全院委員會非議員三分之一以上及常任委員特別委員半數以上出席者不得開議事而爲決議 第二十三條常任委員會

及特別委員會不禁議員以外之旁聽但因委員會之決議得禁止議員之旁聽 第二十四條各委員長當以委員之經歷及成績報告於議院 第二十五條各議院依政府之要求或經其同意得於議會閉會之間續爲議案之審查

第五章會議 第二十六條各議院之議長定議事日程報告議院 議事日程可先由政府提出議案但於他之議事緊急之際得政府之同意者不在此限 第二十七條法律議案可經三讀會議決之但由政府之要求或議員十人以上之要求以出席議員三分之二以上之多數決定時可省略三讀會之次序 第二十八條政府提出之議案不經委員審查不得議決但於緊急時由政府要求者不在此限 第二十九條凡發議議案及議院之會議對於議案發修正之動議者非二十人以上之贊成不得爲議題 第三十條政府不論何時得修正或撤回已經提出之議案 第三十一條凡議案最後之議決由議院議長請國務大臣上奏但於兩議院中之一議院所提出之議案於他之議院不能決時則依第五十四條第二項之規定 第三十二條經兩議院議決而奏上之議案已經裁可者則當至次會期爲限公布之

第六章停會閉會 第三十三條政府不論何時於十五日以內得命議院停會 議院停

會之後再開會時可繼續前會之議事 第三十四條於衆議院解散而命貴族院停會時則依前條第二項之例 第三十五條於帝國議會閉會時遇有議案建議請願之議決者不能使後會繼續但有第二十五條情形者不在此限 第三十六條閉會由勅命者須兩議院合會舉行

第七章秘密會議 第三十七條各議院之會議於左列情形得停其公開 一由議長或議員十人以上之發議即於議院可決之者 二由政府所受之要求者 第三十八條由議長或議員十人以上發議秘密會議者議長直可使退去旁聽之人而用討論以決其可否 第三十九條秘密會議不許刊行

第八章豫算案之議定 第四十條政府提出豫算案於衆議院豫算委員應於其院受取之日起限十五日內以其所審查者報告議院 第四十一條豫算案於議院會議時發修正之動議者非有三十人以上之贊成不得爲議題

第九章國務大臣及政府委員 第四十二條國務大臣及政府委員不論何時有發言權但於議員演說時不得因此使其中止 第四十三條議院以議案付委員時國務大臣及政府委員不論何時得出席於委員會述其意見 第四十四條委員會得由議長而求政



府委員之說明

說明解  
說也

第四十五條國務大臣及政府委員除爲議員者外於議院之會

議不能干預表決之數

第四十六條開常任委員會或特別委員會時每會以委員長爲

其主任而報知於國務大臣及政府委員 第四十七條關於議事日程及議事報告所以

分配議員者同時須送呈國務大臣及政府委員

第十章質問 第四十八條兩議院之議員對於政府爲質問時須有三十人以上之贊成

質問作簡明之主意書與贊成者共同署名須以此提出於議長 第四十九條質問主意

書由議長轉送於政府國務大臣直爲答辨或定答辨之日期若不爲答辨者須示明其理

由 第五十條得國務大臣之答辨或不得答辨者於質問事件議員得爲建議之動議

者以意見申明也動議  
者旨意見於會議也

第十一章上奏及建議 第五十一條各議院將上奏時奉呈文書以議長爲總代而請謁

見其文書卽由議長奉呈之總代卽總  
代表也 各議院之建議須以文書呈於政府 第五十二

條各議院上奏或建議之動議非有三十人以上之贊成不得爲議題

第十二章兩議院關係 第五十三條除豫算外就政府議案所有兩議院之內以何爲先

者依其便宜行之 第五十四條甲議院決可政府之議案及修正而議決者須移之於乙

議院若乙議院與甲議院之議決同意或不決者均奏上之同時須通知於甲議院 乙議院於甲議院提出之議案而不能決者亦須通知於甲議院 第五十五條乙議院對於甲議院所移之議案而爲修正者須以此回送甲議院甲議院於乙議院所修正有同意者上奏之同時亦須通知於乙議院若不同意須求開兩院協議會 由甲議院求開協議會者乙議院不得拒絕 第五十六條兩院協議會由兩議院各選舉十人以下同數之委員使之會同協議其委員協議案成立時則此議案即由政府受取或提出先於甲議院議之次移於乙議院 對於協議會成立之成案不許更爲修正之動議 第五十七條國務大臣政府委員及各議院議長不論何時得出席於兩院協議會而述其意見 第五十八條兩院協議會不許旁聽 第五十九條於兩議院協議會所決可否用無名投票若可否同數時則依議長之決定 無名投票謂所投票上不記自己之名也 第六十條兩院協議會之議長於兩議院協議委員中各互選一員使其每會輪流出席其初會之議長則以抽籤法定之 出席到會也初會謂第一次也 第六十一條本章所定之外兩議院交涉事務之規程可依其協議定之 第十三章請願 第六十二條呈出於各議院之人民請願書議院須依議員之紹介而受取之 紹介即介紹也 第六十三條各議員收受請願書後即交請願委員使審查之 請願委員

以請願書爲不合於規程時議長可經紹介之委員而卻下之 第六十四條請願委員作請願文書表錄其要領每週一回報告於議院一週即一星期也 凡請願委員特別報告所要求及議員三十人以上之要求者各議院須依其請願事件而爲會議 第六十五條各議院於請願可採擇之事而爲議決者須附以意見書卽以其請願書送呈於政府得依其事宜而求報告 第六十六條除法律所認爲法人者之外以總代之名而爲請願者各議院不得受之 第六十七條各議院不得受變更憲法之請願 第六十八條請願書凡宜用哀願之體式者若不依請願之名義或違其體式各議院不得受之 第六十九條請願書對於皇室用不敬之語對於政府或議院用侮辱之語者各議院不得受之 第七十條凡干預司法及行政裁判之請願各議院不得受之 第七十一條各議院各別所受請願不得互相干預

第十四章議院與人民及官廳地方議會之關係 第七十二條各議院向於人民不得發告示 第七十三條各議院不得因審查而召喚人民及派出議員 第七十四條各議院因審查向於政府而爲必要之報告或求文書者除涉於祕密者外須應其所求 第七十五條各議院向於國務大臣及政府委員之外其他之官廳及地方議會不得照會往復

第十五章退職及議員資格之異議 第七十六條衆議院議員不得任貴族院議員又依法律而不得任議員職務時即令其退職 第七十七條衆議院之議員若失記載於選舉法之被選資格者即令其退職 第七十八條於衆議院就議員之資格而生異議時特設委員按期使審查之待其報告而爲決議 第七十九條於裁判所而爲當選訴訟之裁判手續者衆議院不得因同一事件而審查之 第八十條議員之無資格在證明以前於議院仍不失位列及發言之權但對於關乎審查自身資格之會議僅得辨明而不得干預其表決

第十六章請假辭職及補闕 第八十一條各議院之議長於議員不過一週間之請假得許可之其過一週間者議院許可之無期限者不得許可 第八十二條各議院之議員以正當之理由屆出於議長則於會議及開委員會時均不得闕席屆出呈報也 闕席不到會也 第八十三條衆議院得許可議員之辭職 第八十四條不拘何事若衆議院議員有闕員時由議長通牒內務大臣求其補闕選舉

第十七章紀律及警察 第八十五條各議院開會中爲保持其紀律內部警察之權從此法律及各議院所定規則由議長施行 第八十六條於各議所需之警察官吏由政府派

出使受議長之指揮 第八十七條會議中議員違於此法律或其他議事規則而紊議場之秩序時議長得警戒之或制止之或取消其所發之言若不從命則議長於當日會議未終之時得禁止其發言或使退出議場之外 第八十八條議場騷擾而難整頓之時議長得中止當日之會議或使閉會 第八十九條旁聽人之妨害議場者議長有必欲使其退場情形得使警察官廳引渡之 引渡送交也 旁聽席騷擾時議長得使一切之旁聽人退場 第九十條有紊議場秩序者國務大臣政府委員及議員得喚起議長之注意 謂請議長留意也 第九十一條各議院對於皇室不得爲不敬之言語論說 第九十二條各議院不得用無禮之語及涉於他人身上之言論 第九十三條議院及委員會議員有被誹毀謗辱者可訴於議院而求處分不得私相報復 第十八章懲罰 第九十四條各議院對於其議員有懲罰之權 第九十五條於各議院爲審查犯懲罰事而設懲罰委員 有犯懲罰事時議長先以此付於委員使爲審查經議院之議而宣告之 各委員會及各部有犯懲罰事時委員長及部長可以此報告議長而求處分 第九十六條所懲罰者如左 一於公開之議場而爲譴責 二於公開之議場而使表適當之謝辭 三停止一定之時間出席 四除名 於衆議院除名須以出席議

員三分之二以上之多數決之 第九十七條衆議院除名之議員當再選者不得拒之  
第九十八條議員以二十人以上之贊成得爲懲罰之動議 懲罰之動議須於有犯事後  
三日以內爲之 第九十九條議員無正當之理由而於勅諭所指定之日期後一週間不  
應召集及無正當之理由闕席於會議或委員會及已過請假期限者由議長特發招狀受  
其招狀後一週間內仍無故不出席者在貴族院則須停止其出席上奏而請勅裁在衆議  
院則須除名

各省內務彙誌

京師○巡警部前以報館爲輿論之先導職任甚高善用之可收集思廣益之功不善用之則有事難言厯之患欲收輿  
論之良果不得不嚴報館之責成特訂定報章應守規則九條一不得誣毀 宮廷二不得妄議朝政三不得妨害治安  
四不得敗壞風俗五凡關外交內政之件如經該管衙門傳諭報館秘密者該報館不得揭載六凡關涉詞訟之案於未  
定案以前該報館不得妄下斷語並不得作庇護犯人之語七不得播發人之隱私誹謗人之名譽八記載有錯誤失實  
經本人或有關係人聲請更正者即須速爲更正九除已開報館之外凡欲開設者皆須來廳呈報批准後再行開設由  
部札行內外城巡警總廳頒發各報館飭令遵守後北京報館總理朱君淇以該規則九條祇有大綱而無注釋字句出  
入之間可彼可此何以昭大信而資遵守因即函請外城總廳稟申警部詳加解說以釋羣疑當奉批示略謂各報館質  
疑問難語果可採本部必樂於聽受若條文本自完全而報館誤加駁論或語意原已明瞭而報館故作疑詞者本部亦

不得不詳細申明以祛羣惑如規則第三條妨害治安一語自係指提倡革命與一切鼓動愚民反抗政府擾害太平之局者而言而該報館以爲含混其詞留爲野蠻官吏之借刃未免意存逆億第五條要旨全在該衙門傳諭數字凡未經傳諭與傳諭秘密之後旋經公布者均不在此限其範圍甚狹而其權利實爲各衙門所應有凡事經傳諭秘密者必其中層累曲折有萬難即行宣布之理由而一經傳諭報館卽有遵守之義務此不獨外交上之秘密運動與軍事上之秘密調度爲然無論何項行政均應有之中國向來習慣以外交內政四字爲包括一切行政之名詞凡稱內政卽內治行政財務行政軍務行政司法行政均在內該報館指稱國內政令無所用其秘密又稱此條漏載軍政可否更改等語本部實難同意第六條末二語均緊接未定案以前一句而言蓋案尙未定卽情節方在研鞠之中苟法堂未經得有曲直憑證而報館輕下斷語或法堂業經得有犯罪確據而報館猶作庇護之詞則淆亂視聽於裁判之權大有損害若定案以後果有不公不平之確證報章揭載原所不禁該報館所稱各節係屬誤會第七條不得摘發人之隱私一語既稱隱私自指專涉簡人無關大局者而言若有損大局卽不得稱爲隱私文義亦自明瞭其第三條不得妄議朝政一語妄議二字實涵有以無爲有以是爲非等情節決非符天下之公議該報館勿以詞害意可也總之此次所發規則係報律未布以前暫行代用之件一俟報律訂有專條奉旨欽定頒行京外後便當將該規則收回等因該廳奉批已轉覆該報館並知照各報館矣○內城巡警雖已改設五分廳然仍沿工巡局舊制每廳分若干段段設巡警處巡兵七名茲聞該城擬卽改分區制裁撤各段巡警處並將新舊招募未曾當差之巡警盡數分派各區其辦法每區設巡官三巡長十

一巡警一百三十二員名另設區長一委員充之每廳設巡警隊三分隊共一百五十名分駐各區以資輔助並預備護駕之需每分廳各設巡警十二巡官二巡長五專司司法行政各事每廳又設巡警隊一名差遣隊專司巡查各區之

勤惰及本廳守衛大門並看守監獄等差○內城巡警廳以原設巡警長兵額數參差不齊改爲十七隊將舊有分隊總長及新陳隊各名目一律革除卽以此十七隊分隸總分各廳計第一二兩隊隸總廳三四五三隊隸中分廳六七八三隊隸東分廳九十七一三隊隸南分廳十二三四三隊隸西分廳十五六七三隊隸北分廳云○自外城警廳廢弛開設煙館之禁並抽收燈捐後相繼設立者已不下二百餘家殊與禁煙 諭旨相悖朱廳丞有鑒於此特稟准警部飭屬查明所管段內共有煙館若干家一律發給執照從此祇准收歇不准再開以示限制

直隸○朱侍御錫恩前以京畿盜竊滋多奏請 飭下順天府督率所屬各州縣遵照警部章程兼仿直隸辦法推廣警政俾京畿內外一律安謐當奉 上諭責成巡警部順天府妥籌辦理茲聞兼管順天府府尹事務張洽秋尙書已咨商直督袁慰帥調到天津得力警官勤加教練購換槍械分撥近畿四路各要隘遊弋梭巡偵探盜賊出沒以靖地方並挑選學生五十名附入巡警部巡警學堂速成科肄業旋於公廡左近建設巡警講習所爲步隊改章之預備俟速成班學生畢業再將舊駐四路廳之步隊巡警一律調集中央挑選歸併三百名改置巡官酌加餉銀卽以速成畢業生分別補充勤加訓練將來卽以此項步隊分巡近畿各處以補各州縣巡警之未逮云○天津縣近奉直督袁慰帥札飭將原有吏役一律裁去改設裁判所幕用清書及司法巡警等員

奉天○將軍趙次帥前會奏明擬於錦縣之江家屯添設通判一員名曰江家屯撫民通判已奉 硃批允准旋由試辦委員蔣司馬文熙會同錦縣劃定界址其新治地段皆在錦縣以西次帥以錦縣迤西地段旣已劃歸擬設通判新治自應更名錦西以昭核實因又奏請將擬設之江家屯撫民通判改爲錦西撫民通判當奉 硃批吏部知道○奉天仿照直隸辦法設立自治局業有成議茲經趙次帥札派伍太守熊太史爲該局提調留日法政畢業生傅君彊爲左參議陳



君漢爲右參議並請日本法學博士一人爲講義教習派員聽講俟辦有成效卽行推廣各屬一律辦理

吉林○吉省警務前因籌款維艱僅就捕盜隊內抽改一營城中設局五處分區管理不設總局暫歸營務處節制然僅四百人布置究有未周且本係隊兵抽改大半目不識丁於警察之作用意義茫無所知達警帥有見於此特飭將前抽一營重加挑選擇其程度略深可以造就者留作警兵餘皆撥還捕盜隊仍補足原有額數一面遵照部章及直隸奏定警章參以各國警察規則另招識字並心地明白者數百人挑選承充共得六百四十名於城內原有五局外再於東西北各城廂添設局所計共八局每局八十人按段分區又於省城適中之地設一巡警總局中設警政司法會計庶務消防工築六科其原有之工程局即改隸於總局並添工程隊百名專事建築又仿日本消防團添設消防隊六十名專任救災另設馬巡二十名通達消息暗巡二十名稽查動情已於六月間一律募齊設局開辦又以振興警務得人爲先而造化人才端資教育特於省地設立巡警學堂考取合格官學生五十名兵學生一百名授以各種警察法規旁及律例外交算術體操各門官學生以六箇月兵學生以四箇月爲期滿合格者給以畢業文憑分派各屬襄辦警政庶免乏材之虞俟辦有成效再行添設全科以儲高等巡警人材云

河南○商水縣設立息訟公所於巡警總局之旁賃屋開辦選擇公正紳董四人專司其事並派縣幕一人以監察之凡命盜及情節較重之案概不與聞惟戶婚田產起釁之事由公所調處以免訟累

江蘇○奉賢縣警察開辦已及二載所有警兵大率僅習操法未諳警章以故腐敗日甚成效難期近經該縣聘訂教習數以洋操授以紀律形式稍覺可觀擬卽開設警察學堂考選學生專習警務以爲他日改良地步○吳淞爲上海門戶鐵軌輪舶交通便利商業日臻繁盛開辦警察實不容緩近經寶山袁紳希濤等稟由縣署詳准蘇松太道在該鎮創設

警察招雇巡士站崗巡邏以保治安並將原有埠工局歸併割撥款項以充經費

安徽○皖撫恩新帥前於奏設巡警處摺內曾聲明原有之警察局暫時仍舊在案近者新帥以巡警處所辦學堂將次成立警章亦議有端倪自應歸併一處以節糜費特飭將警察局裁撤所用委員及一切應辦事宜概併歸巡警處並將警察局原有名目一律更換以新耳目

浙江○石門縣伊大令稟明省憲設立警察總局於城中招募警兵五十名分段稽查俟有實效再行推廣各鄉鎮一律辦理○温州開辦警察業有成議茲已由道札縣於縣署大堂之側設立總局札委郡守兼理總辦而以首縣爲會辦城廂內外分設八局各派佐雜一員駐局督率巡察擬令各商酌量捐輸並提保甲冬防等費及縣署所給各上司衙門書吏辦公津貼以充經費○雲和縣開辦警察先於城內設局一所暫招警兵二十名警長一名警總一員分段巡查常年經費約需洋一千二百圓經朱邑令勸諭各舖戶認定每月捐洋五十餘圓四鄉紳富每月認捐洋三十餘元並擬籌辦畝捐除零星小戶不及五錢者不計外自完糧銀五錢以上者每兩隨糧帶徵洋四角年可捐洋一千圓撥歸警局以充經費已擬具章程稟明上憲立案矣

新疆○吐魯番廳鄯善縣所屬各境本爲魯克沁吐魯番舊部自改建郡縣後該郡王仍沿襲舊號駐紮其地以資鎮撫惟該部私刑極爲殘酷近日承襲之郡王葉明和卓年幼無知屬下頭目人等竟敢肆意濫刑並有侵礙地方官權限情事當經該縣苗大令稟揭到省由疆撫聯星帥派員往查屬實除將該頭目等分別革逐外並查得該郡王現駐之魯克沁地方舊爲台吉駐治至今府第尙有丈餘深之士牢十斤重之刑杖雖係沿襲舊製究非例所宜有且全疆改建郡縣已久民間案件自宜歸地方官管理不能仍令邊氓受無理之審判非法之刑罰當即飭令銷毀並通飭回疆各城有

似此者一律裁禁。以去殘暴。已專摺奏明立案。

廣東○汕頭商務日盛。民居日繁。開辦巡警實爲急務。署惠潮嘉道沈觀察有見於此。商之南韶連總兵黃鎮軍及潮州李太守咸以通府九屬巡警尙未一律辦成。近者府城警務辦有端倪。自應將汕頭巡警接續整理。爲言觀察因卽照購汕頭商會商紳董實力興辦。該會奉文後擬卽先設汕頭巡警總局委員專辦。仍由各社紳董協同經理。

### 地方自治彙誌

江蘇○吳縣木瀆鎮紳顧君彥聰等以該鎮雖係蘇松太道轄境。然關道駐滬。交涉事繁。未暇顧及內地。而吳邑首縣。半城半郭。卽有城紳舉辦地方自治。亦屬鞭長莫及。特稟請蘇撫陳帥擬先就木瀆一鎮試辦自治。凡鎮中所有修造橋梁。掩埋暴露。施送棉衣米藥等事。及已辦之學堂局所並一切地方公務。悉隸該會公舉議董十六人內推一人爲議長。專司決議本地應行事件。另舉參事總董四人專司執行事務。又設法政講習所。招集士人授以政法之學。以爲將來實行地方自治之用。已由蘇撫飭司會議。以該紳等所議各條事體。公諸輿論。命令聽之。長官尙無流弊。因卽詳覆准其照章試辦。並飭縣刊發木質信章俾資循守。

浙江○甯波府喻太守以 朝廷銳意圖強。預備立憲。地方自治不日將見實行。故於紳董進見時。每以試辦自治爲勗。奉化江紳迥因卽糾集士紳公議辦法。擬定名曰奉化自治會。先由長壽鄉辦起。公舉孫君望等四人爲鄉董。並舉段董十三人村董一百五十六人。守定自治宗旨。互相勸禁。所需經費卽由各鄉分派。業由府縣出示曉諭。並詳各憲立案。又慈北沈紳衍周等亦奉喻太守照會勸辦鄉約。業已妥訂章程。稟請核奪。其條目共十有三。一寢息訟端。二查拿窩盜。三禁演淫戲。四緩議設警。五保護良儒。六革除敝俗。七禁宰耕牛。八勸懲痞棍。九禁止賭博。十訂正煙冊。十一稽查煙館。十

二阻遏械鬪十三慎選里牌○鎮海張君水雲等公議設立風俗改良會以興利除弊為宗旨亦地方自治所不可少之

舉也茲將該會章程摘錄於下 舉利除弊章第三一注重教育 如興辦初等小學中日學堂女學堂幼稚園及私塾改良等類 二鼓吹文明 如演說愛國事孔

出私財以成美舉類 三保衛桑梓 如辦救火會行團練法等類 四研究實業 如置業農學工藝漁鹽等類 五勸化迷信 如迎神賽會星命風水崇信僧道婦女纏足等類 六禁革汗

俗 如花會串客強巧賭博等類 崇實黜華章第四一改良嫁娶 如納采納幣合巹出閣等之儀禮禮文 二改良喪葬 如題主頭帖發引墳墓等事 三改良賓禮 如親友來往

四改良祭禮 如其廟淫祀等事

### 各國內務彙誌

日本○日本現行刑法凡年在十二歲以下犯罪者為無責任時期 年歲沖幼知識未充偶有過犯不能加罰謂之無責任 二十歲以內者為減刑時期

年歲雖已長成意志尚未固定犯者宜懲利則從輕謂之減刑期 二十歲以外者為完全責任 二十日壯意志自由為善為惡均由心主 近經調查刑法委員會發議

擬將未滿十五歲者定為無責任如已滿者一律作為有完全責任已呈由內閣大臣核准辦理○臺灣總督佐久間大

將近日頒發命令將在臺華人所有土地全數抄沒 按中日馬關條約曾聲明凡割歸日本界內所住之人民有願遷徙別處者可將其所有

凡外國人不得有土地所有權故臺督此次命令於其國法規及中日條約均無相悖之處惟華人之被抄者喪失財產蓋非鮮諒矣 其命令大略如左 第一條凡土地冊籍所載中日兩國國民共為

業主之地廳長應即取消也 作廢 其中國人獨為業主者亦然 第二條按照前條已行取消之土地其主權歸諸公家業

地則歸別名掌業否則歸入府庫但該業主家族若有已為日本臣民者該業主權自應歸其家族 第三條凡按第一

條所定而已行處分明白者登記官廳應即登記如登記官廳接到廳長移文須亟將登記簿訂正 附則本令自頒布

之日起施行

韓○韓政府近探日本統監之議設立法務院一所為高級裁判處所有各處理事廳未經定讞之案可即赴院控告以


期認真審究惟該院本專爲日本人訴訟而設若遇日韓人結訟或爲被告者統須照法辦理略如從前領事裁判茲聞若有日韓兩國原被商求該院定讞者亦可按律辦理以昭公允

波斯○自波皇頒詔立憲後全國人民極爲鼓舞半月之間議院即已成立其議員定額共一百五十六名全國分爲十五選舉區視其地方之情形以定議員之多寡旋於西七月間舉行開院禮舉定前任商務大臣薩民樞道賴爲院長法○法內閣前因意見不合遽行解散即由總統命內務大臣克喇門蘇組織一新內閣當已成立其位次名氏如下首相兼內部大臣克喇門蘇 法部大臣迭薩柯 外部大臣匹宮 財政部大臣考勞克斯 學部大臣勃雷痕奪

陸軍部大臣匹克脫 海軍部大臣湯姆孫 工部大臣排騷 商部大臣杜瑪柯 農部大臣路痕 藩部大臣密理拉克羅克 急險事業大臣維亞尼 陸軍部次官起龍 內部次官薩勞脫 工部次官杜茄亭 郵部次官新姆央俄○俄皇降旨准各項俄人皆得服官從政惟西伯利亞及亞西亞人不在其列並撤銷不便於農民之法律准人民任便擇地居住請領護照不拘年限

奧○奧匈陸軍部大臣畢利溪辭職以史霍訥溪代之又愛倫塞爾男爵亦奉奧皇特簡爲外部大臣美○西八月間美國舉行選舉時共和黨已選其黨人爲紐約副總理所有新選之人均屬此黨在上議院亦占多數衆議院亦然

內考  
各國內務部



二百八十

十一月

# 軍事

論中國亟宜整頓海軍 錄丙午九月十六日南方報

揆今日之時。察今日之勢。無雄大渾厚壯盛之陸海軍。而能插足於兩洋涯岸。與外人競勝。於狂濤激浪平原沙漠之中。執二十世棋會盟之牛耳者。我恐其有所不能。即欲悉索敵賦。以待來者。苟延殘喘於羣雄角逐爭持之地位。則劣敗之餘。天演無不淘汰之公例。日擄月索。亦必有終極最後之一日。則所以整頓擴張其陸海軍之籌策。尙已。

夫以磅礴鬱積地大物博之中國。與列強交則屢失敗者。其原因雖非一端。而其最重要之點。莫非根據於軍事上之軟脆。日本區區一島國耳。而甲午亂。我轍甲辰靡。俄旗遂稱雄長於太平洋波面者。亦莫不歸功於武士道之效用。蓋優勝劣敗之例。難逃。即海陸軍之用不廢。且與國相終始。而國即以此爲立命之本原。故欲擴張商業。訂立盟約。凡一切與列強爲正當之交涉者。非借兵力爲其後盾。則雖有蘇張加富爾瑪志尼之外交手段。亦恐無以善其後。我國頻受列強不義之要索。自五口通商而至於今日矣。戰不能勝。守不能固。迫於兵力。則惟命是聽。雖有理論雄辯。亦噤而不敢出諸其口。至是則不能不返而觀今日中國之

陸海軍

今者南北軍秋操既畢矣。於軍事上僅有一線生機之可望者。則莫不注射於南北之陸軍。而東西觀操員品評。其說有二。西人則謂觀此次大操。知中國南北軍大得訓練之效果。然據日本報。則謂形式可觀。而精神未足。以無國民之教育故。觀此等議論。則中國之陸軍。尙不能深信其可恃。而無恐。至於海軍。則更無足論矣。徧搜太平洋中。無一鞏固堅強碩大之兵艦。足以備戰事調用者。自旅順既失。而中國無一良善之軍港。足以供臨時屯紮者。近日議改官制。政府各大臣及直鄂兩督往返電商。興復海軍。已非一次。且調查浙省象舟等山之形勢。欲以作海軍根據地。似頗有振興之志。然其結果。則海軍部並不特設。祇於陸軍部中設立一司。以統之。則不以海軍爲至重極要國脈所關之事。可知無已。則請更言列強之海軍。

英倫以水軍立國者。無論矣。其他若俄若德若法若美。若意。近日莫不添兵艦。振水旅。以求擴張海權。其第一主義。欲鞏固邦基。不授人以侵入之釁。第二主義。則無非欲行其侵掠手段。於東方鼓輪泛海。思立足於亞西亞南部。以爲屯兵之地。以爲豁達商業之區。何以故。由於中國無重大雄強之海軍。故吁。海軍既不堪問矣。而陸軍又不足恃。而列強橫肆其強權。



主義以海軍爲刀鋸。頻長其侵吞干涉無窮之欲。則我國既不能常遣大員奉使以退列強之兵艦。更無有旅順膠州灣贈於列強以屯兵艦。則非整頓擴張我中國之海軍。尙有何策以退列強之海軍耶。

今觀海軍之效力。既如是其大海軍之關係於國家。又如是其重且深。然則策中國今日之方針。非整頓擴張其海軍權力。更有何計以爲當務之急。顧擴張之宜如何。整頓之宜如何。則固有執政者爲之計畫。更無庸代庖越俎之謀。而茲復以庸陋無識。窺管測海之議論進者。蓋聊貢其芻蕘。以爲謀國者之一助云爾。

一宜亟設海軍部也。閉關獨鎖之時。勝負之數。決於海岸線以內。故注重於陸軍。而以水軍爲次。而開關延敵之時。勝負之數。決於海岸線以外。故注重於海軍。而以陸軍爲次。時局之趨變既殊。則兵家之用針亦異。考各國海軍。莫不異陸軍部而特設海軍部。軍務之重。不次於陸軍。而海軍軍務之繁。又不亞於陸軍。則海軍之必須特設一部也。可知。今所擬官制。水師雖有專司。而卽屬於陸軍部之下。其職既卑。其權自輕。凡一切所欲建樹者。必先稟命於陸軍大臣。無論建一言而爲其批駁。創一事而受其阻撓。卽無慮夫此。而陸軍既爲其專職。則必重陸軍而後海軍。此其一。既有陸軍之倥偬。而加以海軍之繁劇。其勢必將因循而苟。

且此其二。海軍部既設。則事權既一。而責任亦專。然後一切擴張整頓之事。可得而計畫。此海軍部之不宜緩設者一也。

一。亟宜添設海軍學堂也。驅未訓練之兵。而使對敵。是授首也。命未學之徒。而使之統戎。是紊事也。我國之所以十戰而九失敗於列強者。未有不原因於此。則開學堂以儲將材。練海軍以成勁旅。爲刻不容緩之要務。南北洋雖有海軍水師學堂。而建設未多。學額亦少。且其所謂畢業之學生者。未必盡人可用。故海軍而不欲擴張整頓之也。則已如欲整頓而擴張之。則非多設海軍學堂。將何以能陶鑄海軍之人材。以供臨事之驅策。若必俟敵軍當前而始圖救燃眉之急。其勢已晚。而不及此。海軍學堂亟宜添置者一也。

一。宜添設造船廠也。欲擴張整頓其海軍。必先添置兵艦。爲備軍事之調用。而添置之費。動以數百萬計。其勢既鉅。重而難湊。集值此更張之始。度支浩繁。取之於上。則司農仰屋。取之於下。則民日生嗟。今更欲擲無量之資財。以購異國之兵艦。無論其款難。以籌措。卽籌措矣。而其所購之兵艦。果能鞏固而適於用乎。況速率也。噸數也。既造自外人。戰時必爲所制。故費雖鉅。而恐難收一戰之效。故非多設廠以自製之。雖欲整頓。而無可整頓。欲擴張。而何從擴張。此船廠之急宜添設者一也。

今之談兵者。動曰陸軍之利用。主於保守。水軍之利用。主於進攻。而不知陸軍之保守。尤賴於海軍之維持。蓋我國鐵道之建設未多。即兵事之調遣亦遲緩而不便。而沿海數萬里。無在不可以舍舟而陸防之。既不勝其防。調遣又緩而不濟。非藉海軍爲之防護。策應爲犄犄之勢。以控扼之。雖陸軍之數多於德國。恐亦有所不及焉。此整頓海軍以助陸軍不及之說也。

閱兵大臣

戶部尙書鐵直隸總督袁

奏陳校閱大操詳細情形摺

竊臣等欽承 簡命校閱本年陸軍會操業經先將大略情形專摺奏報並聲明續行詳細縷陳在案臣等伏查會操宗旨蓋使各軍官之調度指揮各軍人之動作服習一一實驗諸經歷之地而平日各行省督練之成績各部位教育之程度亦得以課其殿最較其短長東西各國不惜繁費歲舉行者誠以多一次戰役必多一次改良多一次會操必多一次進步中國各省軍隊向來畛守域分不但此省與彼省殊觀亦且此軍與彼軍異趣自奉 旨設立練兵處後釐定章制整頓操法各省遵章編練漸改舊觀上年秋徵調近畿陸軍各鎮會操河間風聲所樹響動寰球此次復舉數省已編之軍隊萃集一處而運用之使皆服從於中央一號令之下尤爲創從前所未有繫四方之瞻聽凡夫運籌之略作戰之方固須詳

軍 學

閱兵大臣戶部尙書鐵直隸總督袁奏陳校閱大操詳細情形摺

一百八十三

丙午

加研究期臻於善而去其疵尤在使人人有尙武之精神並人人有合羣之能力而後可以聯散爲整轉弱爲強固非徒飾外觀循行故事已也顧會操之始必注重編制此次係在駐紮山東之第五鎮內抽撥步隊一協馬礮隊各一標工程隊一營在駐紮南苑之第六鎮內抽撥步隊一協在駐紮直隸之第四鎮內抽撥礮隊一標編作混成第五鎮又在京旗第一鎮內抽撥步隊一協馬礮隊各一標工程隊一營編作混成第一協合成爲北軍一軍派統制段祺瑞暫充總統官復調集駐紮湖北之第八鎮全鎮駐紮河南之第二十九混成協全協合成爲南軍一軍派統制張彪暫充總統官共計兩軍官佐弁兵夫役三萬三千九百餘員名此外兩軍之大小接濟架橋衛生軍樂電信等隊均亦配置相等該總協原係分紮數省一經飭令編定遂使南北數千里聲勢相聯氣脈相貫駸駸乎有長駕遠馭之觀焉此編制之情形也編制既定則籌備軍需實爲要務此次兩軍礮械車輛馬匹服裝等項均由各該省督練公所先期籌備計南軍用過山礮五十四尊陸路礮三十六尊步槍九千二百九十四桿馬槍一千零八十八桿接濟車三百九十三輛彈藥車三十六輛乘用馬騾二千二百四十三匹軍服皆係藍色北軍川陸路礮五十四尊過山礮三十六尊步槍九千二百八十八桿馬槍一千一百一十六桿接濟車四百一十五輛彈藥車五十四輛乘用馬騾一千

五百匹軍服。皆係土黃色。至應給無箭子彈。照章每槍五十出。每礮八十出。軍糧一項。會操期內。除照常支給外。另備新法配製之乾糧。按時發給。而皆用大小接濟隊。以往來輸送於其間。此籌備之情形也。南軍第八鎮。於八月十五日。在湖北開拔。由京漢鐵路至河南衛輝府。旋分隊赴新鄉。以北淇縣以南自行演習。第二十九混成協。則先期自開封拔隊。至鄭州西北一帶。操演十六十七等日。始開行至新鄉。與第八鎮會合。三十日在衛輝府附近全軍合操。一次九月初三日。即齊集淇縣北關一帶。北軍混成第五鎮。於八月初六十七等日。各由駐防地開拔。二十日後。全抵廣平府。旋分隊在廣平府北界之曲甫市及邱縣自行演習。混成第一協。則於八月二十日。自保定拔隊。由鐵路至邯鄲。轉赴邯鄲所屬之碼頭鎮。操演三十日。在碼頭鎮與混成第五鎮會齊。亦全軍合操。一次九月初三日。即齊集彰德府北界之劉家辛莊及豐樂鎮一帶。至此兩軍既成對壘之勢。於是南攻北禦。得就陣局所布。以各施其戰略。此調拔之情形也。用兵之道。因敵情地勢而異。非偵騎得力。不為功。馬隊者師之耳目。全軍所恃為嚮導者也。故戰鬪之始。必先用馬隊嘗敵。初四夜。南軍馬隊宿營於淇縣北方之大賚店。北軍馬隊宿營於彰德南關。彼此均摩厲以須。躍然欲試。初五日。各按方向搜索前進。至湯陰東南後小灘士得村之間。兩軍相距約八九里。旋各發現。展布變換隊形。

軍 事

閱英大校戶部尙書鐵道總辦陳校閱大操詳細情形

一百八十五

丙午

南軍騰蹕而前奮呼突陣北軍好整以暇按轡徐發一轉瞬間蹄迹交錯幾於挺刃相尋遂  
 卽鳴號停戰是爲交鋒之始初六日南軍由湯陰北進比知敵軍將次南下遂分隊迅速渡  
 河北軍聞南軍已踰湯河於是停軍湯陰縣屬之十里舖迤東分隊占據要地南軍旣與北  
 軍相遇遂以右翼占據楊莊東北以左翼全力進攻十里舖等處并先以礮隊轟擊北軍於  
 洪唐口一帶北軍亦開礮應之繼而兩軍步隊逐漸進攻互爭勝利卒之南軍動作稍形遲  
 緩其右翼枝隊致受北軍猛烈之攻擊頗蹈危機斯時北軍似較得手臣等慮其長驅銳進  
 迫壓敵營將無以爲回旋之地因令北軍約師而退暫止於彰德所屬之二十里舖小關莊  
 一帶亦令南軍卽在湯陰之西灤村十里舖分投屯紮初七日北軍因地爲守並施防禦工  
 作依據溝壘憑險負固先以少數步隊散布於彰德二十里舖及小營耳馬家莊等處誘敵  
 致師再以步礮隊布置新莊山地迤東預備側擊另派大枝步礮隊分占鍾官屯王官屯北  
 馬官屯一帶爲伺便夾擊之計南軍勢在逼攻自其屯營地方分隊馳進陸續北發先占涼  
 水井郭村集等處再以涼水井礮隊向北軍新莊山地之礮隊遙射猛轟旋用步隊乘虛逆  
 襲攻撲二十里舖小營耳馬家莊等處并於郭村集南馬官屯丁家坡西北一帶同時展開  
 北軍遂反守爲攻礮隊在鍾官屯發礮應戰右翼步隊亦由二十里舖前進展拓意在抄其

左翼牽制敵軍南軍乃復增軍隊向北馬官屯悉銳攻擊此時北軍左翼南軍右翼皆各加厚兵力爭衡對抗戰況最爲激烈迨至鏖鬪愈酣勢將不可分解於是發號令其停止至此戰局爲之一束此實行演戰之情形也臣等馳驅戰地連日縱觀並飭各審判官依據戰理秉公評斷如初五日南軍馬隊距敵尙遠遽爾衝鋒旣致紊亂隊形復易疲敝馬力未免稍涉張皇北軍較爲穩固然過於持重亦覺有誤時機至兩軍偵探搜索未能十分得力則皆同坐此弊初六日南軍分隊渡河甚合機宜但敵隊射擊未足以制敵之命又進軍較緩致右翼受敵圍困誠不免於失利然於礮火互施之際北軍右側暴露過甚亦屬近於危險初七日北軍先據高地預備側擊另以枝隊誘敵而於左翼厚集重兵以待之布置甚是然枝隊未戰先退是使敵軍易於覺察未必卽墮其術中南軍先用礮隊斜擊新莊山地然後攻撲二十里舖等處可謂善於搗虛但各縱隊之距離過遠形勢轉孤前鋒各隊亦未能互相聯絡以至團結無力運動困難是均有不甚完密之處臣等綜觀三日戰況雖屬各有短長要皆未臻美善當於操畢時聚集各官長據實裁判獎其所已至勉其所未能並刊發訓詞反覆誥誡指示行軍用兵之要義激發忠君愛國之天良俾皆振刷精神力求精進又念各將士長途跋涉辛苦備嘗因卽敬體 朝廷德意每鎮頒發賞銀五千兩每協二千五百兩

軍 事

國英大臣戶部尚書鐵直蘇維善奏陳敵圍大樑詳報情形摺

一百八十七

丙午

飭該統將等採購牛酒犒士勞軍以廣 皇仁而作士氣此評判戰狀之情形也會操已畢於是舉行閱兵儀式初八日南北兩軍全部厲兵秣馬赳赳桓桓齊集閱兵場遵照預頒教令依次排列肅靜無譁臣等率諸將佐衣軍禮服佩刀乘馬周巡閱視中外觀操人員亦相率敬謹參觀樂奏崇戎禮隆蒐伍聲容既極其壯盛部勒益見其精嚴迨閱兵禮成復於彰德城內設宴大會觥籌交錯賓僚盡歡於班師振旅之先寓飲至策勳之意至是而臣等校閱之事始一律告竣焉是役也發縱指示練兵處實操其總權各省鎮協稟承於該軍總統各該總統聽命於練兵處無町畦之各別若指臂之相從今年雖祇集四省以會操將來即可合全國以肄武以視去年河間一役規模闊遠殆爲過之惟是事屬創舉而軍旅之學極精深亦極繁難無論計畫如何周詳而實施者殊難盡饜人意此自關乎教育之深淺歷練之多寡雖在東西各國亦祇能因時因事逐漸改善而斷不能旦夕竟功至就四省軍隊分析衡論湖北一鎮經督臣張之洞苦心孤詣經營多年軍容盛強士氣健銳步伐技藝均已熟練精嫻在東南各省中實堪首屈一指其猶不無疵累者則以越疆遠出地形生疏故於作戰應敵部署未能悉當河南一協剽悍勁整亦頗不示弱於人但編練未久一切措注究難貴其完備直隸山東各鎮協係就上年未經預操者抽編雖能連掉自如布置多合而於



戰略戰術亦尙時有疏漏要而言之小疵均在所不免大致皆漸有可觀總期故步勿封庶能日新月異若夫統籌全局則治兵之道必須可分可合分之有普及之教育合之有共同之範圍而後兵事能精兵力能強國勢乃益臻於鞏固此次四省會師已明示天下以通力合作之義從此推行愈廣何難積健爲雄此又各省有柄兵之責者宜交相砥礪力圖振作者也臣等業飭各鎮協分起回防其暫充總統以下各員均復舊差嗣後仍當隨時督飭該統將等認真教練精益求精勿稍懈忽並由練兵處通行各省將所練新軍迅速遵章編報以期仰副我 皇太后 皇上訓戎奮武宵旰勤求之至意謹繕具閱兵處辦事人員銜名職守暨南北兩軍編制清單各一件方略命令報告清單一件戰狀評判訓詞清單一件中外觀操人員清單各一件並繪圖六幅祇呈 御覽謹 奏

政務處議覆署閩浙總督崇浙江巡撫張會奏象山港擬作軍港摺

六月初十日准軍機處抄交兼署閩浙總督崇等奏密陳象山港形勢足爲軍港一摺奉硃批政務處議奏欽此

原摺見本錄 第十期 查現在時局日艱海權日重欲謀自強之用非振興海軍無以外固洋面內衛各省而創建海軍所最急者尤在勘度完全足恃之軍港該督等所奏象山港一處近來論列海軍者亦多稱爲中國軍港上選原奏於該港入境之道里口寬

軍事

政務處議覆署閩浙總督崇浙江巡撫張會奏象山港擬作軍港摺

一百八十九

丙午

水深之丈尺避風之山作塢之地均已考查明確瞭如指掌洵稱軍港合宜之地所請象山港可爲軍港之處自屬可行惟創設軍港規模宏大事體繁重擬請 飭下練兵處商同南北洋大臣派員詳細勘度具奏再爲經營布置以重戎備而固海權謹 奏奉 旨依議欽此

練兵處奏擬訂陸軍槍礮等項程式摺

竊查上年四月間臣處會同政務處議覆臣鐵良查明江南製造局廠應否移建情形摺內聲明槍學礮學理極精微應由練兵處詳爲討論俟斟酌盡善擬定程式再行具奏等語奉 諭旨允准並准軍機處鈔交兩廣總督岑春萱附奏新槍口徑請飭詳細會議一片奉

硃批練兵處議奏欽此各在案伏維善事利器古有明訓況槍礮爲殺敵致果之用當兩軍相見之際一器之利鈍卽一軍之存亡一國之榮辱繫焉自非詳審利弊研究精確不足以垂爲定式當經飭司詳加考訂茲據查明各國槍礮制度開具表冊呈報前來臣等公同覆覈查各國近十年來所出新槍其口徑大小自六密里五以至七密里九五不等論其得失大概口徑過大者其飛路必寬恐取准較難且子重則多攜不便口徑太小者其擊力固猛惟彈質過細倘非中致命之處則斃敵難期參考各國諸製以酌中定議其口徑擬用六

密里八至礮位種類名目尤繁撮其大綱約分野戰城隘海岸海軍四項當茲編練陸軍之際應先就行營所需之野戰礮分別製備以資利用其礮位擬用陸路過山二種陸路礮爲駛行平地而設過山礮爲跋涉險阻便於拆卸馱載而設此二項口徑均擬用七生的五他如子彈之速率快放之速數與夫礮身之輕重礮架之高低輪軸之寬窄其應行釐訂者亦經多方考校期於因應適宜至城隘海岸海軍三項礮位造法至爲精密非急切所敢率定擬姑從緩謹將此次所訂槍礮口徑等項程式另繕清單恭呈 御覽伏候 欽定俟 命下後臣處卽分別札飭各局廠遵照此次新定式樣購機遵製其舊造各式悉令停止並飭各該局承辦諸員遴選工匠精煉鋼料研究造法以期一律精利緩急堪資冀仰副 朝廷講求戎備慎重軍儲之至意謹 奏奉 旨依議欽此

謹將擬定陸軍槍礮口徑等項程式繕具清單恭呈 御覽

一快槍 槍枝口徑擬用六密里八槍筒長一百十五倍口徑子彈初出槍口速率須六百五十密達以上用無煙藥其燒化之速以子彈將出槍口藥始化盡爲度 一陸路礮 礮口徑擬用七生的五身長二十八倍口徑礮身連門三百六十啟羅礮架高一密達兩輪相距一密達三架重連護甲共六百啟羅子彈用開花子母葡萄二種子彈引火共重七啟羅

礮身礮架前車子彈零件配齊共重以一千七百啟羅爲率子彈初速率須五百密達以上擊遠須五千密達以上礮昂度以十六度爲限俯度以六度爲限快放速數每分鐘須十五出以上 一過山礮 礮口徑擬用七生的五身長十五倍口徑礮身連門重一百一十啟羅礮架高六十四生的兩輪相距八十生的架重連護甲共三百啟羅礮架最重之件不得過一百一十啟羅子彈用開花子母葡萄三種子彈引火共重六啟羅子彈初速率須三百密達以上擊遠須三千五百密達以上礮昂度以二十度爲限俯度以十度爲限快放速數每分鐘須十五出以上 以上礮位二種其礮身均擬用鋼質礮門均擬用螺形礮藥均擬用無煙藥之重量應按所造之藥力試定

署黑龍江將軍程奏官軍剿辦馬賊獲勝摺

竊照大房子屯白家岡等處各軍剿賊獲勝大概情形業經電陳外務部代奏在案茲查六月二十二日據左軍統領恒玉稟稱賊匪聚散無常前經晤商吉安軍統領苑春華分路兜擊茲於五月十四五等日由克音河連環井海倫河一帶節節進剿至十八日聞有胡匪二百名向北掠竄當經督隊星夜馳追行抵西哈爾巴山賊已乘筏渡河西埋伏深林叢樹中我軍探知賊情一面堵截河口一面暗令各隊由下游繞道進攻截其後路正在渡河之

際賊卽開槍衝陣往西亂竄兇猛之勢銳不可當迨至大房子拼力一戰約逾兩時之久賊又向西奔逃我軍追擊七十餘里賊首魁手小白龍暨從賊三十餘名同時陣斃奪獲馬十七匹大小車各一輛槍十桿人票九名次日左營懷塔喜由井字荒帶隊而來同在白家岡與賊接仗從午至申擊斃悍賊四名生擒一名受傷者十餘名餘皆潰敗星散奪獲馬十一匹槍十桿人票十一名二十九日賊首山綳等股二百餘名又竄入蘭西縣界內勢甚驕張大有窺城之意經右軍管帶英順馳書乞援卽於六月初一日黎明馳抵縣境該匪等一聞兵至正在向北逃竄適苑春華探悉賊踪由北包抄而來中途相遇賊勢大受挫折苑軍併力前進愈戰愈奮由霍家窩堡高家園子草甸子等處乘勝趕追所向披靡陣斃之賊不計其數救回人票多名馬匹槍械多件並於甘木林子生擒匪首英子等六名馬十三匹賊又四散此左軍與吉安軍疊次剿賊之情形也先是各營報稱賊匪敗後隨處掠馬逃竄官軍步多馬少往往不能窮追此次檄飭中軍統領吉祥專撥馬隊一營繞道前往疾追據稟六月初二日據弁兵報稱賊首山綳青山等股綁票十餘名向東南而去當經帶隊尾追於初更時分追至二龍山知賊在錢家店歇宿我軍下馬闖入院內彼此開槍轟擊至一時之久賊勢不支匪首山綳踰牆先遁餘賊盡棄鞍馬由後門逃入麥叢時方大雨不見人影我兵

乘勢跟追什長于潯江並隊兵兩兵中槍陣亡什長劉喜廷身受槍子透傷甚重生擒匪首  
青·山·小·老·疙·疸·二·名·計·槍·斃·賊·十·三·名·賊·馬·三·十·八·匹·又·搜·獲·賊·馬·四·十·六·匹·槍·十·六·桿·因  
深·夜·遇·雨·收·隊·暫·歇·當·將·匪·首·青·山·訊·明·確·供·就·地·正·法·小·老·疙·疸·留·營·暫·作·眼·線·此·中·軍  
剿·賊·之·情·形·也·現·在·大·股·擊·散·地·方·較·前·安·謐·謹·奏·奉·硃·批·仍·著·嚴·飭·各·軍·認·真·搜·剿  
以靖地方欽此

熱河都統廷奏籌辦防務先將現有衛隊添練防營摺

竊查前任都統錫良於二十九年奏明添練馬步三營衛隊百名嗣因建昌股匪起事又添  
練步隊一營奏派游擊尹德盛統帶分駐赤峯圍場豐甯一帶以防西北未及招募旋即卸  
事復經接任都統松壽查照前案招足百名駐紮承德府街奴才接任以來查看地方情形  
其東南一路賴有總兵楊玉書統帶直隸練軍八營分駐朝陽府及所屬阜新建平建昌各  
縣雖屬客隊兵力尙不甚單惟西北路僅有馬步隊四營實形單薄非再練三四營得力之  
軍不足以備緩急非預籌十餘萬有著之餉不敢遽練多營是以本年先後奏請開放敖漢  
旗蒙荒及海留圖牧廠閒地卽爲預籌添兵餉項起見惟該二處荒價課額究屬有限祇得  
暫爲目前補苴之策先就原有衛隊百名添募成營練以新操務求合格無事之日以之換

防有事之時以爲策應庶足以補各防營兵力之所不及惟此項衛隊原議本定爲馬步各五十名嗣改募馬兵四十名步兵六十名稍有未符此次添募馬兵八十名步兵二十名按邊防八成隊之營制合之原有之兵額以足馬隊三哨步隊一哨之數編成一營名曰熱河都標練軍營所有該營官弁勇丁薪公餉乾按照熱河練軍四營章程核定俾歸畫一每月應支湘平銀一千八百四十六兩四錢每年共需銀二萬二千一百五十六兩八錢仍由求治局稅捐項下照常支放外所有常年應添銀一萬二千六百五十二兩八錢應定爲該荒地未升科以前由荒價動支既升科以後由課銀動支課銀不敷仍由稅捐項下彌補遇閏加增分別扣還其置辦軍裝建造營房及一切開辦經費約需銀一千六七百兩暫於墾務押荒項下提用應用槍枝查軍械所現存有七密里槍二百餘桿均一律按兵發給惟子彈不敷應用已由天津洋行訂購十萬顆年內可期運到所有購價運費約需銀四千四百兩亦請於荒價項下動支報銷業於本年八月初六日編練成營經奴才督同營務處各員逐加點驗勇丁均極精壯營制尙屬整齊但能認真訓練將來可成勁旅奴才極知口外防兵單薄本宜大加擴充惟目前餉項支絀異常祇得於無米爲炊之中姑爲集腋成裘之計一俟巴林各旗荒務開辦餉項有著再行續募三四營以仰副 朝廷屢念邊防經武整軍

軍 事

熱河都統廷英籌辦防務先將現有衛隊添練防營摺

一百九十五

丙午

之至意謹 奏奉 硃批該衙門知道片併發欽此

安徽巡撫恩奏請籌費湊餉添徵營隊摺

竊皖省遵照練兵處新章改練步隊一協過山礮隊一隊於上年九月經前任撫臣誠勳具奏並聲明置械造營款項無著擬將土藥捐數旺收酌量辦理在案良以度支異常竭蹶事屬創始只可逐漸以圖惟查練兵處奏定章程內開如各該省餉項支絀不能一時照章編定成軍成鎮其開辦第一年一鎮中先設步隊甲協兩標馬礮隊各一營工程輜重各一隊等因定制詳明足見各營隊缺一不可皖省原練步隊一協礮兵一隊按之混成協制尙未完全倘不照章增添出戰調操皆屬不適於用是直不啻以頻年數十萬之巨餉養成一不能應敵之師團徒有其名虛糜可惜愚以爲不練則已練則俱練皖省庫藏奇絀年甚一年若必待積有餘貲始籌添練誠恐遲之又久渺乎無期何以爲禦侮折衝之具是以於到任後卽先整頓督練公所並以步隊土客雜處抽改巡防另征足額業將辦法詳陳復飭該公所會同藩司酌議無論籌款如何爲難務將馬礮工輜各營隊一律添設茲查原有步隊六營除挑出客籍之兵另編巡防四旗外現只有步隊三營礮兵一隊尙應征補步隊三營添練礮兵二隊馬隊一營工程輜重各一隊軍樂半部方符混成一協之制所有槍礮馬匹器



械衣裝建造營舍均關緊要有不得不預爲陳明者皖省兵備久虛礮位除購自鄂廠之快礮六尊暫尙合用餘皆前膛老式不合新軍之制現已向德國克魯伯廠訂購七生半過山管退快礮十二尊價銀十八萬兩有奇並訂購丹國輕機快礮六尊價銀六千五百餘兩又步隊向用九響毛瑟槍式既舊重笨不堪現擬訂購小口徑快槍三千六百枝每槍連子彈千顆約共需銀二十萬兩又馬隊營戰馬合之礮工輜各營隊運載馱馬暨騎馬等極力減少六共仍需六百三十四匹按定制每匹價約三十兩左右惟近來各省紛紛購馬口外價值飛漲距皖又遠路費必多例價恐難購備現以每匹銀四十餘兩計之連路費約需銀三萬兩又各營軍裝鞍轡皮具等件以及工程輜重軍樂工作器具皆須制備約共需銀十餘萬兩又皖省向無標房各營散處渙而不聚現須建造兩標暨協司令部營房並擬將舊營酌改馬隊工輜等營購地估工約需銀十五六萬兩又一應軍營及學堂外場所需器具均俟營房落成再行核數置辦統計以上約銀六十餘萬兩此開辦之必不可少者也至於常年各營薪餉按之定章每年需銀四十餘萬兩今按照軍官八成軍佐六成發給並將備補兵匠日皮匠管馱喂養暨各兵騎馬馱馬均暫行酌量減少計每年約需銀三十八萬兩有奇此薪餉之必不可少者也竊維強兵卽所以強國故東西各邦均不惜竭全國之力增修

戎備中國軍政甫議擴張皖省尤地當衝要何可因陋就簡重貽萎靡不振之憂昕夕旁皇思維至再明知皖省財力籌措爲難然長此苟安伊於胡底現在礮位已給定銀馬匹卽飭選購營房已買地備料尅日興工餘亦急需應付若待徐籌的款勢必貽誤要圖近與藩司籌商惟有就司關庫局通力合籌除解部京餉匯滬賠款及新政一切專項不得挪借分毫此外無論何款均移緩就急先行撥用以供開辦急需其常年薪餉則就原有之款儘數照撥數尙不敷應再設法措置擬加茶米釐捐能收若干殊無把握亦先由司關局庫勻挪庶緩急有可恃之兵而編制無不完之弊藉以仰副 朝廷經武保邦之至意謹 奏

江南製造局整頓槍礮彈藥鍊鋼上練兵處南北洋條議

一造槍宜就舊機專改新式也查東西洋用槍之國約共三十有五口徑用七密里九者居多式樣不一而大要不外四端一機振靈便開放捷速二表尺精密瞄靶易準三子路線直命中及遠四經久耐用現考英德日奧各國新出槍式互相比較以德之一千九百零五年七密里九口徑新式爲最精滬局從前由快利槍改仿毛瑟廠製並未全配新機且大半參用手工雖望牌護手板拉壳鈎各項迭次改良仍難完備機牀有新舊之分造件卽有疏密之判與其多造不合用不如減造以求新目前先立祖模製齊樣板將來可以按照造件配

購新機至口徑大小不難隨時斟酌更換以整頓舊廠之規模立開辦新廠之基礎計無便於此者嗣後並擬咨請出使各國大臣調查每年新出槍式發局照造每種數枝考求利病隨時呈送鑒核不但新廠仿造可資參考而向來承辦軍械各商亦不能以新奇炫售專攬利權 一造礮宜查考用法分別改製也查各國礮式計有兩等一曰守器二曰戰器礮臺營壘利防守之器水師戰艦陸軍攜用利攻堅之器必先預算法再定造數英國阿姆斯特脫郎德國克虜伯兩廠鑄造大礮先後馳名其礮身礮箍急用純鋼精製惟德廠後膛門門用銷子英廠後膛門門用中心螺塞配法雖殊利用則一至陸路過山等礮從前均以鋼繩束制坐力以免倒退近則改用管退較前益加穩固其配裝管退鋼鑽德礮在下英礮在上滬局兩種式樣現均齊備上年仿造德礮按照新式管退之法鑄成一尊是仿製改良已有把握擬承造祖模可期一律目前所造一百磅子四十磅子快礮及十二磅子陸路快礮三種俟成料完工即可停造節費專造新式管退七生六口徑以下快礮按照常年經費酌定每年造數以期利用而免耗費 一鍊鋼應延聘工師並宜設法擴充辦理也查製造軍械用鋼最多既欲擴充製造必先擴充鍊鋼此根本之計也各國鍊鋼廠最大者如德之克虜伯英之阿姆斯特脫郎法之科魯蘇均負盛名比國之考克立爾其規模之大鍊製之精西人

亦推爲克虜伯之次雖彼此鍊法各有不同然鍊成之料大要不外兩種一曰生鋼專爲造銳利刀鑽螺鑽等用一曰熟鋼專爲造船械槍礮等用滬局專鍊熟鋼一種仿西門士馬丁鋼爐鍊法歷經試驗實合槍礮胚料之用拉力足與外洋相埒惟現在廠中僅設十五噸鋼爐一座三噸小鋼爐一座規模尙形狹隘出鋼究不能多將來開辦新廠所需鋼料應遵原奏由滬鄂兩局供應是滬局鋼廠尤非極力擴充不可擬請延聘外洋鍊師多添小號鋼爐另推廣罐鋼等法並及器具生鋼除供本國局廠購用器具各鋼外兼可售諸民間行銷洋廠振興利源莫大於此將來接濟新廠與維持舊局之要端亦莫切於此 一運機宜改用電力並宜設廠製造器具也查西洋各廠所用機器現在新法均用電氣以運動之妙在一機即開一機各有電力各司啟閉圓轉自如成件甚速滬局各廠機器仍用舊法以汽機皮帶彼此牽率互相掣動不便殊甚然全局機器合計有千數百具之多沿用四十餘年之久一旦全廢煤火改用電力需費浩繁其勢斷辦不到願因經費爲難全改不易遂舉外洋最新最精之法暫置弗取似亦非講求軍實之道擬請目前各廠原有機器仍用舊法將來如推廣新廠或添置新機一律改用電力以期靈捷而省煤火於採用新法之中仍寓撙節核實之意至於製器之器如菊花車刀等類最爲緊要據洋監工柯尼施稱宜特設製造此

等器具之廠祇備必不可少之機器略雇心靈手敏之工匠認真辦理並於各廠設立藏器所收藏足敷應用之器具以備隨時取用並稱菊花車刀請用新出之大速力鋼其堅韌耐用勝於尋常鋼料三倍無須常時打磨各等語洵爲切要之圖蓋機器爲製造之命脈此等器具又實爲機器之命脈如全恃購買應用不能自製或偶然仿造不求精美領用者又不甚愛惜不善收藏實於製造成件之精粗大有關係虛糜經費猶餘事也 一工匠藝徒應推廣教育以充學識也查各國工匠多由學堂出身通曉機理諳習測繪而各廠家猶復多方教育於工作餘時附近設立晚課學堂招收在廠工匠教以工藝理法是以製造日精而新理日闢中國製造工匠並非學堂出身往往在廠多年手藝未嘗不高而知其法者未必明其理甚至充當領首而目不識丁欲求製造之進步談何容易滬局雖設有畫圖房挑選識字藝徒每一星期中教以英文圖算三日但額數無多工匠多不與其選至兵工學堂教授理化圖算輿地歷史程度較高而又非工匠所宜擬請在局廠左近設一初等晚課學堂延聘教習或由兵工學堂頭班學生中選派教習二三人專教廠中質藝較優之工匠藝徒凡有志向學者每日下午放工後入學由教習講解粗淺藝理並授圖算洋文增廣其識見爲將來續派出洋預備科廠員洋監工等均注意於此 一工匠工食應核實加增以資鼓

軍 事

江南製造局整頓槍礮彈藥鍊鋼上鍊兵處南北洋條陳

二百一

丙午

勵也。查外洋工匠手藝較優者無不優給工食贍恤。身家滬局開辦四十餘年，不乏優等之匠。迺近年以來，每有託詞他去，久假不歸者。固因湖北四川等局計工授食所得較優，而各省先後開辦銅圓，亦皆不吝厚薪，多方招致。該匠等既爲謀食而來，自當以工資多寡決其去就。雖嚴定規條無益也。楚材晉用，維繫誠難。據洋監工柯尼施稟稱：照目前廠中工食難容，上等工匠急應分等優加。又稱欲工作踴躍，宜行按成件給價之法。各等語。查按件給價全賴驗收得力，其法極善。外洋多行之者，滬局各廠雖已設立檢查所，一切祖模樣板尙未置備齊全，造成之件多憑目驗。遽行按件給價之法，恐工作草率，難於檢查。至籌增工食一節，擬將積年在廠手藝較優之工匠，以及資質可造之藝徒區別等第，核加工資，以資鼓舞。至各廠學生匠目，如有得力者，應請給發五六品功牌，各數張，交局隨時獎勵。

### 各省軍事紀要

直隸○陸軍京旗一鎮及駐保定錦州山東濟南宿衛京師之第三五六三鎮向隸直督袁慰帥統轄。現既設立陸軍部，慰帥卽奏請均歸陸軍部直接管轄。至駐馬廠之第二鎮及駐永平山海關之第四鎮，仍歸直隸訓練。當奉 硃批允准。

奉天○騎匪首董九率其羽黨多名，聚集白溝河意圖劫擄。爲北洋駐錦陸軍偵知，當卽圍攻。經眼線指認，遂將董九捕獲。交營務處訊辦。又北洋淮軍統帶張軍門勳奉調至昌圖一帶駐紮。經與巨匪大洛疙疸接仗兩次，斃匪五六十人。並

生擒大洛疙疽官軍亦陣亡哨官一名什長數名

山東○曹州匪首馬在田朱名張體貴王留季石狗張傳義陳青雲鄭三朱景彥等各率其黨二三百人或百餘人爲一股所至搶擄民不聊生近經官軍剿捕匪勢稍衰有竄入汴省之永城夏邑等處者復經該省常備軍攔擊斬獲二十餘名餘仍回竄魯省

山西○晉省續備各旗原係勇營編改分防駐守尙稱得力現已遵照練兵處新章改爲巡防隊其常備軍馬步礮十族核計不足一協之數先就原有之步軍併成三營爲第一標再按徵兵辦法補足三營爲第二標合以馬礮工程輜重各隊即可混成一協並遵章設立督練公所已於六月間先後開辦

江蘇○九月初三至初五三日南洋練軍在南京附郊舉行秋季大操分各隊爲東西兩軍西軍枝隊出神策門由寶糕橋東進東軍枝隊出太平門繞仙鶴門西進相遇於單家莊地方東軍礮兵陣地在程家村以西高地西軍礮兵陣地在十字街以東高地交綫之下東軍退至東陽坊一帶西軍追擊至上五旗東軍再退至仙鶴門宿營設防禦前哨綫於小王莊以北西軍退回岔路口宿營亦設防禦前哨綫於東陽坊以東兩軍戰綫長約十五六里江督端午帥親自簡閱並遷派諸悉軍事文武各員數十人隨同觀覽此外隨觀人員分內賓外賓報館學界四部各派專員接待○會匪朱長青先後入秦龍山聚興堂大名山忠信堂聚賢堂充爲心腹散放票布誘人入會周得才亦入天龍山五湖四海堂充爲當家散放票布誘人入會現均爲溧陽縣劉令拿獲並起出票布盟帖名單等件語多悖逆當即詳奉蘇撫陳筱帥派員往訊明確批飭就地正法○江北水災奇重各處飢民無慮數十萬八月下旬海州匪徒乘災肇亂肆行搶劫東以嚴步恆耿祝三等爲首窩聚州屬東堆東山等處西以趙少柱等爲首盤踞州屬羽山西駝峯一帶此外零匪多起黨與衆寡不

等羣推朱念祖為首私購槍械擄掠船隻設卡勒捐到處焚搶經江督端午帥蘇撫陳筱帥江北提督蔭午帥會派鄒參謀玉春緝私營王管帶曜協同地方官設法搜捕先拿獲匪首潘步嶺及其黨二十二名即將潘步嶺潘步瀛潘步和三犯就地正法繼拿獲匪首耿祝三及其頭目孫寶善等十七名其中耿祝三孫寶善莊四篋徐香仁雍玉貞孫耀田王小矮子等七名訊供擄人搶糧不諱當即解回海州正法示衆旋又將朱念祖擒獲解交營務處訊辦其餘未獲各匪仍由各營團嚴密搜捕務獲究辦

安徽○前犯彌陀教案事在二十七年 匪首陳永清漏網多年迄未弋獲今改名陳海平入河南金剛台山鄧道真龍華會糾人

放票謀為不軌旋與鄧道真反對親至淮北一帶招誘黨徒擬先殺鄧而後起事適為駐紮該處沈統領偵知即將陳海平及其繼子陳金山並黨殷殿閣劉守一等一併拿獲並搜出槍械會票木戳書本等件解交鳳穎道玉觀察訊取確供即將陳海平照章就地正法餘各分別年限監禁及遞籍釋放有差

江西○吉安鄉民前因清賦委員催徵舊欠聚衆滋鬧現經贛南道江觀察查詢明確因供給趙委員彝鼎公費外差役賴生羅興等另索差費不遂遂令將郭棟廷等管押鄉民不服遂致鳴鑼聚衆入城滋鬧現已將為首之歐陽亨衢郭恩慶王蠢俚劉安人四名拿獲詳奉贛撫吳帥批示郭及歐陽暨肇釁之差役賴羅等一併正法王劉二人各予分別限年監禁趙委員彝鼎革職永不敘用餘各記過有差○瑞昌縣民苛稅激變一案除拿獲姜能勇一犯已就地正法外近又續獲何仁勳何仁德何慶萬馮承遜柯耀賢五名業經九江府孫守訊明各供稟奉贛撫批飭將何仁勳何仁德永遠監禁何慶萬監禁十五年馮柯二人各監禁三年在逃之首要各犯高先猛等七名仍責成該府縣懸賞嚴拿務獲解究○都昌縣屬黃土嘴鬧事匪徒迭經官兵先後拿獲羅來委江紹桂江忠明江波江炎和古世慶廖廷馬文沈傳禮曾得



勝段謨夏段光輝段祖禮等一千人犯現已隔別研訊確供羅來委江紹桂二名罪情最重詳奉贛撫批飭就地正法餘各分別限年監禁有差

浙江○浙東上江各屬之雙龍會匪蟠踞已久糾衆搶掠習以爲常近爲新任衢州府姚守所聞嚴飭地方文武協拿由衢協汛弁訪知該匪在大洲村地方在郡南十餘里散粟歛錢突往查拿先後擒獲小頭目茅佬巨等五名并槍械藥彈及贓物

等件一併解至西安縣署當由尹大令提訊搜出匪票龍旗下列天命興起紐轉乾坤等字樣及號碼姓名經尹大令嚴

刑推鞠供稱由總頭目九千歲管龍標派遣在外專事招人入會每票售三百二十文起至數百十元不等購票後復由

茅等約期同集峽口鎮浙之江山縣之玉山縣接壤處南通閩之福甯府界副頭目姜榮華處點名立誓方爲入會售出之票已以萬計均以二斤十

三兩四錢爲會中口號以龍游縣爲巢穴云云當由尹令錄供詳府電稟到省卽令先將茅等正法通飭各屬嚴拿管姜

等匪目一律究辦

福建○南安白旗會匪黨約數萬賊首楊車自署福義泉王邑紳林雲龍前被截途劫擄經其子林部郎謀昌就京上控

奉旨飭剿現僅拿獲楊車之兄楊連一名餘均勒令鄉長限交以憑究辦

湖南○洪江會匪首李金其近在瀏陽醴陵交界之處聚集黨羽希圖起事經瀏陽縣費令訪知親率營兵潛往拿獲遂

卽帶回訊供收禁詳請嚴懲

四川○渠縣土地場團總陳鴻圖用符水惑衆起事殺差祭旗經川督錫清帥飭該處巡防軍往剿匪衆放槍拒捕致傷

兵役十餘名死什長一名旋被官兵火其巢穴燒斃匪衆眷口十餘名生擒匪黨二十餘名匪首乘間逃去錫清帥得報

仍電諭重慶巡防軍宗統領加兵往拿以靖地方○酉陽州著匪彭祖芳迭次擾亂蜀楚邊界自斬其死黨象昌金等後

彭仍盤踞該州陳家寨劫掠姦淫勢甚猖獗近經唐太守飭團協同巡防軍會剿擒獲卽稟請川東道就地正法

### 各國軍事紀要

俄○前在華旅順司令官司徒塞爾已由俄政府勒令退位旅順投降一案業已審問了結

英○英屬南非洲革伯盾現爲脫國匪徒弗利喇率黨進攻該處警察局二所皆被攻破並劫去軍械藥彈甚多英政府現已特派馬兵馳往抵禦並派警察一隊逕赴秘利斯加防護云

廉洛哥○摩境亂事日益劇烈除在天基亞海港擊損法巡洋艦亞斯拉地方佔據西班牙電燈公司外復被亂黨戕害法兵官兩人及所招土人槍隊四十餘名法西兩國現已均向摩政府詰問

古巴○古巴亂勢甚熾所毀橋梁及鐵路等無算皆係英人產業並欲將各處火車盡行炸裂以斷運兵之路該黨意見欲令總統潑爾瑪退位該處教士亦與潑爾瑪政策反對故亂黨蔓延全島均受影響現聞總統及副總統已向議院辭職各大員亦均告退古巴政事概由美國選員管理美總統羅斯福已將海軍派往古巴云

# 教育

近三百年學術變遷大勢論 錄丙午九月初二日申報

嗚呼。吾言中國之學術。而心滋戚矣。泰西之學術。歷久而愈盛。中國之學術。歷久而愈衰。自春秋以迄戰國。爲中國學術最發達之時代。自秦用陰柔之策。以愚弱黔首。政體既更。而學術亦因之不振。吾嘗謂漢以後無學者。唐以後無文章。自宋迄明。益不足道。是故西人之恆言曰。中國之歷史。不名譽之歷史也。中國之學術。無思想之學術也。吾愧其言。雖然。此特數千年來學術全體。以東西相比較言之耳。要不可以一概論。吾又聞立國之要道有二。曰政治。曰學術。二者若形影之相附。不可須臾離。凡各國學術之盛衰。無不與政治有關係者。而中國其尤著者也。中國歷代學術之盛衰。無不與政治有關係者。而近三百年其尤著者也。是故欲言近三百年之學術。當先言近三百年之政體。中國之政體。一專制之政體也。近三百年之政體。又以一政府立於兩民族之上。專制極點之政體也。有明之季。政治腐敗。國事糜爛。至於不可收拾。自王陽明創姚江學派。不善學者。輒習爲空談。轉相獎借。矯其弊者。又倡程朱之說。以相排抵。非以朱攻王。卽以王攻朱。然宗

教育

近三百年學術變遷大勢論

三百二十三

丙午

派不同而流弊則一。守性理之空言。置國事於不問。明亡之時。氣節雖盛而終無補。危亡當此時代。不能不矯其弊者。勢也。欲矯其弊。不得不求體用兼備之學者。亦勢也。是爲國朝學派發生之第一原因。

又試徵諸當時之政治。本朝以東北一小部落入主中華。壓制固不能不嚴。反對亦不得不盛。生其世者。躬膺鼎革之交。目擊鋒鏑之慘。種族之思未泯。恢復之志難忘。欲恢復故國。則不得不講經世之方針。求郡國之利病。且又間關生死。奔走流離。經驗既多。艱苦備歷。養成一種堅忍刻苦之性質。迨至時機已過。所志終虛。義又不能立。他人之朝食異姓之祿。惟有艱貞絕學。託之空文。其情可悲。而其志可憫。是爲國朝學派發生之第二原因。

有此二因而當時之學術可考而知矣。其人最著名。足爲當時代表者。則曰顧亭林。曰黃太沖。曰呂晚村。曰李二曲。其學派可分爲四大宗。一曰道學。以孫夏峯。呂晚村。刁蒙吉爲巨擘。雖以明心踐性爲宗旨。然皆能持朱王之平。堅苦自勵。與僞學不同。二曰經學。其中著名者。若顧炎武。若閻若璩。若張爾岐。若胡渭。若王錫闡。胡氏作而禹貢之學始精。王氏起而天算之術始進。張氏出而儀禮之緒始傳。閻氏興而僞孔之古文始繼。至顧氏爲音韻五書。則又爲後來言訓詁聲音者不祧之祖。三曰史學。以萬氏斯同爲最著。萬氏所著各書。以史表爲

最著吸收衆流睨千古蔚然爲浙學之大宗萬氏後惟全謝山能繼其業過此蓋絕響矣  
 四曰經世學。國朝諸儒無有不講求經世之學者蓋時勢所迫不得不然也其中尤矯矯  
 者若黃宗羲顏元李璿王源劉獻庭彭士望王夫之孟遠諸人皆身通六藝講求實學痛心  
 於種族之禍思於中原有所盡力其立己也皆刻苦自守百折不撓非談空說有者所能比  
 也其教人也則文事與武備並重無所偏倚非三家村學究所能比也其論治也則辨種族  
 之是非彰君民之公理發前人所未發言當世所不敢言若王氏黃書黃氏待訪錄顏氏存  
 治編唐氏潛書孟氏上各當道書皆與西儒學理息息相通者也諸人生於數百年前而能  
 有此等思想吾國學界亦足以自豪矣

當時於諸家之外以漢學獨樹一幟而俯視千古者又有一人焉則曰毛奇齡毛氏著書數  
 百卷排擊宋儒無餘地其學博故持之有故其才辨故言之成理其眼光銳故不爲古人所  
 惜實開中國懷疑派之先聲雖不免師心自用之弊然漢學昌明之機毛氏殆與有力焉不  
 可誣也是爲學術變遷之第一時期

自順康至雍乾而學風又一變矣雍乾之時天下雖已大定然去明未遠民族之觀念尙未  
 盡消在上者知其然也於是待士之策設爲二方面於一方面則興文字之獄立講學之禁

頒禁書之目。論封建則有誅詩文。稍涉違礙字面。則有誅務使士之懷才智者。不敢復究心於當世之務。而妄議朝政於一方面。則開宏詞之科。設四庫之館。崇尚經學。使天下士。敝其精神。耗其腦力。於無用之地。而又可以博崇儒重道之名。則思亂之志息。夫如是。是以當時之士。聰明才力。無所於用。不得不集而說經。嗚呼。經學之無用久矣。堯典二字。可演為萬言。爾雅一書。乃尊於九鼎。魏源謂乾隆中諸儒講經學。錮智慧於無用。何其言之有餘痛耶。然而近三百年所稱為最發達者。莫漢學若。是又安可不一為詳述也。

吾言經學。吾先正告天下曰。經學之亡。蓋數千年於茲矣。一壞於東西晉之清談。二壞於南宋之道學。元明以來。此道益晦。其能直紹兩漢者。不得不推本朝經師最盛者。不得不推乾隆朝。乾隆朝之集大成者。不得不推戴氏及惠氏父子。前此閩胡諸人。雖闢門徑。然筆路藍縷。以啟山林。其道尙未大盛。至惠戴諸子。出始覃思古訓。旁搜百家。不惑於諛聞。不奪於濫說。所著各書。若惠氏之九經古義。戴氏之孟子字義疏證。諸書皆所謂成一家之言。垂百世之則。不特在近世為巨擘。即東漢而後。亦無有能與抗衡者。

當時又有專治一經。與戴惠諸氏相輝映者。則有如張惠言之於易。易氏消息 江良庭之於書。尚書集注音疏 胡承珙之於毛詩。毛詩後箋 秦蕙田之於五禮。五禮通考 錢坫之於論語。論語後錄 馬驥之於

左氏傳。事左傳皆窮畢生之力爲專門之學。集前代之大成爲曠世所罕遺者。經學而外。有與經學並興者。若洪稚存之地理。王蘭泉之金石。盧抱經之蒐輯佚書。畢秋帆之校勘諸子。程瑤田之聲律。章實齋之掌故。皆無所承受。足以自名其家。然以上諸派。不過爲經學之附庸。卽諸家之研究各學者。亦欲假此以爲解經說經之助。不能與經學爭位置也。

當此之時。有與經學平均勢力。足以風靡全國而迭爲消長者。有一焉。則曰文學。中國文學之墮落。已非一日。自唐以後。能自名其家者。代不數邁。至近世始一振之。當時考據之風。徧天下。考據者。其性質與文學不能相容者也。當考據披猖之時代。而文學之勢力。仍足以與之抗衡者。則以當時思開鴻博。優禮文士。影響學界之所致也。當時文學中最發達者。其體有三。一曰古文。近世倡古文者。自侯朝宗。魏禧。吳應箕始。然三家之文。各有所蔽。侯有小說氣。魏有時文腔。吳有策士習。至桐城派興而面目始一變。桐城派者。以方苞。劉大櫚爲始祖。鑒於前明七子之弊。遠法唐宋。近宗姚燧。歸有光。其勢力蓋甚盛大。梅伯言傳其派於江甯。吳樹屏。鄧顯鶴傳其派於湖廣。陸祁孫。張臯文傳其派於常州。龍翰臣。呂月滄傳其派於兩粵。然其弊也。取法過卑。而空疏無具之士。皆得依附桐城。侈然以古文家自命。除惲子居外。無可取者。常是時有不附方劉而另立宗派者。又有三人曰袁子才。朱梅崖。胡稚威。三人中。

袁之才辯而失之滑。朱之格高而遁於虛。求其文質兼勝能爲唐之文章者不得不推胡氏爲首選矣。一曰駢文。近世駢文之盛自唐以後未有能抗衡者也。其時最知名者如胡稚威、孔驛、軒宏博、奧麗妙絕。時人他若更生齋之紀游、小倉山房之論事、小謨觴館之精鍊、玉芝堂之高淡、問字堂之淵雅、養一齋之寬博、靈芬館之奇崛、真足以蹴齊梁之藩而入漢晉之室者。至於淵懿靜穆、擺脫蹊町、若汪容甫者則又在諸家之上矣。一曰詩。雍乾間以詩名者不下數十人。其執當時之牛耳爲詩界代表者前有沈歸愚、後有袁子才、蔣心餘。沈詩流於腐、袁詩近於浮、蔣詩習於粗。不善學者易滋流弊。是故於雍乾時代論詩吾甯取黃仲則、舒鐵雲是爲學術變遷之第二時期。

由雍乾而入嘉道時局又不同矣。嘉道之時立國已久。歷朝帝王又善於操縱之術。在下者已相忘於無形。文字之獄少。寬講學之禁亦弛。加以乾隆季年政局日腐。屢幸當國馨天下之力以奉一人。極盛之餘難乎爲繼。外則有英人鴉片之戰爭。內則有白蓮教徒之暴動。有志之士生乎此時。受種種方面之激刺。漸知墨守訓詁之無益。實際也。於是諸學派突然並興。而另組成一學統。試詳述之一曰西漢今文學派。乾隆中葉崇尙馬鄭之學。舉國若狂。後起之士欲求勝前人。非另立一幟不可。於是微言大義之說興焉。微言大義者以今文爲孔



門。真。傳。以。古。文。爲。劉。歆。僞。造。謂。公。羊。爲。羣。經。樞。紐。欲。直。紹。西。漢。博。士。之。傳。其。思。想。蓋。至。高。尙。也。始。治。今。文。者。爲。莊。存。與。劉。申。受。至。龔。定。安。魏。默。深。宋。于。庭。陳。卓。人。諸。人。出。其。勢。力。始。盛。大。其。理。論。引。證。始。完。全。駸。駸。乎。奪。惠。戴。之。位。置。而。別。闢。一。講。席。當。其。時。雖。有。汪。孟。慈。江。子。屏。諸。人。尙。守。惠。戴。家。法。然。勢。力。遠。不。相。及。不。能。奪。方。張。之。燄。而。揚。旣。死。之。灰。也。一。曰。輿。地。學。派。從。前。諸。儒。若。齊。次。風。全。謝。山。諸。人。皆。以。兼。通。輿。地。之。學。著。名。於。時。然。諸。氏。之。治。輿。地。非。借。以。說。經。卽。用。以。考。史。所。研。求。者。又。多。半。專。於。本。部。非。真。能。探。索。險。隘。相。度。形。勢。以。求。有。裨。實。用。也。自。龔。魏。諸。人。興。始。究。心。於。域。外。輿。地。近。而。蒙。滿。遠。而。歐。西。皆。考。其。圖。經。誌。其。沿。革。勒。爲。專。書。若。龔。氏。之。蒙。古。地。理。若。魏。氏。之。海。國。圖。志。若。張。氏。之。蒙。古。游。牧。記。諸。書。於。實。學。關。係。至。非。淺。尠。固。非。墨。守。紙。上。陳。言。者。所。能。同。日。語。也。一。曰。漢。宋。調。和。學。派。漢。宋。之。爭。自。古。已。然。而。近。世。爲。尤。著。始。倡。尊。漢。抑。宋。者。爲。毛。奇。齡。繼。之。者。紀。昀。和。之。者。戴。震。而。姚。鼐。方。東。樹。則。又。以。文。士。而。倡。宋。學。與。治。漢。學。者。相。排。抵。無。已。時。凌。廷。堪。出。始。提。倡。理。禮。合。一。之。說。謂。漢。學。不。能。舍。性。理。而。不。談。宋。學。亦。不。能。廢。考。據。於。無。用。學。者。始。稍。稍。附。會。之。至。番。禹。陳。澧。著。讀。書。記。祛。門。戶。之。見。欲。合。二。派。爲。一。家。取。鄭。立。朱。熹。之。說。而。比。附。之。雖。然。吾。以。爲。漢。學。遁。於。破。碎。宋。學。失。諸。空。虛。宗。派。不。同。而。其。非。孔。子。之。真。傳。則。一。是。故。黨。同。伐。異。日。以。攻。擊。爲。事。者。固。非。卽。調。停。兩。

界欲強不同以爲同者亦未爲得也。四曰經世學派。此派之不講也久矣。雍乾以來。才智之士。非窮力於詞章。卽專精於考據。至道光朝。漸知詞章考據之無用也。於是大湊其材力以求實學。雖平日好爲詞章。治考據者亦往往兼言經世。如包安吳之治水。周保緒之談兵。龔定菴之好言改革。魏默深之究心洋務。皆足自樹立卓然有名於時。多有可爲後世法者。而諸人中定菴之思想尤瑰偉。其文集所載有譏刺時政者。有昌明社會主義者。有抵排異族者。有大張民權者。是以於吾國學界。求近日思想家。無不知有定菴者。在歐美公理尙未輸入之時。而定菴所造如此。可不謂之才士也乎。是爲學術變遷之第三時期。

綜以上觀之。而吾國近三百年來學術變遷之勢。可以見矣。三時期中。順康之時。實學最盛之時代也。而經學則門徑初開。尙未大盛。雍乾之世。考據學最盛之時代也。論據之精當。引證之博廣。實二千年所未有。真能紹東漢之家法者。而斯時之能究心實學。思以其道易天下者。則除羅臺山一人外。無聞焉。蓋以有涯之時光。治無窮之考據。顧此失彼。亦勢所必至矣。嘉道之世。經學學派大變之時代也。今文之盛。既張古文之勢。遂絀而一時思想界亦漸次發舒。非復前此之錮蔽。此三期之變遷如此。而所以變遷之故。則皆以政治問題爲總因。吾前言學術與政治有關係。殆不謬矣。且夫吾國學界之黑暗。非一朝矣。晉之清談。興而學

術一黑暗。宋之理學盛而學術一黑暗。明之時文作而學術又一黑暗。其稍稍能振衰風立宗派者厥惟近三百年。然則近三百年之學術亦可爲历史上放一大光彩矣。近世新學之士五經埋塵三史覆瓿於國學一無所知而施施然拾他人之皮毛欲取所固有者一切摧燒之亦眞所謂背本誣祖矣。夫一國無學則其國亡一人不學則其人亡。欲一國之人有學重在取人之長補己之短。取泰西之長以救吾之短則吾甚願焉。而未流乃如此。夫人之求學者以其能愛國也。國學者又與愛國心有密切之關係者也。世之人方乞鄰之醯而毀家之寶吾恐無本之學終不免有亡國爲奴之慘也。不揣固陋著爲此篇以質世之君子。設讀者不察其用心而呵爲頑固則非作者所敢受矣。

論今日之教育 節錄丙午九月初五日時報

自朝廷振興教育。學臣承風。大吏宣化。自京師以達於各行省州縣。紛紛建立官私學堂。學子莘莘。教員濟濟。皆足以當學臣大吏之意。觀國者皆曰立國以興學爲先務。中國今日一線之生機在於此矣。予中國人也。望中國之興如大旱之望水。中國今日教育而果有成效。予安敢謬妄詆之。然予實未見今日教育之有效也。予謂今日教育其所以無效之故。蓋有三焉。

一漢學家之流毒也。原中國之積弱。近人皆以八股爲詬病。然八股之病固也。今日廢科舉而設學堂。大洗從前八股應科之陋。是八股已不足爲害矣。然今日之教育猶無效。故予不咎八股而咎漢學家。自乾隆中葉以至道光之末。漢學極盛之時代也。當時學者閉戶著書。斷斷惟訓詁名物是務。而不知讀書致用之實。解經註史考據叢脞。所謂說粵若稽三字。至數萬言。皆疲精神而鮮得力。積此以至今日。欲考諸儒遺世之書。求一足當今日之用者。幾無有焉。我不能不怨先儒之不能遺後人澤也。故今日言教育。始皇皇求教科書。夫我國之學。自羲黃以來。傳之後聖。播之六藝。金聲玉振。條理繼繩。霞蔚雲蒸。禎祥燦爛。發明光大。苟有其人。則可繼續其文明。何至今日。求一教科書而無用。讀萬千卷之經解。且不足言經學。而鬢毛已斑斑白矣。漢學家當數十年前。處極尊貴之地位。而其不足爲今日惠也。如此。今日教育之無效。予安能不咎漢學家也。今其風猶未絕焉。在舊學界中。且具最大勢力。尸國學之名譽。而又不能成有用之才。於是益有以貽新學者之譏。使蔑視國學之心益肆。而教育愈不可問矣。故今日教育之無效。予謂漢學家之流毒也。此其弊一。

一國粹歐化之未融也。十字軍之東征。得小亞西亞之文明。輸入歐陸。近世學者推本而發揮之。致有今日之光明燦爛。故國有界而學不必有界。我非詆歐化主義者之不足言學也。

然此風一倡。學者喜新而厭舊。得一二耳食之新學說。登堂而說觥觥。少年根柢淺薄。入耳而惑之。互相惑。勢益猖平等自由。又便其私圖。而國學之根於道德者。益退而處於孤立之地位。國粹主義亦幾無人提論矣。夫我中國非無學也。學者不善學而學。若無途以爲無學。而欲盡取他人者以補之。然誠能取亦何憾。無如其本之不立。則取之必不能。故學雖無界。然非我國之學。通斷不能通。他人之學而融泯其界也。前者漢學家之詆宋學。彼猶曾讀宋儒之書。特有所偏而詆之。其後之食漢學家唾餘者。直束宋儒之書於高閣。而徒爲瞎鬧者也。今新學少年之詆國學。其瞎鬧也。與食漢學家唾餘者之詆宋學。同問其國學之如何。彼茫然未知。而所口談之新學。亦人云亦云。彼胸中實搖搖無所主也。故學風之壞。至今日而已極。出門以往。耳目觸接。無不皆然。文武之道。豈真今夜盡乎。予望有志賀重昂三宅。雄次耶其人者。出也不然。則國學之精神未發見。而醉於他人之學者。仍奴於人。以是而教育焉。雖十年猶不立。予未見中國今日之可喜也。故今日教育之無效。予謂國粹歐化之未融也。此其弊二。

一師道之不立也。學記曰。凡學之道。嚴師爲難。師嚴然後道尊。道尊然後民知敬學。故師道不立。未有能教育者也。昔者武王踐阼。召師尚父而問焉。曰。昔者黃帝顓頊之道存乎。意亦

忽不可得見與。師尙父曰。在丹書。王欲聞之。則齋矣。王齋三日。端冕下堂。東面而立。師尙父西面道書之言而教之。古之人師道之尊。雖帝王猶屈受。蓋如此也。後世若楊龜山之於程子。石徂徠之於孫泰山。事師之禮。學者以爲美談。教育之成。未嘗不由於此。陳白沙過江西。見吳與弼。聽講三日。汗流浹背曰。不如此。幾誤了一生。古之人尊道。嚴師而師弟之感情。又如此也。故不言精神之教育。則亦已矣。今日中國。乃欲於精神上講教育。而於尊嚴之師道。直置之而幾掃地焉。予言至此。予心痛矣。予見今日學堂之所謂教習。其對於學生。惟以一二尊大之套詞而要結之。曰。諸君救變之人才。未來中國之主人翁也。而究其所以成才之道。所以能爲主人之故。果何所恃而云云。則浮汎而無根。合羣之公德。愛國之熱誠。不可以空言了也。而適以是而長其囂張之氣。師弟之間。又絕無感情。相處不數月。每起衝突。教習之於學堂也。如傳舍。學生之視教習也。如東主之役其夥。乃曰。是可以教育。則夫誰欺哉。然師之不嚴。由道之不尊。是無怪然我中國今日之所謂教習於教育之道。能知之者鮮也。據拾一二新書練習。三五月速成。師範買買。然言教育天下事。烏有若是之易者。故學堂之立者。百而成者。幾不得一。此有識者之公論。非我一人之私言也。是教育之無效。由於師道之不立也。此其弊三。

奉天提學報小國學使致江蘇總學會書力言教員之弊謂此種風氣浸灌

雖就者或假人  
而非人云云

以上三者相因而至者也。語曰：物必自腐而後蟲生，人先自弱而後邪入。我國學術既當衰落而漢學者又不能發明光大，反加之以考據叢脞，使聰明魁穎之士悉錮於斯，埋首迷腦而不能出其範圍，筭述無光，人才闕寂，後世無所憑藉，而教育遂不興。於是始激成新學者之舍舊從新，一切掃棄國學而惟他人之學是尚矣。在彼之先，既有此厭薄舊學之思想，而新學說之灌入，又惟是平等自由，取舊學之藩籬而悉破之，兩者遂相衝而若不能相合。於是爭之愈遠而卒不能相融矣。天賦人權，日以發達，專制之說不得不傾，師弟之間更無所用其道。範且學問既陋，亦無道範之足言，遂不得不自貶而求廁足於學堂之間。於是師道不能立矣。此三者之相因而至，而今日中國之現象固有之。故教育於以無效，嗚呼！朝廷振興教育，其期望學者之心將收以爲強國之用。在朝廷之期望固甚大也。學臣大吏仰體朝廷之意，皇皇興學，其用心亦將謂振興教育以培造就變之人才上答朝廷。學臣大吏之心亦甚切也。然無如有此惡因，成此風尚，變此怪象。雖朝廷有不及察覺，雖學臣大吏亦若以爲無可如何。一二窺時之學者則曰：過渡時代無怪其然，然而予終不信如此。亂次而可以過渡也。予知朝廷必思有以整頓學臣大吏，必思有以改良而研究教育之

士亦必不忍與此終古。然則今日必如何而後可以成教育。予雖不敏，敢進一言。

顧亭林之言曰：今人但講危微精一，而不講四海困窮；但講一貫，而不講多學而識。此明末學風之弊也。其弊成一虛病，而心學遂以亡明。然予觀於今日，則得反其說而言焉。曰：今人但講四海困窮，而不講危微精一；但講多學而識，而不講一貫。此今日學風之弊也。其弊成一狂病，而新學遂為國家憂。嗚呼！天下豈有德性不治而徒以其口愛國家者哉？亦豈有國學未通，未匯通他人之學，而徒貪多務得，鹵莽滅裂，以為淹博者哉？故今日之教育，不患其不能言愛國也，亦不患其不得普通學之智識也。所患者能言而不能行，有智識而無實力。此則雖遍國中皆學士，而無一足當大任者。今而欲求一救之之良藥，予謂舍德育無能矣。德育非迂腐也，予取其切當。今日者而言之，則莫如先提倡氣節。

陳白沙之言曰：文章事業氣節，皆從涵養中來。三者皆實學也。予謂三者尤以氣節為重。故氣節非空言，必於實學求之也。外物之逼人者，咄咄矣。富貴功名立談可取出，見紛華而悅奪其主宰，而妖魅即伏於胸動之以利，而萬事皆空。於是貶節以求售，可惜天下古今多少英才之士，埋沒於此利慾之坑者，已白骨纍纍也。而國家萬一不幸大變之來，或內患猝起，或外侮紛乘，則遇敵無能，孤城不立，治軍而棄，逃死貽羞，羣陰互積，乃無一剛女性，沉沉俯



伏於白刃之下哀河北之不守望歸元其無人讀昔來國變史者至是未嘗不爲之流涕而悲也嗚呼氣節之關係於國之存亡也如此予讀孟子而神往予讀象山陽明學案而拔劍起歌予思古之講學大師開門講學風動義烈激厲羣才羅將相於門治兵皆如其學其影響於國家前途者甚大程朱不大用宋弱無如何然學風未滅勁草猶存風雨崖山飛揚戰血則前效者也羅澤南講學山中髮匪起難師門弟子轉戰大江南北挫劔賊鋒曾文正謂其矯矯學徒相從征討朝出鑿兵暮歸講學理學家門下多將才古來罕有則近效者也嗚呼今中國之士其風好利而鮮氣節而魁儒碩彥往往晦藏於深山大澤之中講學之風闕絕憂時者痛心大局間或發爲言論以氣節提倡則放誕者相與目笑而非之以爲是迂遠而不適於用儒風蕩蕩國乃無人風雨濛濛鳴鷄寡和中國教育所以至今不能收得人之效者其受病未嘗不由於此也今 朝廷既欲以振興教育爲事使徒斷斷於形式之科學而不從德育上振作其精神則教育烏有成而人才烏得興哉

吾於是而思大教育家惟大教育家而後能有教育之精神其能按乎國家之時勢而知學者之缺乏則其教育益不能不以提倡氣節爲先務發爲言論著之文章烈燿破迷震霆啟寐聞風者且血熱而氣王而况親炙之而聞其馨欬此種魄力所謂老僧在深山修鍊數十

年百怪羣魅擾動而不變而非根器淺薄者所能謬謬然尸其位大教育家之所以得精神教育而當今日則吾所仰望之而百拜求之者也能求是者則氣節可以提倡而有功教育可以普及而收效矣。

雖然予猶有一說焉今日之教育果得大教育家以提倡氣節爲先務則教育之成才者將皆爲國家之奇士而學校不可無權自教育之衰而學風之壞學校之制失其權之墮落也久矣予平昔嘗欲爲之恢復以爲可與立法行政司法三權並立而又惜教育之未有效則所謂學校者不配有是權故卒未敢自信其言今則不能不自信而言之也然此亦非我一人之私言我又嘗聞之黃梨洲矣。

黃梨洲之言曰天子之所是未必是天子之所非未必非天子亦遂不敢自爲是非而公其是非於學校此三代聖王之意也又曰三代以下是非一出於朝廷朝廷與學校相反有所非也朝廷必以爲是而榮之有所是也朝廷必以爲非而辱之僞學之禁書院之毀必欲以朝廷之權與之爭勝此梨洲痛學校之無權而欲復之以顯教育之功能者也故其所議復學校權之法總挾之得數端一太學祭酒推擇當世大儒其重與宰相等或宰相退處爲之二郡縣學官毋得出自選除郡縣公議請名儒主之自布衣至宰相之謝事者皆可當其任。

三天子視學。宰相六卿諫議皆從。祭酒南面講學。天子亦就弟子之列。政有缺失。祭酒直言無隱。四郡縣朔望大會一邑之縉紳士子。學官講學。郡縣官就弟子列。北面再拜。郡縣官政有缺失。小則糾繩。大則伐鼓號於衆。凡此數者。皆梨洲所以欲復學校權之意也。予謂苟能如是。則所以申學校之權者亦益。可以見教育之精神。而培受學者之氣節。此學校權之復。所以關係於教育者原非淺鮮也。

且朝廷今日既下明諭告天下。以預備立憲。則國民立法權之復。亦數年或十年將可矣。然事有其本。使不先復權於學校。則國民他日未必能有立法之權。蓋學校權之關係不但關係於教育。且關係於立憲者也。故吾謂學校之權當與三權並立。原三權之所以發達。其最先者爲立法權。行政次之。司法又次之。立法權未有之前。則所謂司法者。法未必公。行政者。政未必善。其權乃君權也。害民者也。立法權既定之後。則所謂司法者。皆實行立法者之法。行政者。皆遵守立法者之訓。其權乃民權也。利民者也。故立法權者爲司法行政之源。然操是立法權者爲國民代表。此國民者爲代議士。養成此代議士之資格者爲教育。故學校之權不復。則教育不成。教育不成。則不特負此代議士之資格者無人。即國民亦皆不成爲人格而立法之權倒矣。故學校權者三權之主也。憲法精意以行政大臣代君主負責任。以

議。院。監。督。行。政。大。臣。故。君。主。不。能。爲。非。行。政。大。臣。亦。不。敢。妄。逞。其。欲。法。至。善。也。然。議。院。者。固。代。表。國。民。之。公。意。而。政。黨。之。見。各。異。則。流。於。偏。者。有。矣。此。立。法。權。之。似。可。搖。動。者。也。惟。輔。之。以。學。校。則。學。校。即。可。監。督。其。議。員。學。校。見。理。之。深。常。有。逾。乎。國。民。公。意。之。上。得。是。以。爲。立。法。之。助。則。立。法。之。權。可。以。長。久。穩。固。而。法。治。永。無。弊。焉。故。學。校。權。者。又。三。權。之。輔。也。故。予。謂。其。與。三。權。當。並。立。其。道。即。指。此。所。謂。不。但。關。係。於。教。育。且。關。係。於。立。憲。其。理。即。若。此。然。實。則。關。係。於。立。憲。者。即。關。係。於。教。育。者。也。吾。今。敢。決。之。曰。今。日。朝。廷。欲。成。立。憲。之。治。非。教。育。無。能。欲。收。教。育。之。功。非。復。學。校。之。權。而。得。善。教。育。者。提。倡。氣。節。不。可。此。今。日。言。教。育。者。所。當。研。究。者。矣。

中國提學使東游訪問紀略 譯日本明治三十九年十一月教育公報

十月十五日。歷本會特開調查委員會。以討論中國提學使所提出之問題。臨席者爲辻會長名新次前田中、幣原、關、鈴木、諸氏。咸議以爲答覆不如晤談。得以上下討論。因即議定日期。以便會商。旋於十月二十五日。再開委員會。與黃紹箕諸氏相見。是日臨席者爲辻、岡田、中、根本、町田、牧瀨、湯本、關、諸氏。及中國提學使黃紹箕、吳慶坻、陳曾佑、姚文倬、葉爾愷、杜彤、劉廷琛、通譯馮閱模、黃曾鎔、諸氏。首由辻會長陳說介紹之意。繼由關、湯本、町田、諸氏。

一一述其意見。會談數刻鐘。始行散會。

迂會長介紹辭。日前蒙諸君提出教育問題後。本會委員。即彼此商議。惟其中尙有未明瞭處。必須一聆警效。且致答意。因請諸君來會。當由委員關義臣及湯本町田諸君。先後述其所見。如蒙採納。以資參考。則幸甚。至本會之意見。當俟異日爲諸君詳述之。

關氏之質問及意見。九月二十五日。同人小集本會。東邀諸君。以表歡迎之忱。諸君垂問貴國教育普及事。詞意勤懇。翌日。又以性與音樂二事見詢。足徵諸君之謙沖虛懷。不恥下問也。僕聞貴國學者。濟濟成林。然其見地。大抵不出華夏史乘。今所垂詢。想亦無越此範圍者。僕於漢學。夙未考求。然當總角時。亦嘗涉躐漢籍。中國今請略抒私見。以質大雅。可乎。

今欲解決本問題。宜先自第二問入手。音樂之教中音樂之道。以理論言。固不難窺其崖略。

然自其實際求之。終不可解。此匪特吾儕爲然。即敝國古來碩儒。亦皆不免此憾。吾聞論樂之書。以禮記樂記爲最詳。荀子樂論次之。史記樂書又次之。自此以外。吾儕所知者。蓋鮮。請試陳之。傳曰。治定功成。禮樂乃興。史記禮書曰。周衰禮廢。樂壞。云云。至秦有天下。悉納六國禮儀。采擇其善。雖不合聖制。云云。至於高祖。光有四海。叔孫通頗有增損。大抵皆襲秦故。茅坤曰。太史公於禮樂之旨。原不十分見透。故述荀卿論禮之言。而作禮書。述樂記之言。而作

樂書其所發明處。多揣摩影響而成文。然其深旨亦微渺矣。趙恆曰。漢之禮樂。皆襲秦故也。又曰。漢時古樂已亡。自高惠文景以至武帝。古樂已無可求矣。此太史公所以讀虞書而流涕。傷古樂之不可復見也。由是觀之。可知當漢之時。已無能解古樂者。惟魏文侯得樂工某。年百餘歲。命作樂記一篇。卽今禮記中之樂記。爲古樂之僅存於後世者。更有一事。不能無疑。卽論語家語等書。所載孔子在齊聞韶。家語下學有三月不知肉味之說。由其歎美之深而推之。則知孔子時。舜之古樂尙存。至秦而始亡耳。然始皇焚書。豈并樂書亦焚之乎。或云。始皇焚書。僅焚其關於政治者。若夫禮樂卜筮等書。固未拉雜摧燒之。此於漢代猶傳古樂可見也。然則樂書豈亦在焚燒之列乎。敢以爲詢。然此屬枝葉末節。無可深論。今又就樂記樂論等書。以質僕所疑。樂記曰。凡音之起。由人心生也。人心之動。物使之然也。感於物而動。故形於聲。聲相應。故生變。變成方。謂之音。比音而樂之。及干戚羽旄。謂之樂。樂者。音之所由生也。其本在人心之感於物也。是故其哀心感者。其聲噍以殺。其樂心感者。其聲嗶以緩。其喜心感者。其聲發以散。其怒心感者。其聲粗以厲。其敬心感者。其聲直以廉。其愛心感者。其聲和以柔。六者非性也。感於物而后動。是故先王慎所以感之者。故禮以道其志。樂以和其聲。政以壹其行。刑以防其姦。禮樂刑政。其極一也。所以同民心而出治道也。又樂論曰。

夫樂者樂也。人情之所必不免也。故人不能無樂。樂則必發於聲音。形於動靜。而人之道。聲音動靜。性情之變。盡是矣。云云。故樂在宗廟之中。君臣上下同聞之。則莫不和敬。闔門之內。父子兄弟同聞之。則莫不和親。族長鄉里之中。長少同聞之。則莫不和順。故樂者審一以定和者也。比物以飾節者也。合奏以成文者也。足以率一道。足以治萬變。是先王立樂之術也。云云。又樂書曰。是故治世之音。安以樂。其政和。亂世之音。怨以怒。其政乖。亡國之音。哀以思。其民困。聲音之道。與政通矣。又曰。知聲而不知音者。禽獸是也。知音而不知樂者。衆庶是也。惟君子爲能知樂。其所謂君子。固非吾儕所能祈至。然若與禽獸比數。則又迴不相侔矣。蓋審樂聲而能區別其曲節。以知其喜怒哀樂之心。實爲最難。凡人惟喜則顏色怡怡。笑容可掬。音聲亦自可喜。怒則顏色異常。聲音亦帶殺伐之氣。爲易見耳。若夫樂聲。則終不可得而知者也。所謂君臣協和。家族和親。淫聲亂聲。耳聞心得。種種深意奧旨。苟猶可以傳於今日也。尙祈大雅有以教之。日本音樂。亦創自上古。多用以祭神。故曰神樂。朝家慶事。亦恆用之。自推古孝德二帝之世。始代以隋唐樂。而古樂遂廢。孝德帝大化五年。自大化五年至今。自大明治三十九年。凡一千五百。置八省百官。當時始有雅樂寮之設。令義解、職原抄。二書皆云雅樂寮掌音律。名。皆云雅樂寮掌音律。六十一。年。置八省百官。當時始有雅樂寮之設。令義解、職原抄。頭官長也。右屬頭一人。其之事。卽做唐大樂令制。唐書大樂署令三人。日本雅樂寮。亦置頭。頭官長也。右屬頭一人。其

下有後觀<sub>律郎</sub>等屬僚。唐書載樂人三百人。日本明治以前。亦置王朝伶人二百餘人。然其能由音聲而知君臣之和同。閭閻之安否。兵亂之將兆者。蓋無有焉。若就民間言之。則明治以前。惟有神樂一部而已。抑僕尙有欲詢於諸君者。唐宋之時。樂府之傳於日本者不尠。然其中存古樂之神意者。蓋十無一二。自明迄清。<sub>事蹟</sub>其間所用音樂。果屬何種。今日貴國朝野之間。尙存古樂風韻否乎。若古風無存。則通行者爲何樂。前年僕遊貴國。見有舉行婚禮者。方新婦出時。日亭午。數十百人環擁綵輿。鳴鑼作樂。迂回以行。後屢見之。大抵皆然。禮記云。婚禮不用樂。幽陰之義也。樂陽氣也。婚禮不賀。人之序也。又婚闈也。娶妻之禮。以昏爲期。取陽往陰來之義。蓋婚姻以行於夕間爲禮。今乃白晝鼓吹中途喧雜而行。果做何禮。祈一一指示。蓋古樂之廢久矣。貴國今日所行之樂。果爲漢唐之所遺乎。抑爲宋代之所傳乎。皆無能知之矣。來書所述音樂之教。無論日本歐美。均不能行。就今時言之。日本古樂。除祭祀戎事以外。用者蓋鮮。卽用之亦屬形而下者。至於形而上之古樂。則爲教育之大本。略通其理者。已不可得。況諳絃歌曲節者乎。且學生所應學者。多實用科目。不遑講習古樂。卽使習之。亦時日至短。不能玩索有得。蓋音樂雖非必要之科。然當今之時。使徒致意於形而上之古樂。恐未必能得要領。且不免失之迂。無甯研求他類學科。以應時變之爲愈也。



更就第二問胎教論之。胎教之說。見於列女傳。文王生而明聖。君子謂太任能胎教。此外諸書。未見有述及胎教之事者。來書云。周時有專書。蓋早亡矣。洵然。至其餘子女生後事。禮記內則。言之甚詳。茲姑不贅。來書又以王充論衡性有三品之說爲詢。夫性說尙矣。孔子曰。性相近也。孟子曰。性善而已。荀子曰。性惡也。楊子曰。性善惡混。韓子曰。性有三品。諸說紛紜。莫能窮究。然苟自己見解。明白透澈。似不必別此四種。而王充之言。將不解自決矣。蓋性雖有分別。然善者進而不怠。則終爲堯舜。惡者亦勉而不已。亦必不失爲善良。如來書云。人之生也。雖有惡質。而其天良不泯。心中有餘地。無物而渾然洞然。卽足以容至善。設其性雖善。怠慢則成惡。雖惡。自勗而不怠。則亦成善。然則性之善惡。屬於形而上之境者也。形而上之學。雖微妙精深。然終不如致力於形而下學。以造就真才之爲得也。云云。

關氏述畢。又草一意見書。以示各提學使。其條目如下。一如欲多得小學教師。惟有添設師範學堂之一法。譬如每省創立師範學堂五處。每學設額一千名。數年之後。每省卽可得畢業教師五千。若二十一行省。準此爲之。則可得教師十萬五千人。十年之後。自無乏才之虞矣。惟所需經費。至爲鉅大。歐美日本。始皆艱苦經營。乃能收今日之效。中國苟欲興辦新學。普開民智。正不能以此自阻耳。一中國文章。實爲世界最難之學。曩者吳君擊甫。遊歷

日本考察大中小各學頗有所感。其言曰。吾國非廢漢文。無以普及文明教育。蓋漢文過於艱深。人自幼而學之。非經數十寒暑。不能斐然可觀。而人已垂老無用矣。吾國不及東西洋之進步。實由於此云云。由是觀之。中國此後似宜以官話爲常用文。以期言文合一。凡普通學課本。悉用官話編述。學童習之。既易獲益。而國語統一之功。亦可於此收之。一古樂既不合用。不如代以新樂。以期教育之完全。當此五洲大通。智術相競之時。而猶欲以古樂變新樂。何異操弓矢以敵槍械。太古之文物。其無裨於今世。蓋瞭然如觀火矣。一胎教之理。其要在於女子教育。今日歐美各國。女子皆受教育。故其國民程度。日益高尚。然則欲圖國家之進步。蓋非鼓勵女學不可矣。一日本實行義務教育之初。竭蹶殊甚。幸當局者不避艱險。勉強以行之。始有今日之進步。蓋天下之事。有苦而後生樂。燦爛之文明。要皆辛苦之酬勞耳。

黃紹箕氏之答辭。樂與性之第二問題。不及第一問題之重要。惟以資參考而已。僕近日編纂中國教育史。敘述古時事跡。因偶論及此。非謂於今日教育上有實在效用。而欲見諸施行也。且古樂存者。僅十中之一二。欲復興之。良非易易。故鄙意謂不如襲用外國音樂。較爲便捷。前所陳述。不過中國古來沿革之迹耳。

關氏又述其經歷曰。日本頒布學則。在明治五年。與徵兵令同時頒發。其時僕官鳥取縣知事。先布學制。設小學校三十餘所。縣民見徵兵令中有血稅二字。大駭。會縣屬日野郡相見村。莠民暴動。聲言將襲擊鳥取縣署。二十里之內。凡小學校。戶長役場。村中吏員及土豪巨賈之家。皆遭焚掠。僕不得已。乞援於姬路鎮臺。今師團司令部派兵彈壓。及亂事敕定。復新設小學校若干所。時北條愛知三重福岡敦賀諸縣。亦有民訐。蓋皆以阻撓新學。抵抗徵兵也。其後諸縣務排擊俗論。銳意興學。民情始漸貼服。中國近情頗似日本。治明初年。當局者宜堅忍不撓。以立教育普及之基。慎毋惑於俗論而瞻顧不前也。

湯本氏之演說。僕爲本會委員之一。於諸君所提出之問題。曾加研究。今試略述所見。以論明哲。一。如目前興學。孔亟。教員不能敷用。莫如多設講習會。廣招生徒。就本國人士中。擇其熱心教育者。擔任講習。畢業後。卽以充教員之選。費輕而易舉。事半而功倍。誠救急之良策也。二。國語統一問題。於教育進步後行之。收效自易。日本始設學校。教員乏人。因在東京、名古屋、大阪、新潟、長崎、廣島等處。設官立師範學校。招考漢學有根柢者。入所講習。以六月或二年畢業。既畢業。派赴各郡縣。令充教員。又以此等畢業生之少。而猶不敷用也。於是復設講習會。招考稍有學問知識之人。以此等畢業生爲之教習。又派講習已畢業者。充

各小學教員。復由文部省編定簡易教科書。以課生徒。又就各郡縣設立師範學校。每年招生入學。已畢業後。亦派充各小學教員。以是。故人才輩出。有不能勝用者矣。諸君歸國以後。做而行之。收效必非淺鮮。至國語統一。須俟教育普及之理。例證甚多。今試述其一二。昔者德國當局。亦嘗慮國語龐雜。民心難固。而思有以統一之。畢士馬克因創高德意志德國之義語。以期徧行全國。迄於今日。愛爾薩斯羅廉二州名。西歷一千八百七十年得之於法國二州。亦皆用高德意志語。全國語言。遂以統一。而國民之意思。亦從此通暢無閼。又試徵之日本。往時東北部與西南部。語言大異。不能通用。至今交通日便。教化日普。各地學生之游學東京者。歸為教員。皆據東京語為模範。不論何地。無復情意不通之憾矣。故貴國苟欲收國語統一之效。亦不得不俟諸教育普及交通便捷之後。又來書有云。今日音樂一道。無論日本歐美。咸列學科。然亦不過高尚美術中之一科而已。固不如中國古來以此為教育之原素也。云云。以僕私見。音樂實為涵養德性之要道。非僅成其為一科學而已。頌君代之曲。係日本國歌。以而忠君頌天皇萬歲者而忠君愛國之忱。油然而生焉。是可知音樂者。不但足以發動高尚優美之性情。亦可以涵養道德之心者也。昔者日本民間。俗謠盛行。淫猥之聲。充溢閭里。至於今日。則所聞者惟鐵道唱歌電車唱歌戰役唱歌之類。雖非盡屬道德。而其能驅除惡俗。改良社會。夫固彰明較著。無待贅

述者矣。是故音樂一科不僅學校宜有之。其關係於社會實非淺鮮也。又來書所謂三性似與進化之論出於一揆。然三性中之所謂正。為進化論所無。其所論者。惟隨與遇二者而已。而正與隨。蓋視為一物者。夫人之性。本由遺傳。然亦未可概論。世之父母頑嚚。而生子賢明。父母聰慧。而其子不才者。蓋不少矣。此皆若祖若宗之種智。流遺未泯。有以致之耳。是故以瞽叟之父。而得虞舜之子。不足異也。若夫三性之論。得遺傳之說以疏剔之。自迎刃而解矣。遺傳之說。黃氏頗有心得。其所述故事一節。足資考證。因錄之如下。唐時有蕭穎士者。其系出自鄱陽王。嘗遠遊。一日渡江。有同舟者某。熟視穎士曰。君非鄱陽王之後裔乎。穎士不以為意。答曰。然。比舟傍岸。某以發掘墳墓故被逮。蓋某前發鄱陽王古墓。盜其瘞物。方發時。視王顏色如故。上代貴人之棺。雖用朱泥封之。故久而不腐。偶在舟中見穎士。以其骨相風格相肖。不覺出此言也。穎士聞而有所悟。其後著論。以為人之祖孫。非止容貌相肖。其性質亦相類云。

町田氏之演說。今就貴國文字問題。略述私見。敵國明治初年。南北言語不通。窒礙良多。幸有假名。可以表見音韻。用以作教科書。遂能收國語統一之效。漢字則無此利便。以愚所見。有一種音符文字。以代漢字。似較合用。否則國語統一之期。恐河清難俟也。蓋貴國言語。

以耳聞而口傳。輾轉多訛。在所不免。苟欲匡正。惟據音符文字。耳目併用。可免此弊。然僕意。非謂漢字宜廢。惟爲普及教育計。故文字不得不求簡易耳。貴國廈門人某。嘗發明音符。僕曾一見之。然猶未能脫略形象。似不適用。繼自今。苟能竭力攻究。益求完備。誠莫大之功也。云云。

伊澤修二氏之意見。

專就第二問題言

第一節。

今日所欲塵清聽者。凡分兩節。第一節則答諸

公所垂問。第二節則申明漢字統一會之趣旨也。請先言第一節。曩日。諸公在帝國教育會。曾發兩問。今就第二問論之。問曰。中國文字太深。語言不一。內地交通不便之處尙多。下流社會風氣仍多閉塞。致生阻礙。宜由何種方法。使之開通。云云。夫深之義。深微也。易繫辭曰。惟深也。能通天下之志。解釋文字。不外三種。字形、字義、字音是也。其第一種。則有說文解字、字林、玉篇、五經文字、九經字義、類篇、字彙、正字通、康熙字典、諸書。第二種。則有爾雅、史籀篇、倉頡篇、凡將篇、急就篇、訓纂篇、滂喜篇等。第三種。則有聲類、韻集、切韻、唐韻、廣韻、集韻、古今韻會、佩文韻府等。然類雖分爲三。實則三而一。一而三。有不能強爲分析者。且文字之起原。距今約五千年前。太昊伏羲氏易結繩以書契。是爲原始。易所謂伏羲氏之王天下也。仰則觀象於天。俯則觀法於地。觀鳥獸之文。與地之宜。近取諸身。遠取諸物。以通神明之德。以類

萬物之情可以證矣。其後時代變遷，賴聖賢之力得傳其統以至今日。此諸公所精通熟悉，不惟不待吾等之贅言。且爲吾等所當承教者也。況本會有吾國小學專門家高田忠周、大槻文彥及他老儒在。儻諸公與之縱論此事，必榮幸歡欣，以待諸公。雖然，吾知今日諸公所欲問者，必不在此。吾等所欲陳者，亦決不在此。今日立國於世界，所賴以與列強相競者，何在乎一在乎本國之道德、文學。一在乎富國強兵之策。前則古來聖賢之學也。後則理化、數學、博物、技藝，所謂新學之智識也。兵器、彈藥、軍艦、汽船、汽車、電信、電話、電燈，以及空中飛艇諸種。富國保國之器具，何一不賴乎此。今日貴國之急務，惟在以古來傳統之文學與今世應用之實學兩兩比較而定。其是擇其宜而用之而已。予又有不勝欽佩之一事。則去年貴國政府毅然停止科舉之事是已。貴國新文明之曙光，實發現於此時。何也。青年學生能以其費於古來文學之精力之一部，移以爲研究新學之用故也。既得此精力之餘裕，而不使利用之於最有效之地。智者所不爲。宜諸公之提出彼問題，卽欲以費於深微文學之精力之一部，補此實用的之短處。彼問題之解決，不外此點。蓋新學之智識，舍言語文章之力，別無他術。問曰：中國文字太深，語言不一。云云。今請爲一簡單之解答，則欲矯正語言不一之弊，唯在統一之而已。諸公非以此事爲易言難行乎。請分條陳其要領，可以知其決不然矣。

一統一語言。宜用何標準乎。第一、宜選簡賅明瞭者。第二、宜選威嚴足以服人者。第三、宜選國內多數人所通曉者。以此標準繩諸中國各方言。則北京官話爲最適之語言。可斷言矣。請先就第一證明之。中國語之難學。在四聲與發音。而四聲尤難。就各地方言音韻比較之。廣東則有上平、上上、上去、上入、中平、中上、中去、中入、下平、下上、下去、下入十二種。福州則有上平、上聲、上去、上入、下平、上聲、下去、下入八種。南京一帶及以南諸省。則有平上去入四種。北京一帶。則有上平、下平、上去、四種。以此觀之。北京語省去入聲。故學之非常省力。卽就發音言之。北京語亦最明了。較爲容易。予曾研究蘇州音。覺其不如北京語遠甚。唯北京語有卷舌音。稍覺其難。然通音韻學。亦自易了。是合於第一標準矣。但從來貴國語以無音字故。習學頗難。近年若王照諸氏。始有所作。惜未能完備。不揣冒昧。指駁數端。一喉音於母韻之外。另爲一種。今王氏日母韻爲喉音。一非也。二父音母韻。不能相混。今王氏父音中混入母韻。二非也。三母韻中尙有許多不全者。三非也。四切韻脚音通於北京音。而不能通用於各省。故傳之他處。而本音夫其真矣。四非也。茲就第四。舉數例焉。如取危之一。查而爲 oi 之發音。北京誠讀 *oi* 矣。然此字廣州讀 *ngai*。福州讀 *gou*。阿字雖多讀 *oi*。然廣州之客家則讀 *o*。爺字客家甯波皆讀 *ya*。開字廣州讀 *hoi*。客家讀 *ko*。福州讀 *mi*。温州甯波一



帶讀 ke。揚州讀 ka。豪字廣州讀 ho。客家讀 ha。福州讀 ho。温州讀 eo。甯波讀 oa 之類。是也。予曾製有一種音字。待休息時述之。以求教益。總之無論何種音字。將來取其最便利者。通行全國。則官話之習學。必異常容易。可斷言矣。更就第二標準言之。則北京為中央政府之所在。政令之所由發布。名公鉅卿之所聚集。而亦將來議院之所在也。是欲威信達於全國者。不能不用北京話。如法之巴黎語。英之倫敦語。皆為本國通行語。而巴黎語乃至用為外交語。通行歐洲各國。日本雖文化尙淺。而東京語亦為全國通用。以是例之。北京官話。且適於第二標準矣。東京舊為江戶城。然東京則與江戶語異。東京語乃維新時各處學者之集合而成。俾人聚集一所以然成一種語言。以此推之。北京官話亦必為各省官語從可知矣。又就第三標準言之。北京官話通行於江北諸省。及滿州全部。以及南清之官吏社會。將來議院既設。議場上發言若不一致。必啟爭端。是議場上必須用北京語矣。吾知他日制定議院法。必有非北京語。不得在議院發言一條。是北京語之用更廣矣。此適於第三標準也。二如何使之實行乎。官話於官吏社會。大抵既已實行。宜更設法推廣。議院中必用官話。前既言之矣。若夫中學以上之學校講義。亦以用官話為宜。師範學校。宜特設國語一科。使之學習官話音。且教以授小學生之方法。俟師範卒業生漸多。再於小學校設官話音韻科。且讀讀本之時。亦限定必用官話。教育之勢力。普及最速。明效大驗。可立待也。

就日本之經歷言之。維新之際。薩摩與奧州之語言。不相通也。黑田清隆之攻秋田城也。城降而語言不通。無從談判。後以一種薩摩與奧州之語言。今則東京之語。無處不通。行矣。沖繩縣自明治十八年。始勵行日本語。教授者絕少。偶或有之。則呼公學校。生徒通譯。其明效如此。今日中國。苟能實行。予說十年。小成二十年。必大成無疑矣。何難之有。

第二節 貴國之語言。不難統一。頃既言之。今請進而論

東亞同文三國漢字之統一。今日之時勢。東亞交通。日益頻繁。不謀語言統一之法。何以通三國之情。且舊有字典。於研究古來文學。雖無遺憾。其奈不適於當世之用何。此本會所以有漢字統一會之設也。予自幼即專攻漢學。當時敵邦學制。皆守貴國之軌範。自誦讀講解四書五經。以及左傳國語史記漢書。旁涉詩文。以是爲則。如予者。實履踐此學則者也。及遭政變後。翻然改志。而入西學之門。先學於國費。後遊於美國。入其師範學校。修高等師範科。旁考普通教育制度。又入其大學。學理化博物金石地質。且視察其學風。明治十二年歸國以後。爲高等師範校長者二次。又轉文部編輯局長。從事於編譯檢閱教育學藝之圖籍。後爲東京市會議員。又爲貴族院議員。以常議及法制經濟政治之問題。故得通民間社會之情狀。故當世所謂新文明之文字。時接於耳目。故於新學之文字。亦較常人爲多識。明治二十八年以後五年間。赴任臺灣。當創設學制之任。交其士大夫。諮詢應答。無一不藉漢字。以此知南清地方所用漢字中。敵邦人士所未曾用。或罕觀之文字。殆有數百焉。又不自揣。爲

貴國謀文化之發達。糾集同人。設立泰東同文局。編輯新學圖籍。以僕庸才。當斯大任。井蛙之誚。知不免矣。幸賴先輩之誘掖。友朋之責善。始得編成日清韓三國音韻字典一書。此書標準。大略如左。一漢字之三國共用者。約五千字。二行於甲國而不行於乙國者。約六七百字。三新字及俗字之日常須用者。三國皆有之。依右之標準。約須選定六千字。然其音韻。三國各有不同。不可不有所依據。於是更思得一法。貴國則以康熙字典官話音。敵邦則依玉篇。韓國則用奎章全韻。列記而比較之。其間音韻變化之理法存焉。足可見三國字音傳統之說之不誣。雖然。其字面全同。而字義互異者。亦頗不少。而敵邦所制定之各種科學名詞。與貴國古義。大相徑庭者甚多。慮非此小冊所能盡也。今擬以三年為期。添加短句細註。改編一大字典。以達本會之目的。此次之字典。不過先定其字數之多少。及編纂之標準條規而已。倘諸公贊成鄙志。共襄是舉。則幸甚。

前貴州學政朱奏請定全國學生為國家學派摺

竊臣維近年以來。國家以興學育才為急務。各直省皆已設立學堂。並咨送學生出洋游學。留學日本者至八千人之多。學界之興。可謂速矣。然近世學術多歧。士氣不靖。學堂諸生見異思遷。往往眩於新入之奇表。而忘夫本來之純粹。其始爭言平等自由。其後遂至於革

命排滿逆節悖理習爲固然其說浸浸恣肆大率以日本留學生中爲原動力而內地各省學堂亦多漸染雖有純謹之士亦祇自救不暇業經 朝廷嚴諭禁止不啻三令五申而學部所定新章於游學諸生尤再三致愼其於傲頑防弊之法不爲不至惟以臣所聞始基不愼習俗易移後來之人一入其中輒與俱化每見有斤斤自守之士其於家庭亦無違悖一至於東洋遊學數年遂習爲放言高論於其父兄妻子亦若泛泛相值與前日循循弟子之職業已判若兩人此可見風潮所趨當之者靡而獨立不懼之君子爲不易得也臣考日本明治維新之時醉心歐化之士多爲法蘭西之自由學派有所謂書生風者每陷入於無政府一流有識之士憂之以國家學說提倡遂一變而爲德意志之國家學派各學校始一軌於正按國家學說者創於德之伯倫知理與盧梭之民約論相反對者也今之日本上下一心忠君愛國出於至誠戰勝攻取士皆用命無非國家學說有以致之其事備詳於明治教育史中臣近觀世變遠察鄰封輒敢獻其一得之愚合無請 旨飭下學部明定宗旨勒爲章程令全國學生一律爲國家學派並由各省疆臣選派學生數名前赴德國游學學成歸國卽以所習學說傳播全省宗旨旣歸畫一卽學派不至紛歧竊意游學諸生鬻競之風各省學堂衝突之事從此當不禁自止需之歲月習與性成庶學生皆有愛國之忱而 國家亦

可收得人之效矣抑臣更有請者竊聞日本人有言中國尙無教育獨立之基礎臣謂欲定基礎首明宗旨察閱學部請定學堂宗旨一曰忠君二曰尊孔以此開宗明義實足以握倫理之要而立道德之綱臣竊於此二端有以申明其意孝經云資於事父以事君有子亦云爲人孝弟必不好犯上作亂語云求忠臣必於孝子之門是以先儒皆以孝爲小學堂之事朱子小學以修身明倫爲大綱而其題詞有云小學之方入孝出恭蓋以子弟必有父兄孝弟可以實驗由此一理推之則事君必忠事上必順近世家庭教育於此多有欠缺對於社會以上卽不能盡其義務此於倫理之學所當申明者一也中國之教以孔子爲宗古今莫之易也今之學者決無與孔孟直接之人則必由程朱陸王以間接矣程朱之學主敬窮理陸王之學明心見性程朱爲正宗而陸王則可以亟救時弊竊維科舉之弊昔人以爲祿利之路然陸九淵白鹿洞講義專指科舉之士切中隱微深錮之病朱子亦謂科舉不廢人才不出今之所以廢科舉而立學堂者以科舉之不勝其弊也然學堂諸生習師範則以得教習爲目的習專門則以得出身爲目的且科舉之士費出自私爲以本而就利學堂之生費出自官爲無本而獲利所以趨之若鶩者臣敢決其皆爲利來耳泰西學說頗趨於樂利一派以水濟水名日益多臣見其害未見其益夫以此等自私自利之人即使學貫中西而患

得患失之鄙夫何足以勝艱鉅之任此以知義利之辨學生不可不明此於修身之學所當申明者又一也臣之愚見擬請各學堂皆以朱子白鹿洞學規爲宗旨並取陸九淵喻義喻利章講義及王守仁劉宗周學案中辨析義利之精者指示於堂俾諸學生有以植根本而端志趣此後肄習各種科學至於專門名家皆約之身心而後施之事物臣聞日本之伊藤博文東鄉平八郎皆爲王守仁之學者將相之業蓋有由來天下未有無本之學亦未有無體之用未可目爲迂闊也恭閱學堂章程教育原理一科極爲重要如果臣言可採並請飭下學部妥議施行謹 奏奉 硃批學部知道欽此

### 各省教育彙誌

京師○學部以京外學堂備設學生品類不齊其違背學規者必須明定議罰專章以昭畫一因卽頒定罰章分爲三等一記過二禁假三革除記過六款一講堂課不動二於各處小有犯規事三於教育有失禮事四與同堂有交惡事五假出逾限六謾罵夫役人等不願行檢禁假五款一志氣昏惰講堂功課潦草塞責者二於犯規後不服教訓者三對於教員傲惰不遵訓誨者四謾罵同堂好勇鬪狠者五假出後在外滋事者革除四款一嬉玩功課藉端侮辱教員屢戒不悛者二性情驕縱行爲悖謬不堪教訓者三行事有傷學堂名譽者四犯禁假之罰數次不悛者○各省寺僧前曾聯名稟請總理學務處擬於北京設立中國佛教學務總公所各省設立佛教學務公所業經批准並咨行學部在案近聞學部核議以該僧等稟設佛教總公所意在興辦學務不分僧俗一律收納其經費由各寺捐助實屬可嘉惟現在所有官公

私立各種學堂在京師者經營學局管理在各省歸提學使司管理該僧等所設學堂自應一律辦理其佛教學務總公所名目應遵奏定教育章程改為僧立教育會所立學堂應定名為某寺公立某等學堂其有藉學堂經營別項事業或援引外國僧徒依託保護妨害國權者由督學局暨各省提學司查辦以杜弊端當經分咨各省及內務府札行僧錄司查照並傳知該僧等遵照矣○肅親王獨力捐資設一嘉憲學堂於內城煤炸胡同業已咨明學部開辦不論滿漢一律收考○西城私立第一小學堂附設法政講習所定額六十名學科分法學通論憲法行政法商法國際公法理財通論理財各論財政學等八門○自督學局在廣德樓設立宣講所後近又有鐵珊君聯合同志在西城設立宣講所一區已稟請警部立案○常君相臣創設醫學研究會以期改良醫術業經擬具章程呈請學部立案

直隸○順天中學堂附設兩等小學堂一區已稟准學部立案○天津淑範女學堂總理某君近又籌款設一淑慎女學堂課程分國文歷史算學家政等科又種植園總辦周緝之觀察以植物科學為講求實業之基礎特在園內附設農工小學校一所俟園工告竣即行舉辦又章君糾合同志在小站設立中東初等學社招集學生於講習國文外兼課日本語言文字已稟縣立案矣○密雲縣境近已設有官立小學四處私立小學十處開辦以來頗有成效尙擬籌款設立高等小學以廣造就業由縣令照章稟請提學使立案○樂亭尹君維嶽捐銀一千兩設立初等小學堂一所已稟准縣署立案

奉天○奉省鴨綠江岸富有森林惟林政不修美利坐棄農林人材又極缺乏近聞將軍趙次帥飭由省庫撥銀五萬圓設立農林大學堂於安東縣一切辦法悉仿日本農科大學已聘定日本林學士今川唯一為堂長考選青年子弟授以森林畜產及農業各科學術技能以為振興農林之預備云

山東(諸城吳君元瑞等前曾集股創辦紡織有限公司已將就緒近又議於公司內附設工餘義務半日學堂所需開

辦經費暫由創辦人籌墊俟公司開辦一年得有餘利撥銀若干作為常年經費專教公司所招藝徒兼收貧寒子弟作為附學生分速成簡易兩科速成一科兼教字母及粗淺筆算以能用字母寫信及日用乘除算術為畢業簡易科專為藝徒而設速成卒業即須授簡易課程以二年半為畢業已擬定章程呈縣轉詳商務局批准立案○泰安王君建屏馬君芝峯二人自籌款項在西關頭三官廟內隙地設立宣講所一區已稟請縣署立案○濰縣公立第一高等小學堂附設半夜學堂一所所以晚六點鐘至九點鐘為授課時刻課程祇有英文算術兩科學額暫定六十名教員均係擔任義務不支薪水

河南○汴省風氣甫開測算之學素少講求近因遵奉練兵處咨行勘繪全省地圖需材甚亟汴撫張安帥特飭司道會商辦法於新建陸軍學堂內餘屋設立測繪學堂招生六十人分班肄習限二年卒業○各省人之僑居汴垣者如江蘇安徽兩湖八旗奉直山東等省均已設立旅學惟浙人尙未籌款設學近經開封石太守祥符徐大令邀集同鄉公議於會館內設立浙江兩等小學堂學額四十名課程一遵定章辦理○浙川應錢小修司馬近與邑紳商准設立官話字母半日學堂並官話字母女學堂均仿北洋辦法○商水王紳鎮寰近將宅基一處業地三段捐入府城中學堂以充常年經費計值價銀一萬二千零六十餘兩當由該學堂稟請汴撫奏將該紳由直隸候補縣丞獎給知縣仍留原省遇缺儘先補用以示鼓勵業已奉 旨允准

江蘇○蘇省陸軍速成學堂近已開辦所訂課程極為完備計分學術兩科其學目凡十有七曰修身曰國文曰歷史曰地理曰算學曰繪圖曰地形曰戰術曰兵器曰軍制曰築城曰各兵科操典曰各兵科教範曰交通曰應用戰術曰馬學曰軍人衛生術科之目凡十有六曰場操曰器械體操曰操刀曰刺槍曰擊劍曰打靶曰馬術曰野外演習曰野外勤務曰野外工作曰戰鬪演習曰射擊演習曰戰術實施曰野外測圖曰露營演習曰聯合演習○蘇州法政學堂以現在預



備立憲必須法政思想普及國民然後方無扞格之患爰稟准蘇撫於本學堂內附設法政講習所專收在省官紳肄習設額一百二十名每星期開講三次以四箇月爲一學期滿兩學期即給修業文憑以示鼓勵又撫署各房稿生公同議實在都城隍廟內設立法政講習所選擇撫藩臬府各署稿生入所肄習額定五十名以八箇月畢業業經稟奉蘇撫批准又臬署書吏公議設立柏臺初等小學堂於朱家園糾察司廟所有章程辦法均係仿照藩署書吏公立小學堂已稟奉朱金田廉訪批准立案又伶人陳世忠仇炳章等發起擬仿上海伶界公立榛苓學堂辦法在蘇創辦青莪兩等學堂已會演新戲多次即將所得戲資作爲學堂經費○松江楊紳錫章家僮中人賃而赴義若渴近因郡城開明女學校經費不敷特售去田產一百六十畝得洋四千五百元儘數購到蘇省路票一千股以利息撥作該校常年經費票存校中聲明楊氏子孫不得自私云云嗚呼可以風矣○上海科學儀器館附設理科傳習所業已畢業五次近該館復在奉天設立分店仍附設講習所更擬推行各省以冀理科實學日漸興盛當由該館經理虞君輝祖稟請學部立案已蒙批准嘉獎○鹽城陶君鴻慶等公議籌撥學款設一簡字學堂以教授貧寒子弟半日肄業半日營生庶愚賤盡能識字鄉曲胥解官音又於初等小學堂添設簡字一科以爲將來推廣地步○淮安敬恭學堂係晉臬丁廉訪寶銓於乙巳夏間獨力創辦原設高等初等兩級嗣因科舉停止來學者日益衆多程度既高不能盡入小學爰於今春添設中學豫科一級以廣裁成辦理以來頗著成效近已稟請學務處將該堂作爲中學兼小學定名敬恭中學兼兩等小學堂以符名實聞已批准照辦○清河王君宜甫等發起擬照學部新訂章程設立清河勸學所以便改良學務畫定學區已開大會籌定辦法稟請當道立案○泰州東姜堰鎮曹君煥春等籌辦半日學堂一所額設四十名不收學費課程分修身國文歷史地理音樂圖畫算術體操八門

安徽○阜陽李紳宗棠商准族衆將本祠義倉積穀按年變價開辦族學名曰千倉兩等小學堂已將章程辦法稟由縣

教育

各省教育彙誌

三百七十一

丙午

令詳省立案

江西○贛省學務處近於省垣城廂內外分設初等小學堂八區一在城內天后宮北區一在狀元府南區一在關帝廟西區一在劉將軍廟一在城外滕王閣西區一在趙公廟東區一在膠皮巷南區一在婁妃墓北區均已開學不取學費○南昌曾君杰商准族衆以合族宗聖詞試館改設私立兩等小學堂以培植族中子弟業已稟准縣署立案○廣信府屬河口鎮地方極盛民居頗衆庶近經職商程君廷佐等發起創設中學堂高等小學堂各一所業已稟明學務處立案○興國縣舊有懷德書院一所近經該縣會商紳董按照省城經訓等書院改爲師範傳習所章程卽以該書院改爲興國縣師範傳習所以求實效

浙江○杭州春紗同業近於艮山門外公立初等小學堂一所所需經費悉由同業捐助○餘杭教育會自於春間開辦後頗有成效近又設立勸學所以謀教育普及○於潛勸學所總董方君商准各董於所內附設體育講習所半日學堂各一所以期廣開風氣普及教育○嘉興北門外石條街一帶素未設立學堂自許君惠棠等公立賓鴻學堂後旋有陳君元藻稟准府縣裁革船埠陋規設立嘉惠兩等學堂額設四十名不收學費○秀水勸學所近已畫定學區其暫行規例大略如下 一照章以本治城關附近爲中區 一由中區推及鎮鄉按照東西鄉區域酌分二十二區在運河東爲東鄉第幾學區在運河西爲西鄉第幾學區 一東西鄉學區以距離中區遠近酌分次序如東鄉學區若干處西鄉學區若干處 一各學區界線各由本區學員就近酌定繪圖送由勸學所核奪○嘉屬王店鎮素未設立學堂近由該鎮紳董籌款開辦兩等小學已舉定徐君兩村爲總教又新芳希聖橋地方極爲僻陋近亦由陸君惠中創設耕餘補習社業已成立○嘉善唐君際虞等稟准縣署提撥登瀛會及對山亭文社所遺田產餘息就城內義學廳量加修葺改設孟晉初高等小學堂額設四十名且於寒峻子弟暫時不收學費膳資○海鹽張菊生部郎因事回里以本城學堂警察

腐敗已極面請縣令卽行停辦一面與徐紳用福商妥籌辦勸學所廣設初等小學派生出洋學習師範以立普及教育之基○湖屬南潯學界同人公議設立普及教育會先就南潯鎮興辦以次推及四鄉務使人人能讀書明理咸知善舉愛國云○鄞縣南門外長春橋陳姓籌集款項創設澄懷小學堂一所已稟准甬道立案又鄞屬姜山地方近有陳君應章等籌設謹慎兩等小學堂暫定學額四十名本房子姪不取學費其餘無論同族外姓酌量收費以資津貼○慈谿陳君之祺前曾捐資於瓦窰灣地方創辦龍東小學堂頗著成效近因經費缺乏恐難持久特與各窰戶商准將磚瓦兩項每洋加捐三分充該學堂常年經費並將該堂改爲窰戶公立以昭核實○象山民婦張吳氏前因族人張某借款不償控縣請追當由縣令諭令張某速繳洋七百二十元完案茲聞張吳氏以縣學堂經費支絀願以五百元捐助學費稟由該縣批准嘉獎並詳請上臺賞給母教多士匾額一方以昭激勸○蕭山屠君佩環等議設地方公學會並附設蒙學師範研究所聯名稟請學務處立案該處以學部定章各縣應設教育會及勸學所各一處今該縣勸學所已由胡令會紳籌辦毋庸另設致紛事權特批令將原有公學會基址併入勸學所以符定制而宏局面並將蒙學師範研究所改爲小學師範講習所仍飭認真舉辦以收實效○新昌東鄉近已風氣大開地頭村地方已設有高等小學一所溪西村地方設有蒙小學校一所女學校一所黃壇村地方亦設有蒙小學校一所均係規模完備蔚然可觀茲聞又有胡卜村周紳錫蕃等稟准縣署將該村廢菴一所改辦求是蒙學業已成立○嵗縣人裘君糾集同志設立簡字學堂一所已稟由紹府批准開辦○臨海金項二君稟准北岸杜濱場丁大使抽收布業藥材南貨各捐就杜下橋鎮原有之旦華蒙學堂改辦高等小學堂一所並議隨地籌款分設蒙學堂十所以期教育普及

福建○閩省鼇峯正誼致用鳳池四書院前經署督李勉帥奏明改設全閩校士館爲舉貢生監等肄業之所惟教授既無專師考校僅憑文字與從前書院規模無甚區別近經兼署閩督崇佑帥札飭提學司將全閩校士館裁撤改建全閩

教 育

各省教育彙誌

三百七十三

丙午

法政學堂並將舊有之課吏館歸併辦理以崇實學而節虛糜○福州宮巷兩等小學堂近附設半夜學堂一所又有林李兩紳在善化坊設一白日學校開辦以來頗著成效茲聞又有鄭紳俊英捐洋一千元設立白日學校十所專收貧家子弟及各舖戶藝徒課以淺近文字算學兼課兵式體操以期教育普及

湖南○前護湘撫龐渠帥以新政繁興交涉困難非養成法政人才不足以資應付矧立憲豫備肇基自治在省人員固須於各科專門講求有素地方士紳尤宜於各國政學研究日精始克以宏治理而獲襄助爰於仕學館內添設法政速成一科學額四十名專選職官自候補道府以至佐雜入科肄業課程分主助二科以中國現行律例綱要民法刑法行政法裁判所編制法監獄學警察學民刑事訴訟法國際公法私法等科為主課以各國路律礦律學制徵兵法暨本省地理大概五科為助課以半年為一學期滿三學期即為畢業

陝西○陝省武備學堂自戊戌開辦以來業已畢業兩次近經陝撫曹竹帥奏將該學堂改辦陸軍小學堂以符定制○陝省巡警雖已開辦而所有兵丁員弁均未受過警察教育以致徒具形式實效毫無近經曹竹帥飭於撫標中營衛道及附近支應局舊有房屋略加修葺開辦巡警學堂考取候補正佐二十員學生一百名入堂肄業課程分警察法律兵式體操三門

四川○川省仕學館開辦已及半年近奉部章改為法政學堂考取正佐各三十員入堂肄業以兩年為畢業○富順縣自流井王氏樹人學堂開辦以來頗有成效近又派員東渡考察學務並聘請日本教育名家男女四人及留學卒業生五人來川主持教務即將舊立學堂擴充改為中學堂附以男女師範部留學豫備科體育專修科英語專修科等所有章程辦法皆係參仿日本云

廣東○南海縣屬蓬洲滄智學堂校長陳君龍慶以學堂既擬廣開師資亟宜造就特就該堂附設師範傳習所以宏陶鑄而廣教育已稟准提學司開辦○潮陽馬君榮飛等近於和平里設一溥智家族初等小學堂開學以來頗有進步業已稟縣立案矣○嘉應張公善觀察獨力捐資於松口溪南合鄉設立廣育夜課學堂一所假舊有漢帝宮為校舍  
廣西○鎮安府屬為極邊煙瘴之區風氣極為痼蔽近聞該府已創設學務公所附以速成師範傳習所俟師範生畢業後再設兩等小學堂暨各土司蒙學

# 實業

振興糖業議 節錄丙午第十五期商務官報

廖世綸稿

蔗糖一物。爲日用銷費品之大宗。亦爲中國數百年來固有之工業。昔者日本所需之糖。強半仰給中國。自十九世紀下半期以後。歐西各國工業發達。莫不利用機器。製品捷而成本廉。南洋各島以及歐美諸國。糖廠林立。保護多方。日本又於臺灣極力經營。產糖之富。正未可量。東西各國。挾其製品。以與中國固守舊法。不知改良之工業相競。宜斯業之日衰也。試取近年海關進出口價值作表以證之。

光緒二十六年至三十一年外國糖進口價值表

	二十六年	二十七年	二十八年	二十九年	三十年	三十一年
赤糖	二、三九〇、六七一 <small>兩</small>	四、〇二五、四九二	八、八七三、二〇五	四、七七七、九九五	五、四九八、五二〇	七、三六三、〇五三
白糖	一、〇二二、五三五	二、五〇九、九九一	三、七七三、八三〇	三、五九六、二四四	四、五五六、三〇七	五、四三二、五四八
車白糖	二、六七七、三七一	六、四三三、九九七	七、三二八、四五	六、二八五、五四六	六、八三六、七三三	八、二八三、四〇二

光緒二十六年至三十一年內國糖出口價值表

冰糖	三三三二六	四八七七五	九四二六六	一二九二二六	一三二七九二	一五七六一八九
----	-------	-------	-------	--------	--------	---------

	二十六年	二十七年	二十八年	二十九年	三十年	三十一年
赤糖	二四二八五 <small>兩</small>	二五七六〇〇〇	一九八七二七九	八八三〇三七	一二二六〇八	一九〇七五〇三
白糖	五五二四五九	四三二二四六	三二二七六〇	一〇二四五二	三三六七八	二八四二二四
冰糖	二〇六七四	六九六四	四四三四	三四九九	五八四三	二八六四

就進口價值表分類觀之。赤糖一項。二十六年進口價值。二百三十九萬餘。至二十八年。忽增至八百八十餘萬。自後二十九年及三十年三十一年。減而復增。較之二十六年。無慮三倍。白糖則有增無減。自一百二萬餘。漸增至五百四十餘萬。車白糖則自二百六十七萬餘。增至八百二十餘萬。冰糖則逐年遞增至一百五十餘萬。而出口價值表中。除車白糖非中國所產外。餘如赤糖白糖冰糖。亦莫不連年遞減。雖赤糖一項。三十一年略增。然猶遜於二十六年之數。以最近三十一年各糖進出口價值合計之。進口二千二百六十二萬二千九

十二兩。而出口僅二百十九萬四千四百八十兩。出入相抵實差二千四十二萬七千六百十二兩。不謀抵制漏卮。伊於胡底乎。夫中國固不乏產糖之區也。若閩廣四川以及鄰近各省。皆自昔產糖。特以不事講求。日就敗壞。寒冷如直隸東三省。亦宜於種西洋蘿蔔。可爲製糖原料。歐西各國。強半用之。居嘗以爲振興糖業。須統籌全局。因地制宜。苟上有提倡獎勵保護之方。則下必有改良振興發達之望。因就製糖一業。草議辦法八則如左。

一設種蔗試驗場。研究製糖。首宜選擇蔗種。蔗種不佳。則糖分稀少。而色澤不良。於製品大有關係。查臺灣蔗種。有竹蔗紅蔗蠟蔗之別。竹蔗汁易淨而糖分不多。紅蔗富於糖分。而易受風蟲之害。蠟蔗糖汁較多。而淨之不易。近又試種巴瓦種。成績良佳。此蔗高丈餘。莖圍五尺許。耐風而富糖分。更閱五六年。將全島皆此種矣。中國產蔗之區。以閩廣四川爲首。此外各省。所在有之。然氣候既殊。土質亦異。蔗種不一。良否莫辨。宜就向來產蔗之區。設立試驗場。集本國蔗種及外國種之富有糖分者。試種之。以研究其種類。若何。糖汁成分。若何。互相比較。擇其成績佳者。布之民間。以改良蔗種。爲振興糖業之基礎。

一設製糖講習所。世界日新。科學競進。中國積習。每以工爲賤業。故爲工者皆椎魯無智。以之任事。損失滋多。今宜就產糖區域。設製糖講習所。收年在十六以上。二十五歲以下。有

高等小學卒業程度者。及家營糖業而文理溝通者。入所肄習。所中教課分製糖機器二科。製糖科由普通而進於栽蔗及製造砂糖各法。機器科則由普通而進於機器製糖及修理使用各法。二年或三年畢業。予以文憑。其優等者。則薦至各糖廠。使從事糖業。庶不至用非其人。而人材無虞缺乏矣。

一設製糖試驗場。新法製糖利用機器。民智未開。觀望必多。苟非實地試驗。使民知其利。則於振興糖業。動多障礙。試證諸臺灣。當日人未設橋仔頭製糖會社時。臺人初未知有新式製糖廠也。間有知者。亦以機器價昂易壞爲言。及日人糖廠成立。獲利頗豐。於是新式糖廠接踵起矣。蓋利之所在。人爭趨之。特以提倡無術。斯其機望塞耳。宜就交通便利之產糖地方。設製糖試驗場。規模不妨狹小。而機器務求完備。凡有志糖業者。任其觀覽。並詳爲說明。俾開民智。又取試驗場之蔗。實地製造。考其成績。作書報告。俾可悉心研究。藉知得失。更令講習所生徒。實地練習。庶免徒學而不適於用。亦造就人材之一助也。

一改良舊式糖廠。榨取糖汁。首重壓榨。壓榨法劣。則糖分之遺棄者多。中國舊法。用石轆軸二三具。直立作品字形。牽以牛馬。壓取蔗汁。然每糖汁百分。僅得五六十分之糖。西洋壓榨機。則以引擎爲原動力。轆軸以鐵製。用三具橫立之。作品字形。此謂一重壓榨機。更有二



重三重者。近日最新之壓榨機。則用四重。可得糖汁百分之八十五六。然此非有大資本者。不辦。若欲就舊式改良之。惟有舍牛馬而用十五至二十匹馬力之小壓機。則運轉捷而取汁較多。不若牛馬之需人飼養。時防疫病。此外清淨各法。與製品色澤。均有關係。亦宜設法改良。在執業者善自爲之。非可以一言盡也。

一保護提倡新式製糖廠。新式製糖廠未易設立之故。厥有兩端。一曰原料之採集。大抵糖廠每日出糖一萬五六千斤以上者。約需原料十八九萬斤。此十八九萬斤原料。須採諸附近各地。否則路途遙遠。難應急需。運費又昂。更虧資本。有此阻礙。則新式製糖廠即難成立。宜量廠之大小。凡附近各地。定爲原料採集之區。區中舊式製糖廠。悉招之入股。則原料易集而無虞缺乏矣。一曰原料之搬運。糖廠之規模狹隘者。所需原料。猶可藉人工牛馬以搬運。若日需二十萬斤以上之廠。全恃搬運靈捷。否則費事失時。所損必鉅。宜准其於所定區域中。敷設輕便鐵道。有毀壞者。准報官究治。如此。則原料可源源接濟。而無搬運之苦矣。以上二者。爲糖廠成立之要端。維持之責。是在國家。其他提倡之法。或官撥補助金。或暫免出廠稅。在臨時相機爲之。非可預決者也。

一在上海招股設立精製糖廠。近年中國所用之洋白糖。大半來自香港。其廠資本頗鉅。

用作原料之粗製糖。弱半取諸廣東。強半仰給於南洋各島。精製後。行銷中國各地。近數年來。日本精製糖。亦充塞中國市場。以與香港車白糖競。查日本精製糖廠有三。一在東京。資本約二百萬。一在大阪。資本約一百五十萬。一在大里。資本亦六十萬以上。三廠所用粗製糖。亦皆取諸南洋各島。今春有三廠厚集資本。合同營業。以輸入中國各地之議。此事若成。勢力更厚。尤為香港糖之勁敵。外人相逼而來。協以謀我。而我猶不籌抵制之法。是何故歟。人皆取爪哇等處之粗製糖。精製之以售於我。獲利而歸。我獨不可取粗製糖。而自為精製。乎。宜在上海設一極大精製糖廠。以圖抵制。其所以必設於上海者。厥故有五。車白糖之原料。為粗製糖。中國所產。不足供給。須求之南洋各島。上海為中國通商巨埠。據南北洋之心。外洋各貨。必先至上海。然後分運各處。若設於他埠。運費既貴。成本加重。本重則製品隨之而昂。斷難取勝。設廠上海。則製成之品。可南至閩粵。北達山東直隸東三省。且地居長江之口。更可運至沿江各省。上迄漢口宜昌。其利一。精製糖廠。用水既多。且須清潔。上海地臨黃浦。取水既便。且有自來水。可以隨意使用。製成之糖。不患色澤不佳。其利二。精製糖廠。須用骨炭。上海為繁盛之地。自不乏牛馬骨。更便於在沿江各省收買。運至上海。費不至大。其利三。上海金融機關完備。銀行錢莊林立。運用莊款。不虞掣肘。信息靈通。匯劃亦便。其利四。

需用煤斤。雖不產諸上海。然交通便利。各地運來。購買亦便。其利五。有此五利。舍上海莫屬。日人亦有論及之者。時不可失。宜早爲計。應由商部。札行上海道及上海商會。先勸滬上各糖行。招集股分。合創精製糖公司。官爲保護。抵制車白糖。在此一舉已。

一試製蘆粟糖。蘆粟產於太倉州各屬。而以崇明爲最。糖分遜於甘蔗。約合百分之三十三。四。西人嘗移植歐美。用以製糖。中國有知之者。而未嘗試造。誠以創一工業。盈虧莫卜。誰願以黃金擲虛牝。此非藉國家提倡之力。斷難集事。宜在出產之區。略備器具。試製砂糖。徐圖推廣。卽或無效。所失亦僅耳。蘆粟成熟後。卽須刈割。不能久置田間。太屬所產者。向未用以製糖。苟能化無用爲有用。則造福地方。豈淺鮮哉。

一於農事試驗場試種西洋蘿蔔。一千七百四十七年。德人麥兒可辣夫。發明蘿蔔製糖法。時歐洲各國。尙等閒視之。自法皇拿破崙極力獎勵。遂以勃興。德國豔之。改良稅法。一意保護。風被各國。蘿蔔製糖業。乃徧歐洲。近二十年來。生產力益膨脹。占世界砂糖產額十分之六有奇。政府又獎勵輸出。勢力益以東漸。其製品遂與熱地所產之蔗糖相角逐。按西洋蘿蔔。宜植冷地。性與甘蔗相反。種類頗多。約可別爲三種。一爲苦拉因。棚滋蕾白那。德奧匈國多種之。糖分約百分之十三。乃至十七。一爲威兒木林。法比兩國多種之。糖分約百分之

十五乃至十八。一爲芒孤兒德。係威兒木林變種。糖分亦與相等。惟成熟較早。然植物往往遷地則變。宜由出使歐美各大臣博採種子。詳著名目種法。寄歸中國。就京師直隸東三省山東之農事試驗場。一一試種。擇其糖分多者。佈之民間。廣爲勸導。尤宜注意東三省。以防日本糖之輸入。以上但就蘚葡糖之原料論之。蓋原料爲製糖之基礎。基礎立而後可言製造也。

### 世界茶之生產及消用考

茶爲長青之樹。屬植物 *Ternstr. omiaceae* 科。此科中包含裝飾類之椿。茶之爲物。與之相近。故學者列茶於其類。茶之植於中國。至少已有一千年。歐洲則約在一千六百八十五年。時始以茶與加非可克同爲飲料焉。

植物之久經種植者。頗難細別其種。茶亦猶是。林南氏 *Winné* 初以爲茶祇一種。名之曰 *Tea Sinensis*。復又分之爲兩種。一曰 *Tea Bohea*。一曰 *Tea Viridis*。其時僉以爲第一種爲紅茶之所自製。第二種爲綠茶之所自製。至一千八百四十三年。路賓福卿 *Robert Fortune* 考知中國茶樹。雖有兩種之不同。而皆可製紅綠茶。

中國茶樹。高自三英尺至五英尺。本叢枝繁。其葉更番生。謝大而橢圓。作鈍角之鋸齒形。脈

絡、繁、布、葉、之、莖、短、而、凹、其、莖、小、而、光、滑、莖、片、有、五、作、鈍、形、其、花、白、而、微、香、花、瓣、Farfano、白、  
五、至、九、

第二種樹。較第一種壯實。而有較大較美之綠葉。阿首姆 Bengal 之 印度 地。有一種土茶。植物學  
者疑為茶之母種。然與中國茶樹乃大異。其身高自十五英尺至二十英尺。生於灌木叢陰  
之地。葉光厚。柔軟而長尖。然其大小形式紋理變幻殊多。葉上有透光之細胞。中藏精油。蓋  
即茶之要質也。中國茶葉之長。無過四英寸者。而此則長至九英寸以上。

種茶之地。自北緯三十九度。經熱帶以至南緯三十度。其幅員較加非可克等之植地為寬。  
教授希伯得 Prof. Shepard 嘗在南加魯里奈 美國南方 試驗。知茶能生殖於美國南方各  
省。惟能否與中日所產之茶相競。則尚在不可知之數耳。蓋土宜雖無不合。而人工缺乏。為  
之者寡。欲興茶業。正非易易也。

茶宜於熱溼及不甚變換之天時。雨量須極多。由此而言。非律賓有數境之雨量。與賓格而  
Bengal 之 印度 地相若。但使其地土人能動敏從事。則茶業有可興之望也。

當一千八百二十八年。荷蘭人始設茶園於爪哇 Java 島 馬來 地。至一千八百三十六年。茶之  
種植。始興於阿首姆。 上文已言此為一種土茶生殖之地 逐漸推廣。及今而印度產茶之地殆徧矣。

錫蘭茶業。至一千八百七十六年。始有進步。其時加非不稔。乃改而種茶。自是厥後。茶遂居錫蘭實業之首。

中國產茶最富。輸出亦多。國內每年消用二十萬萬磅。其餘各國。合計不過五萬萬磅耳。中國地方。除極北外。皆產茶。其輸出者。皆自東南各省來。廣東福建江西浙江蘇安徽是也。各省植製之法。亦各不同。至精極細之品。未見輸出。其輸出者。分三大種。曰紅茶綠茶及茶磚。

現充商品之茶。其名皆源自中國。茲按其精粗之次序列如下。而以精者居先。紅茶類

花白毫 橘白毫 白毫 白毫奇槍 奇槍 耕夫 武彘 綠茶類 雨前 其他若烏龍是。

茶磚為碎葉葉莖所製成。壓之為塊。大小不一。俄商在鄂設廠。製備二色茶磚。輸出居廣關行銷中亞各地方。

據歐人所研究。中國所用之法。多非必要者。現印度所種茶。分三大種。一土種。二中國種。三為上兩種之攪種。最好之紅茶。係取自土種及高等攪種之樹。但此等樹體較弱。須得潮濕之天氣。土種之樹。產多而柔弱。惟中國茶樹。獨以壯健稱云。

年成最好之時。在採茶時節之九箇月中。茶樹能發新芽。自二十次至二十五次。每年各樹產葉。多寡不等。大約五樹之葉。能製成乾葉一磅。每一愛格爾 *Acres* 地。可植茶樹一千五百株至二千株。是每愛格爾每年能出三百磅至三百五十磅之製成茶葉。

其採茶也。採摘最低之葉時。務以不傷枝間之蕊爲要義。一苞中之最嫩六葉。成爲六等之茶。茲依精粗次序列下。曰花白毫。曰橘白毫。曰白毫。曰白毫奇槍。曰奇槍。曰耕夫。其較老之葉。可列之爲武彘。然此質不見稱於印度。茶葉採製之時。並不分類。統俟製成後。用機器分出。

新葉由園登廠後。平鋪方籠上晾之。或厚或薄。視天氣以爲定。如陰雨時。則須用發乾熱之機器。俟葉變爲柔軟。互黏成團之時。乃以手工於桌上來去揉捲之。令其出汁。中國之製茶也。盡出其汁。印度則仍令汁吸回於葉團中。揉捲以後。作葉爲球。聽其蒸發。如製綠茶。則毋庸此節。蒸發時。須留心定候。見其顏色變足之時。若遇天氣晴明。則薄鋪而曬於日中。約一小時頃。隨即烘焙。或以煤炭。或以發乾熱之機器。既成之後。乃以機器分其葉之大小而成商品。

現時印度製茶。多以機器代手工。除摘葉外。製茶已變爲工廠之業矣。該處銷用種茶及製

茶機器。其數日增。美國所造者。覺甚可用云。

印度所製綠茶甚少。美國所銷綠茶。大半由日本輸入。

美國曾有於其所領島嶼。種植茶葉之議。今已作罷。前在鼻姆 Quebec 太平洋中之一島 試

植。亦無效。惟非律賓羣島。將來尙須試驗。以定取舍。論者咸謂。其故由於茶樹生長過於高

茂。然茶收穫之佳。全恃生長茂盛。則所謂因生長高茂而無效。似非確論。或土人於植茶之

藝有未習乎。假令其時用機器種植。如英屬印度然。其成效當有可觀者。至夏威夷島所植

之茶。似已滿人意。惟以工人缺乏。致推廣試驗之事爲所限耳。以礮理珂 Porto Rico 西印度

屬美之一 言之。據教授珂客 Prof. Cook 言。茶之種植。在加味卡 Jamaica 西印度 礮理珂 Porto Rico 西印度

已有功效。則於礮理珂山上植之。當無異果也。

自一千八百九十八年至一千九百零四年。歐美諸國每人消用茶數。其表如下。

年	分	英 國	俄 國	德 國	荷 蘭	法 國	美 國
一千八百九十八年		五、六	〇、八四	〇、二	一、三九	〇、〇五	〇、九三
一千八百九十九年		五、六	八、〇	二	一、三九	〇、〇五	九、六

表 中 爲 磅



一千九百年	六二〇	九五	三	一四九	〇六	一〇九
一千九百零一年	六二六	九三	三	一五一	〇五	一二四
一千九百零二年	六〇六	九六	三	一五〇	〇六	九四
一千九百零三年	六〇三	九五	三	一四五	〇五	一三〇
一千九百零四年	六〇〇		三	一五九		一三四

由上表觀之。英倫銷茶之數。每人過於六磅。十六年前。該國每人用茶之數。已近五磅。在歐洲各國中。每人消茶之多。無有及此者。除荷蘭外。其餘歐洲各國。每人消茶。未嘗過一磅也。俄美為銷茶次多之國。勻計每人由一磅至一磅零三分一。法國銷茶總數。為二百五十萬磅。則每人占數。不過百分磅之六。德國銷茶總數。不滿七百萬磅。則每人占數。不過百分磅之十二。至英屬各地。如坎拿大、澳大利亞、新基蘭之銷茶總數。雖不及其祖國遠甚。而每人銷茶之數則甚大。其表如下。

澳 大 利 亞 新 坎

實 業

世界茶之生產及消費考

二百十七

丙午

年 分	新南威而士	維利	南澳大利亞	西澳大利亞	坤司蘭	邊斯馬尼亞	全澳大利亞	基蘭	拿大
一千八百九十八年	七、二四	六、九〇	八、三七	九、四五	六、九二	六、〇八	七、二二	六、四二	三、八〇
一千八百九十九年	八、二四	六、九四	八、九一	九、三七	六、八〇	六、三二	七、六三	六、四〇	四、七二
一千九百年	八、〇一	七、三八	八、八七	一〇、〇七	七、〇九	六、六二	七、八一	六、七六	四、六四
一千九百零一年	八、七二		九、八〇		六、一七			六、九九	四、二九
一千九百零二年								六、二九	三、五八
一千九百零三年							六、九〇	六、二九	四、三三
一千九百零四年							六、九三		五、六〇

由上表觀之。則每人銷茶之數。澳大利亞。遠過於坎拿大。而以西澳大利亞為最鉅。英國用茶之數最大。即舉他之歐洲各國及美國而統計之。亦不及焉。自一千八百八十四年至一千九百年間。其銷數由一萬七千五百萬磅。增至二萬五千六百萬磅。蓋增百分之

四十六。

今且察其茶之來源。則來自印度及錫蘭者居多。中國茶則逐年遞減。一千九百零四年所銷中國茶不及二十年前五分之一。以英國近年每人銷茶六磅而言。此六磅茶中三分之一為中國茶。其餘則印度錫蘭茶也。

俄國銷茶現仍以華茶為主。至荷蘭所銷之茶則大半自爪哇輸入。餘皆由英轉輸。其輸轉品半為華茶。其在美國銷用之茶則華茶不及其半。而來自日本者居五分之一。

澳大利亞所銷之茶輸自印度錫蘭者居三分之二。其餘輸自中國或香港以至新基蘭。則茶之由中國直輸入者至微極少。僅有若干。由澳大利亞轉往者或為中國之產耳。坎拿大則日本茶居五之一。其餘大半為印錫茶。或直輸入。或由英國轉往。現時該地所銷中國茶不過於其銷茶總數內占百分之七而已。

茶之出產。惟中國無詳實統計可稽。茲列印度錫蘭爪哇日本四處之出產表如下。

年 分	印 度	錫 蘭	日 本	爪 哇
一千八百九十八年	一五七,四七五,〇〇〇 <small>磅</small>	一一九,七六九,〇〇〇	六九,九一四,〇〇〇	一〇,四六五,〇〇〇

實 業

世界茶之生產及消用考

二百十九

丙午

一千八百九十九年	一八二,七九七,〇〇〇	一二九,八九四,〇〇〇	六三,四六四,〇〇〇	一一,九九七,〇〇〇
一千九百年	一九七,四六一,〇〇〇	一四八,四三二,〇〇〇	六三,二八七,〇〇〇	一四,六〇一,〇〇〇
一千九百零一年	一九二,三〇三,〇〇〇	一四五,二九九,〇〇〇	五九,三〇三,〇〇〇	一五,五八九,〇〇〇
一千九百零二年	一八八,五八九,〇〇〇	一四八,九九一,〇〇〇	五七,四四八,〇〇〇	一六,五五一,〇〇〇
一千九百零三年	二〇九,〇四六,〇〇〇	一五一,二一〇,〇〇〇	五五,七二三,〇〇〇	二二,五九五,〇〇〇
一千九百零四年				
一千九百零五年				

又中國及印錫日爪之茶輸出表如下。

年	分中	國印	度錫	蘭日	本爪	哇
一千八百九十八年	二〇五,二〇〇,〇〇〇	一五四,一三三,〇〇〇	一三三,三九五,〇〇〇	六二,一五三,〇〇〇	九,七二七,〇〇〇	

一千八百九十九年	二七,四七八,〇〇〇	一五九,八〇六,〇〇〇	二九,六六二,〇〇〇	六五,〇四四,〇〇〇	三,六二一,〇〇〇
一千九百年	一八四,五三三,〇〇〇	一七六,三八七,〇〇〇	一四九,二三五,〇〇〇	六一,〇二八,〇〇〇	一六,八三〇,〇〇〇
一千九百零一年	一五四,四〇〇,〇〇〇	一九二,一九三,〇〇〇	一四四,二七六,〇〇〇	六一,二四九,〇〇〇	一七,二九九,〇〇〇
一千九百零二年	二〇二,五三三,〇〇〇	一八〇,九三五,〇〇〇	一五〇,八三〇,〇〇〇	六四,七五三,〇〇〇	一五,六三七,〇〇〇
一千九百零三年	三三三,七三三,〇〇〇	一八三,〇三〇,〇〇〇	一四九,二二七,〇〇〇	七一,〇四七,〇〇〇	二一,三三三,〇〇〇
一千九百零四年	一九三,四七六,〇〇〇	二〇八,〇四九,〇〇〇		六八,三五九,〇〇〇	
一千九百零五年		二二二,七六二,〇〇〇			

由上表觀之。則一千九百零四年以前。中國為茶輸出最多之國。雖此七年間。其茶輸出數無甚增減。然以今日比之二十年前。則甚形退縮矣。由一千八百八十四年至一千八百八十六年。中國茶輸出總數。勻計每年為二萬八千二百萬磅。而由一千九百零一年至一千九百零六年。其輸出總數。勻計則祇一萬九千三百萬磅。是百分中減去四十六分矣。而同

時產茶之三國。其輸出年增。如印度自一千八百八十四年來。約增百分之二百五十。即一錫蘭於一千八百八十四年。輸出不過二百萬磅。今則增至一萬五千萬磅。至由他處輸出之茶。不列於上表者。其數至微。

據上表約有六萬萬磅輸出之茶。其中輸入英國者居其半。至輸入總數。在一千八百八十四年。爲二萬一千四百萬磅。一千九百零四年。爲三萬一千二百萬磅。是增百分之四十六。其由英國轉輸他往之茶。自一千八百八十四年以來。漲落不定。近年約以四千二百萬磅爲準。其中一千二百萬磅爲華茶。一千三百萬磅爲印度茶。一千四百萬磅爲錫蘭茶。餘二千七百萬磅爲他處之茶。

查輸入英國茶葉之來源。而知一千九百零四年。在輸入英國總數三萬一千二百萬磅內。由中國直輸入者。不過二千五百六十萬磅。而印度茶則有七千零四十萬磅。錫蘭茶有九千七百四十萬磅。由中國輸英之茶。其退率異常之速。比之一千八百九十二年。減少一半。比之一千八百八十四年。至不及其五分之一。是年輸入英國之茶。共二萬一千四百萬磅。其中有一萬三千四百萬磅爲中國茶也。

在坎拿大。如茶之直由出產國輸入或由英國轉往者。無稅。否則值百抽十。澳大利亞政府

現已將茶一項列於入口無稅單內。新基蘭則每磅茶取稅二辨士也。

### 商部奏酌擬獎給商勳章程摺

竊維近百年來環球各國藝術競興新法新器月異而歲不同綜其要端舉凡農業工藝機器製造等事靡不進步甚速收效甚鉅中國地大物博聰明才力不難傑出乃通商垂數十年雖經次第仿辦惟咸拘守成法莫能改良標異推陳出新而每辦一事需用機器原料類須取給外洋故進口洋貨日增而出口者僅恃生貨一經製造販運來華遂獲鉅贏坐使利源外溢漸成漏卮推原其故豈皆辦理之未力殆亦提倡之未盡其道也查歐美當二百年前所有新法新器絕少發明白英國首定創新法製新器者國家優予獎勵之例自是各國踵行其獎勵最優者乃至錫爵此例既頒人人爭自濯磨購求藝術每年所出新器多至千數百種論者謂歐美實業興盛其本原皆在於是現在臣部工藝局日漸擴充勸工陳列所將次開辦亟宜因勢利導設法提倡其有創製新法新器以及仿造各項工藝確能挽回利權足資民用者自應分別酌予獎勵臣等公同商酌謹就現在亟須提倡各端擬訂獎給商勳章程八條各按等級給予頂戴由臣部奏請賞給現在中國工藝尙在幼稚之時如章程所載製造輪船鐵路橋梁以及電機鋼鐵等項一時尙難其人不得不稍從優異以資鼓

舞振興臣等自當隨時嚴覈所造之品果係精心自造確能及格方予奏請 頒賞以昭慎重夫講求實業必有器具可驗非等空談似尙無虞冗濫謹繕清單恭呈 御覽如蒙 俞允卽請作爲專章由臣部分咨各直省將軍督撫通飭出示曉諭以新觀聽似於振興實業不無裨益謹 奏奉 旨依議欽此

謹將擬訂獎給商勳章程繕具清單恭呈 御覽 一凡製造輪船能與外洋新式輪船相埒者能造火車汽機及造鐵路長橋在數十丈以上者能出新法造生電機及電機器者擬均獎給一等商勳並請 賞加二品頂戴 一凡能於西人製造舊式外別出新法創造各種汽機器具暢銷外洋著有成效者能察識礦苗試有成效所出礦產足供各項製造之用者擬均獎給二等商勳並請 賞加三品頂戴 一能創作新式機器製造土貨格外便捷者能出新法製鍊鋼鐵價廉工省者能造新式便利農器或農家需用機器及能辨別土性用新法栽植各項穀種獲利富厚著有成效者獨力種樹五千株以上成材利用者獨力種葡萄蘋果等樹能造酒約估成本在一萬圓以上者能出新法製新器開墾水利著有成效者均擬獎給三等商勳並請 賞加四品頂戴 一凡能就中國原有工藝美術翻新花樣精工製造暢銷外埠著有成效者能仿造外洋各項工藝一切物件翻新花樣暢銷外埠著



有成效者擬均獎給四等商勳並請 賞加五品頂戴 一凡能仿照西式工藝各項日用必需之物暢銷中國內地著有成效者擬均獎給五等商勳並請 賞加六品頂戴 一凡上開列應獎各款僅舉大端其有未盡事宜應均比附此項章程由本部酌核辦理其有所製之器所辦之事成效卓著實屬特異者應由本部專摺奏請 恩施量加優異以新觀聽至尋常工藝製作精良者未便概給此項商勳應由本部參照功牌式樣另造商牌以備隨時給發 一凡請獎者可將所製之器所辦之事呈明本部查核辦理或由各省管理商務官員暨各處商會代報由本部切實考驗分別給獎以昭鄭重 一凡此項商勳應由本部隨時奏請並即參照寶星獎牌式樣由本部酌量仿製以備應用並擬定執照一紙將所製之器所辦之事一一詳列照內隨同此項商勳發給本人收執以昭信守奉 硃批覽欽此

熱河都統廷奏遵 旨開放敖漢旗九道灣上臺蒙荒酌擬章程摺

竊奴才前因委員查明敖漢旗蒙荒情形於三月二十三日奏奉 硃批該衙門知道欽此欽遵正擬派員前往丈放間適該郡王色凌端魯布由京回旗道經熱河謁見奴才面呈一切其感戴 朝廷恩德情殷報効尙屬出於至誠惟據稱九道灣向爲該旗馬場若全灣開墾蒙民遂無牧放之地懇留九道一灣並七八兩道酌留地一百七十頃其餘槩請丈放上

臺爲該旗園寢府第所在蒙居錯雜一律丈放滯礙甚多擬請丈放閒荒二百頃各等因奴才查熱河所屬各蒙旗狃於故習不求生殖開通風氣勸諭較難是以前次派員前往曾有將來丈放必爲多留餘地之語已於前摺聲明今未便遽食前言拂其所請然留地愈多放地愈少計現在可放之地約有六七百頃爲數甚微情同鷄肋要不過假手造端以爲先聲之導但使辦理得宜有利無弊則熱河所屬各蒙旗自不難觀感樂輸次第請辦矣至於九道灣土脈較奏准開放熱河馬廠之地膏腴實多其下地可抵馬廠上地其 upper 地每頃現有願備銀二百兩呈領者惟此次籌辦蒙荒本爲固圉實邊起見未便規此近利致味遠圖擬仍援照圍場成案分爲四則每上上地一頃僅收押荒銀一百六十兩上中下三則以次遞減統計全地約可收押荒銀七八萬兩連升科後歲入正耗錢糧一項據該郡王色凌端魯布聲稱請以五成報効 國家其餘五成仍求 恩賞還該旗以示體恤現經奴才派委理藩院郎中耀頤帶同委員馳往敖漢旗設局丈放各領戶現在該旗聽候領地者實繁有徒不待廣爲招徠約兩月可以竣事將來設官置汛以資彈壓仍由奴才隨時奏明辦理茲謹酌擬放荒章程六條繕具清單恭呈 御覽謹 奏奉 硃批該衙門知道單併發欽此謹將酌擬開放敖漢旗蒙荒章程六條繕具清單恭呈 御覽 一荒價擬照熱河圍場歷

次放荒章程地分四則曰上上則上則中則下則上上則地每頃擬收荒價銀一百六十兩上則地一百二十兩以上二則每戶准領一頃零以防包攬中則地每頃收荒價銀八十兩下則地四十兩以上二則每戶准領三頃零每荒價銀一百兩另交一成五耗銀以爲辦公經費 一平色荒價例收庫平庫色銀兩惟熱河向用松江銀每銀一兩應貼色二分補平一分以符庫平庫色其一成五耗銀准用熱平松江銀交納支領薪工車價及一切局用均由耗銀項下開支並扣減六分平以符部章 一繩丈查照部章五尺爲弓二百四十弓爲畝百畝爲頃每頃編爲一號繪圖填冊注明四至丈尺坐落地名分別上中下則領戶姓名籍貫領地不及頃者另編一號地係何則由局員監同監繩委員眼同領戶公平核定毋得任意低昂致啟爭端 一升科擬照圍場放荒章程上上則上則地均限一年升科中下則地均限二年升科以給照之日起限其課銀量爲加增上上則地一頃歲徵正課銀六兩中則徵銀五兩下則徵銀四兩每銀一兩加徵耗銀一成儻領地後延不開墾或墾不足數升科屆限照章一律徵收如敢藉詞抗違即將原地撤回另放荒價耗銀概不退還 一地照現遵奏定章程刊刷照式多張領戶交價兌地發給局收即憑局收填給地照蓋用熱河都統印信俟升科後再行請換部照以憑執業 一除弊奸民捏名包攬賤領貴售苦害旗民

實業

熱河都統奏摺

旨開放放漢旗九道灘上蓋家荒酌擬章程摺

二百二十七

丙午

者藉地勒索規費致貧民裹足者加平貼色外浮收分釐者在局員書人役占領膏腴致礙小民生計者車馬飲食住宿概不給價騷擾蒙民者以上數端如被告發或經查出勿論官民立予照例嚴懲

奉天將軍趙奏奉省設立農業試驗場摺

竊照近年迭奉 諭旨令各省振興農工商業奴才伏思商以通有無工以精製造皆賴土地之生產力以爲之原料故欲整頓工商必先考求農業奉省地大物博曠土尤多人民習於故常不知講求地利奴才到任以後確知奉地宜農首於招墾放荒兩事實力舉行惟是農智未開亟宜示以新法各省勸農辦法大率不外設農學堂立試驗場兩端奴才以爲考究他種實業自宜以學堂爲先試驗爲附獨至農業似宜以試驗爲主學堂爲輔蓋農學深遠若紆迴於理化格致畢業不知何時且農多校少普徧爲難對鄉愚而談學理解者幾人誠不如試以淺近之實效自能爭相仿倣茲於省城東郊關治官地一區延聘日本農學博士爲場師招集近郊農民廣購各色籽種按土地之宜試行栽種已於本年四月開辦奴才因念奉省出產以梁豆爲大宗其餘講求尙少若不普加推廣逐事改良未免仍封故步現復就試驗場附設學堂一所專養成農務之材卽以該博士兼充教習學生定額百名限一

年畢業學成之後即派赴各府廳州縣設立試驗分場以期全省農業一致此事爲奉省根本至計辦理得宜行之久遠將來出產豐富不獨可甲東南諸省即以應泰東西之商戰而有餘所有開辦之初一切選地建場置械購料以及聘場師設學堂並將來設立試驗分場所需用款應請作正開銷謹 奏奉 硃批該部知道欽此

奉天將軍趙奏奉省創設漁業公司摺

竊查前准商部咨以該部頭等顧問官翰林院修撰張謇呈請創設七省漁業總公司先於江浙購備漁輪試辦以保海權而擴實業行令奉省酌核統籌等因准此查奉省扼黃渤之咽喉西南起於綏平縣東達旅順大連北折而訖於安東鴨綠江口海岸袤延千有餘里其流域較之江浙爲長水產業號富饒魚類亦極繁賾惟地近北帶入冬以後漢港封凍網罟俱停組織調查均屬無從措手本年春冰甫泮當即趕飭派委專員前往蓋平海城營口熊岳一帶設法籌辦當此漁學未講漁政未興驟語高深難期領略而客軍在境匪跡復出沒無常沿海居民去城較遠風鶴驚恐失業堪虞值此時機自以保護爲入手之要著因即飭令雇備小輪二隻配裝快礮募集水勇數十名瀕海港岸復酌派陸軍以資聯絡示諭各漁戶保其營業三四月間蓋平之鮫魚圈地方有黃花魚汛即於此地先行其保安政策駐

兵未及一月海陸均極安靖得魚較往年爲盛漁船各戶極爲歡慰爰卽令其聯絡一氣發給旗幟編入號籍凡屬漁業均一律註冊作爲公司之分股現已將次辦齊業經刊發關防委員設局標明奉省漁業公司仍當飭令調查水產改良漁業覓購海輪以期逐漸舉行並俟七省漁業總公司成立之後定有通章再當查照遵辦奉省頻年兵戰實業彫殘強立基礎事倍功半未可以內地相衡惟有隨時妥籌以期擴充而臻完備謹 奏奉 硃批商部知道欽此

### 山東農事試驗場試辦章程

一地址 省東七里堡地方共陸續購買民地五百餘畝土脈深厚水泉清冽週圍栽種雜樹地內布種五穀間以蔬果共開挖水井二十餘口當開辦之初蓋造房屋五十餘間現已分別增修堂舍改立農林學堂俟工竣開辦另行詳報 一山場 省南燕子山馬鞍山千佛山之南麓從前均屬荒山地多礮薄泉源不多每遇春冬缺雨卽苦乾旱新種之樹尤以灌溉爲急務現經逐漸開闢相度地勢修築水池存貯雨水開鑿石井以通泉源並就燕子山下擇上等地五六畝栽種樹秧現在三處山場連本地雜樹並自青島購回各項樹秧共計成活十餘萬株三五年後枝幹橫生每年刪剪叢枝卽獲添薪之利十年以後當可蔚然

成林就地取材其獲利收效必能推行益廣矣 一農具 自來欲善其事先利其器居今日而求農事改良尤非講求農具不可泰西各國罔不以農事爲重其一切農具施之中國雖未必悉合於用而擇其可用者則收效實多蓋中國之農具大半借資於人力其致用也緩外洋之農具類多取用於機器其成功也速現在東省試驗場已由美國購回農具二十餘種日本購來數十種多能試驗合用惟鑿井機器尙未動用其轉運能否得法應俟訪延技師另行考察 一籽種 東省布種禾稼春收在麥秋穫在穀其次則高粱豆禾名爲早秋晚秋鄉間播種祇服先疇絕少進步茲由美國購得豆麥蔬果並日本小麥稻子馬鈴薯各種子按照西法布種均能收數有加其餘東省地土相宜者尤以美國之豆麥日本之馬鈴薯爲最易滋長其蔬果之類成效尙少現正詳細考察擇種移接等法爲逐漸改良地步

一肥料 地土不盡肥饒鄉間自積糞外鮮有解製造之法者查農業以美國爲最日本次之其農學校與勸農公所皆有肥料製造廠其料不外動物性植物性礦物性以及雜肥與間接肥等現以講求化學者少未及設廠舉辦先在日本購肥料十數種交試驗場逐一考究何者可以補土壤之缺何者可以收營養之效以期日有進益 一林業 東省試驗場本附設農桑總會先經赴浙購得湖桑五千株栽種試驗場左右雜樹如槐楊榆柳果品

如肥城之桃樂陵之棗曹州之罌榴木瓜柿子青州之核桃青梨山楂德州之葡萄牙梨臨清之臨桃臨棗亦均分飭各屬先後選擇嘉種呈送分栽上年由青島種植局購來洋白松七萬株紅松一千株洋槐樹二萬株櫻桃樹二千株本年復由青島購來阿曼琴七萬株均經分種於三處山場其餘土質相宜者尤以琴樹爲最且易生發木質堅直其次則白松紅松較中國之松柏尤易長發現在各處營造此項樹株十數年後即可成材取用其獲利當可預計 一土宜 凡地勢有高下土性有肥瘠植物有所宜亦各有所闕村農不善研究往往強違物性以致坐失地利東省沿海之區地多鹵斥附近黃河一帶又苦沙壓東昌武定府屬則鹹廢地畝處處皆有現在農學絕少專門遽求化分之法甚非易事查沙鹹之地不宜五穀惟種菜椿臭椿紅條柳三種最易發達椿葉可以飼蠶柳條可以編筐頗於農業相表裏現已分飭各屬認真勸辦至沿海鹵斥之地尤以鹽業爲大宗亦經委員考查爲整興漁業鹽利之舉 一畜牧 自煙臺開商場英租威海德租青島所需食料牛羊甚多東省山湖錯雜山羊棉羊所在多有惟向無茂林豐草牛羊祇牧山場近年牛羊價值較三五年前幾至增漲數倍鄉民貪得重價任意販賣幾誤耕作於農業關係甚非淺鮮現飭山場附近州縣令有力之家振興牧業至鷄豚本農業之餘魚蝦蜃蛤尤沿海所富有他如南旺



昭陽南陽徽山等湖鳧鷺尤多已飭設立廠所擇其利益分別試辦

### 各省農牧彙誌

奉天○臨榆紳商集股六十萬兩在鎮安縣開辦息牧公司已稟奉將軍趙次帥批准並飭財政局撥款三十萬兩以資提倡俟商股招齊再行陸續收回官本

山東○諸城依山傍海中多隙地前經邑紳戚君植粵購買葡萄蘋果等秧在縣城之西胡家樓曠地先行試種近已種活一千四百餘株並於城內宣威坊栽植湖桑五百餘株亦經一律成活○安邱景芝鎮縣丞焦君應庚前曾捐廉購買柳秧數百株於署垣外環塘種植並勸紳於公積項下提款購買柳秧五千株於圩外濠溝兩旁遍行栽種迄今四年頗著成效乙巳冬間又集資採購湖桑秧五千株分領試種又自捐廉另購五百株以四百株分給五隅及附近各村廣為種植以一百株於文昌閣內外空地栽種亦已一律成活擬即開設蠶桑試驗場以開風氣而興蠶利

山西○晉撫恩蘇帥通飭各屬將各地方原有樹株竭力護惜有能勸諭民間歲增樹木千株者膺上考並於種樹左近之地多開井口藉資灌溉隨時稟由藩司轉詳請獎虛報者則立即撤參云

江蘇○前署江督周玉帥曾札飭皖南茶釐局籌集官本銀二萬兩移解江寧商務總局作為植茶經費並飭司札派前次隨同鄭觀察世璜前赴印錫之書記員陸潔為植茶公所委員招請前赴印錫之茶師蘇致孝為茶師近聞該公所已在金陵城外附郭之官山荒地仿照西法種茶一俟成林即另籌鉅款用機器碾烘切揚以資提倡而挽利權○松江商會議員姜君望溪等集股設一興給蠶桑公司將城內外荒地先行種桑次及育蠶已將章程刊佈入股者頗形踴躍○鎮郡馬紳相伯會同紳董公議集股興辦實業公司開墾荒地即以此項田租撥充興辦學堂之用已稟准江督開辦○

李君樹昌等合籌資本在金壇縣設立崇本樹藝有限公司先就縣界購荒山三十餘頃作為試辦其所擬種植者共分六項一柏二榆三松四竹五桑六茶並輔以菓品之屬雜以瓜菽之類

安徽○皖省議設墾牧樹藝局業由前撫誠果帥奏奉 硃批允准在案近由商部刊發安徽墾牧樹藝總局關防札委

皖藩總理三道分任會辦並由局委劉紳廷鳳為中路總董俞紳錫疇為北路總董陳紳樹涵為南路總董即於八月朔

日開辦又擬於皖北另設墾牧樹藝分局以期普及○皖紳趙觀察繼椿近於東流縣設一安阜公司在縣屬之八都湖

一帶購地墾荒已稟准墾牧樹藝總局立案○無為州高紳慕德集資八千金在福凝洲購荒地萬餘畝逐漸開墾

江西○贛省士紳公議集股一千兩創辦衍康牧羊有限公司派人赴廣瑞表臨四郡購羊二百頭先行設場試辦每日

所取羊乳則用新法收貯入瓶行銷各處其羊毛羊骨及糞亦各視其所用分別製造出售並擬俟存積之款得有成就

後添栽桑麻並設提花夏布及蠶絲兩廠以期農工並興云

福建○閩省城內多山而林業未興地多荒棄近有商界中人查得屏山縱橫二十五畝之廣若遍行種植所出之利必

有可觀特具稟地方官認領該山地種植桑樹茉莉地瓜等類以闢地利俟有成效再行照繳山租以輕成本

四川○重慶商董趙君楚垣等集股在廣元墾曠地設一樹畜公司研求種植畜牧新法以為實驗農學之地○瀘屬江

安縣西林寺道士陳惠元將本寺田地種植桑株並就寺房改修蠶室以興絲業已稟由農政總局批准嘉獎並給予匾

額一方題曰衣被蜀民

廣東○海陽謝君錫勳稟准縣署設立興利有限公司集股四萬金在縣屬謝氏橫山土名葛藤窩地方先行開墾種植

棉花尙擬參考西法養蜂牧牛並悉心講求改良土貨云

各省工藝彙誌

京師○商部開辦工藝局以調查物產試驗各項工藝培植良善工匠爲宗旨由部選派丞參一人管理全局事務○學部以近來學堂林立而教育用品胥仰給於外人未免利源外溢特設一獎勵之法藉資鼓舞凡有自出心裁製造鉛筆石板等類無論何項祇須教育所需一律分其等第獎給銀牌予以免稅專利之權業已訂定章程行知各省○外城巡警總廳朱廳承啟鈴以京師前設習藝所規模粗備功效已昭惟房舍無多容額甚少勢非再辦一所不可特由警部奏請將奉恩鎮國公毓恒府地址設立工藝廠當由部核准具奏奉旨依議○楊君鈞等集股五千兩於正陽門外珠市口設立華豐織布有限公司已稟准商部開辦○老君璟環研究汽學有年近日造成汽輪模範一具具體而微已呈由商部試驗稱爲旋轉便捷動合規則並准送至陳列所以備觀覽又王君聲桓製成風琴二具亦呈由商部試驗頗爲合用准予咨明學部轉飭各學堂購買以示獎勵並准其專利若干年云

直隸○保定陸軍第三鎮正軍需官周君耀階集股六萬兩設一絕大公司專以織布紡綢染色三項爲主先招學徒百名隨後陸續擴充已稟由商部批准立案○津屬葛沽商人楊君守義等集股五千圓設立織染公司專設織布染色兩科並置日本手搖機器二架以便試辦紡紗是爲天津民立第五工廠又潘君作卿曾於乙巳冬間稟由商部直督奏准在津設立萬益機器織造種呢有限公司近已招齊股款購備機器一俟廠屋造竣即當開辦○武清三河香河薊州寶坻五州縣紳董潘君岐山等以今日欲圖富強非開通民智振興實業不爲功特公同籌商集款八千餘金於五州縣各設工場一處附以學堂因經費不足擬抽收布捐每疋制錢五文以資津貼已稟明直省工藝總局詳由直督核准飭屬一體保護○長垣縣設立罪犯習藝所聘用工師教以織布織帶編筐編蓆等藝並於工暇授以淺近文字演講國民必

讀息詠歌各一段以化刁頑○玉田張君樹人自籌資本五千金在該縣林南鎮地方設立紡織局一所以提倡工藝業已遵章稟明商部註冊

黑龍江○刑部奏定習藝所章程各省須就省城及有巡道處所先行辦理江省巡道本係駐紮省城署將軍程雪帥特飭於南門外賃屋開辦江省習藝所以符部章俟辦有成效再飭府廳各屬一體設立

山東○東昌府魏太守到任後振興實業不遺餘力近又特派倉大令傳縉赴天津購辦紡機標本一部織機標本一部壓花機十部彈花機一部洋紗顏料暨梭杼檣架零星等件延訂工師於鼓樓東租房兩所招選職染兩科工徒開廠試辦迄今數月頗有成效所染之色鮮明奪目布亦精緻可觀云○泰安所設絨毛公司近已成效著除定製軍服操衣外專製絨氈斗蓬衣包絨帽氈襪等件較從前土貨大見改良且工料堅固耐久勝於洋貨故其銷場甚暢茲該公司又擬擴充辦法購置西洋頭號製絨機器以期增多出貨減輕成本云○博平地質宜棉民間習於織布惟拘守土法不能改良近由縣提款八百千試辦紡織局以資提倡○沂水吳禮伯刺史到任以來工藝日見發達近查得該縣鄉民用秫糶編爲箬笠歲銷約二十萬又有柴灰鍊成之碱亦爲銷路大宗擬即提倡改良並呈送省城工藝傳習所陳列又有地席一種花樣翻新頗能適用

山西○全晉物產如鉛鐵硝磺及羊皮牛毛之屬均不乏佳品徒以地居山僻工藝不興生貨廢棄極爲可惜近由司道等議就省城之文瀾湖開闢商場建設工廠並將全省礦質運省陳列以資化驗其本省外省外洋天產品美術品均酌購羅列以供衆覽○晉紳段君雨田等議集股六千兩設立裕源製造鐵貨有限公司以鎔銷鐵礦保存權利爲宗旨並擬俟辦有成效附設一工業學堂或設法推廣各種工業云○太平縣近遵晉撫恩勸帥札飭就已汰捕班遺屋改爲罪

犯習藝所並會商紳士就地籌款以充經費

河南○豫省工藝局前曾咨送學生二十餘人至天津工藝局學習織染洋燭胰皂三科近已畢業歸汴先行試造洋燭竟能媲美西製當發勸工陳列所中出售此外各色布疋亦工緻可觀云○正陽王大令前曾創辦罪犯習藝所以符部章茲又興辦工藝局一所專織正陽綢緞○中牟鄭州一帶地本低濕產蒲極盛東張富紳萬君因籌集鉅款設立織廠製造各種新式蒲蓆○信陽州李紳集股三萬金開設工藝所專造汴省天然之產並收養貧民以工代賑已勘定信陽迤北之常泰關地方建廠開辦○裕州一帶高粱桿出產素旺實為造酒最佳之原料近經賒旗鎮趙乘庭孝廉恭考西法改良製造土酒已著成效並擬添購機器製造歐美各種名酒以投外人嗜好云

江蘇○職商李君厚祐招集股款創設製造絲絹有限公司於上海又獨捐鉅款在滬開辦西勸業場以調查工藝鼓舞商情為宗旨均已稟由商部批准立案又林君應祥等發起創辦晉昌機器鋸木有限公司擬集股十萬金繳齊半數即行開辦又曾君少卿集股設立福壽紙烟有限公司業已出貨銷路頗暢又有嚴君良沛議集股本三十萬圓設立華製革有限公司先在上海建造總廠○金陵某君招集股本設立厚豐紙瓦公司已稟准江督開辦又金陵繡貨同業前以繡貨一宗本係金陵特產其顯繡之名乃原始於孝陵衛顧姓至今相傳不朽近因墨守成法花樣陳舊致為蘇繡所壓特公同籌議設法改良近聞各舖已繡成各種屏幃枕墊以及新式各套件均能工精技美獨擅勝場云○鎮江馬君相伯等以丹陽所產土綢煉製未精光彩不顯以致銷路不暢擬設立火炯所延訂湖州火炯工匠來陽試煉土綢期與湖綢相頡頏已稟由鎮道批准立案○江陰華澄布巾公司開辦未久而所出時式新貨已百數十種染色鮮明耐久質地堅緻合用頗有時譽今又新織純雙線白布及馬尼布兼織毛巾及各種大小檯單坑圍亦無不價廉物美云

安徽○來安縣近就城內同善堂設立罪犯習藝所將應行習藝人犯一律撥入雇募工師教以編織竹器條筐草履篾席等項粗淺手藝其地方青皮地棍不安本分滋生事端之無業游民併即擇尤收入責令一體肄習

江西○贛省自新習藝所近自許復初大令接辦後將一切辦法大加改良並添聘匠師教導押犯仿製各種洋式木器鋼絲椅榻以及甯波式厨桌椅式樣精雅油漆鮮明購者極爲踴躍云○銅圓局匠目沈國香以人力數銅圓多費時刻特自出心裁創造數餅機器業將圖式繪呈總辦頗承嘉許○贛省泥質夙佳近以陶人失職製品窳敗致外洋機廠之物流行內地概瓦商徐君象藩等有見於此特就舊有窰廠購機改良製造已稟由商部批准

浙江○餘杭陳君祖儲等近在南湖地方開設協泰隆概瓦公司開挖湖中淤泥製造概瓦期於水利商務兩有裨益已稟由浙撫批准開辦○嘉興紡織一業向未發達圍城機戶不過三十餘家所出之貨不過新紗一種近由商會勸令推廣新出花紗兩種一名雲錦一名鴛水尙未十分暢銷近由綱業議董湯君廉泉發起集股設立緯章公記紡織有限公司專織新紗雲錦紗鴛水紗三種

湖北○漢口廣利公司開辦已及半年其所織之布種類不一而以洋布爲最多銷路亦甚暢旺近又添購機器改良組織所出之布潔白細緻竟與花旗所出者無異又添雇工匠兼織起花各色洋布以廣利源並於漢鎮添設分銷所三處俾需用者得以就近購求云○天門縣宋大令燦到任後整頓地方不遺餘力尤注意於工藝已在省辦就織布機器若干件運回設廠招工學習以興實業○謝君武剛近於鄖陽府屬之老河口地方開辦織布廠紡織日本絲棉提花起花起絨各種布疋

湖南○醴陵磁業自熊秉三太史提倡改良日有進步近擬創設磁業製造有限公司集股五萬圓入股者頗爲踴躍

四川○川省商務勸工兩局前就南門外開辦商業勸工會。略仿賽會規模劃分地段勸諭各屬工商赴會研究。近又遵照商部新定勸工場章程在勸工局內特建標本陳列所。凡通省所有天然製造各品及各府廳所設勸工局呈驗之品。逐一標誌羅列任人觀覽。又因成都商業勸工會業已辦有成效。擬於舊有會場添建房屋爲陳列之所。隨時招集商人。考驗以資比較。而增智識。又機器新廠總理范觀察以擴充製造。必先考驗良工。特在廠旁添設試驗場一所。凡有奇能新藝及能製行軍利器者。均可來場考驗。酌加獎勵。以期改良工業。又成都府文仲雲太守遵照刑部新定習藝所章程。創辦罪犯習藝所。議抽戲捐以作經費。又警察總局周孝悌觀察籌款十餘萬。創辦乞丐工廠。分設成都南北二門。每廠可容數千人。凡失業游民及乞丐等一律扭送入廠學習苦工。又成都某鉅商以川中皮革出產甚富。特集資在省創設製革公司。仿照東西洋新法改良製造革貨。當稟經商務局核准。並聘日人石塚豐次郎辦理一切。○嘉定府城向於每年夏季舉行炎帝會。演劇月餘。遊人共衆於商業亦有影響。本年經該府商務局員與紳商協議。仿成都青羊宮辦法。改爲商業勸工會。自四月起至五月底爲止。又新繁縣亦就舊有浴蘭會。改辦商業勸工會。售價銀計共二萬有零。○廣安州陳君近用玉蜀黍高粱等桿榨汁製糖。其色質較蔗糖鮮明而味稍遜。擬再詳加研究。以便改良。○留東畢業生侯君在資州集貨設廠仿用新法造紙。已將製成各種呈請勸工總局驗看。○中江筆工黃君銓與以學堂多用鉛筆。特加意仿製。取價極廉。行銷已徧各邑。○天全州沈君子江以打箭爐一帶森林極多。所出樹膠實爲土產大宗。任其廢棄未蒐。可惜。特糾集股本設立樹膠公司。仿照外洋新法精加製煉。已稟明成都商務總局立案開辦。

廣東○粵省草類土產有名七星劍者。幹長數尺。葉似波羅。農家者流每於田園界址間植之。以供燃料。近經吳君軍備驗得此種草類。內含蘇質。可供織造。特定購萬觔試織麻布。一時風傳。遠近七星劍之價大爲增重云。○嘉應商董李君

鏡湖等集股創辦織造公司改良製機織布已稟准商務局立案以興工藝

廣西○署思恩府彭太守言孝以思屬頻年兵燹災荒爰於府城設一大工藝廠聚各屬貧民暨罪犯於內定額四百名專辦製捲煙造鞭礮及以艾粉熬冰片三種實業○慶遠府王太守祖同籌撥巨款組織一大工藝廠招收貧民入內學習並因慶郡俗尙漳錦銷場頗旺特派員赴香港採購絲絨洋紗兩物預備織錦及織布之用

### 各省礦務彙誌

京師○駐京美使近與該國礦師馬爾沙謁見慶邸據稱俄人前在奉天復州勘得金礦兩處約方百里已向該處民人出資購買每畝十兩並有田畝在內均酌加購費嗣經美國礦務公司之代表阿文列德向俄人將該地轉購將來該兩處礦產任憑中國擇定一處自行開辦作為美公司所贈美公司購有機器兩分亦贈一分與中國至美公司所開一礦其所出之金仍以一半繳歸中國國家另由公司設立礦務實驗學堂一所任聽中國派礦師學生入廠調查學習倘中國欲將設立學堂之款提作他用亦可照辦云云慶邸當囑其往見奉天將軍趙次帥商辦聞次帥以須有外務部明文始能准辦覆之

奉天○版石為石印業所必需向皆仰給於德國道遠運艱價值昂貴故操石印業者咸以為不便近有日人在大連灣附近發見版石礦一處苗質極佳擬即集資開採以開利源

山東○商部新定礦政調查局章程凡各省礦政調查局均應設立化驗處一為分析室一為分析爐及附屬器具凡遇礦苗化驗必須分析清楚再往開辦東省大吏近查得該省五金礦產最多各州縣紳商呈驗礦質自應遵章設立化驗處以資研究已派員擇地開辦矣○威海衛英官近向東撫要求開採狼虎山蔗山金礦並聲明該礦係在威海界內



撫因卽派員往查該山實在界外當經竭力堅拒並電告外務部查核辦理

山西○晉省士紳前因福公司違約辦礦會聯名電稟外務部請爲駁阻以保礦產近聞外務部以福公司訂辦晉礦會同前由總署奏准並經升任趙護撫於壬寅正月奏准自設總公司籌辦晉礦摺內聲明除福公司所認辦各礦外均歸該總公司承辦是福公司勘辦晉礦已成鐵案斷非妨礙地方民情等詞所肯一概屏絕現惟有設法將地段縮小以示限制等因電達晉撫恩藝帥藝帥接電後以福公司事原係義商羅沙第與晉紳在總署所定嗣義商忽變爲英商並未知照晉人遂全不公認後該商哲美森來議不合遽然返京經前撫張飭晉省紳商代表李廷勳劉懋賞到京與該公司赴部會議曾經大部允准現兩造均在北京城做處無從提議至來示謂前護撫趙奏案已成鐵案仍係壬寅以前情事中間情事變遷義商改換英商晉人實未有允許證據亦未另訂合同大部亦未呈明有案該公司似不能以遷延責晉另有要挾等因電覆請統籌兼顧一力維持云

河南○固始境內南山溝煤窰最多煙煤塊煤土名石炭無色不備惟土人多以燒柴爲便銷路不旺近因信陽至浦口鐵路業已插標各窰戶以利於外輸遂競集資本一俟鐵路工竣卽當連合一大公司以便開採又密縣窰商郝君鏡塘購備機器開採煤窰頗見功效較之土法採挖其利三倍云

安徽○職商孫君發緒在廣德州屬購得礦山煤苗甚旺已援照前訂柴煤小礦章程稟由商務局准予先行開採又職商鄭君贊臣等先行集股三萬兩創設廣益煤礦公司租購馳名之煙煤礦兩區一翎豬洞一梁家山坐落廣德獨山東泉已在商務總局呈驗資本批准咨請商部給照開辦俟辦有成效再行推廣以十萬兩爲限並在浙屬之泗安鎮設立公司堆棧以期推廣銷路○職商戴君景璋等在懷遠縣屬虞耕山探得煤礦一座擬照開採柴煤小礦章程招集華股

八千兩設立景星有限公司業稟經商務局核准開辦○繁昌縣屬寺僧靈山徐家冲轅山等處礦產前爲某商私自開窿由局查明稟請封禁一面招人集股承辦茲有呂君寶賢集資一萬五千兩將該處礦山陸續購置承管稟由蕪湖商務局詳明皖撫咨部給照以便開採

江西○德化縣紳羅君近在縣屬楓家坪覓得煤礦一座苗質甚佳擬即籌集資本先用土法開採聞此礦與金雞嶺鐵礦相隔不遠云

浙江○陸君雪梅前曾稟准商礦局設立寶裕礦務公司開採衢州開化縣屬鉅溪莊及礫谷莊錫礦各一處近因財力不繼推歸徐君士琛主辦已稟由商礦局查無不合批准詳部換給執照以便開辦

湖北○施南府學堂教員姚君必崇等查得恩施縣屬二臺坪等處產著煤鐵礦苗甚旺因即集資試用土法開採已將礦質稟呈洋務局勘驗批准照章開辦

湖南○永州府桃子坪山中近日發見一種礦質非砂非石其色純紫勻圓如珠已解省由礦務總公司礦師驗得其質極佳可以煉取水銀其餘取出油質可合配爲機器油之用又可燃燈除美國之一部有此礦產外世上實不多觀該公司因即派人前往履勘設法開採○桂陽州北鄉向有綠紫均銅礦廢置已久無人過問近經崇吉分公司礦商許君查獲率礦工援繩縋入窿中由北而南約四五丈轉西至正路四十一二丈時繩盡而止節節查考其窿路之寬有七八丈者狹亦有一二丈因是知當日出砂之旺其未取盡之餘砂均係綠紫二色當經取出分別化驗紫者之成色有七十八分綠者之成色四十三分至五十七分不等洵可稱爲最佳之銅礦已擬稟呈礦政調查局集資開採○湘省毗連黔蜀山谷縣互礦產素富近由礦務總局特派礦師前往各地悉心考察已勸得錫苗多處及烏金紫銅水銀硃砂水晶等礦

十餘處擬將各山由官購買開採並擬在常德等府籌集股本設立公司以圖利源云

四川○川鄂一帶連山接嶺礦產素富而夔州府巫山縣境內陞瓦洞螺絲山等處煤礦尤爲一邑之冠近經官商紳富集股開採卓著成效日出煤炭約有一萬餘斤之多

廣東○前署粵督岑雲帥查得南海縣石塘鄉大嶺山有煤礦一座前經迭議開採因該處鄉民藉詞抗拒以致中輟棄利於地深爲可惜特札善後局會同南海縣查勘先用土法開採以興地利如果礦苗充足卽由官設廠購機擴充云○欽州一屬山嶺蜿蜒地多礦產近經該府紳士聘礦學家陳君廣耀前往勘踏已勘得城西之宿和地方金苗極旺因卽籌集巨資稟准地方官購機開採以興地利

廣西○泗城府屬之洪坡地方山峯綿互內含水晶礦產甚富近經某商集股五千圓雇工試掘以拓利源

### 各省魚鹽彙誌

京師○比國定於西歷一千九百零七年五月在安凡士埠開漁獵大會照會駐比欽使稟明外務部轉飭現在赴義大利之華商漁業公司就近赴賽以免運回致多週折外務部當卽咨行商部轉飭漁業公司遵照辦理

奉天○關東鹽業素盛近有日本商人至該處創辦鹽業者踵趾相接滿韓鹽業公司及日本食鹽碳酸公司最先設立中日食鹽公司繼之所有雙島灣鹽田五百町普蘭店地方五百町均已由官准予辦理其鴉子窩沿海一帶長約七里闊三里之大鹽田則滿韓鹽業公司與中日食鹽公司各獲三千町間各該公司日後販運鹽斤之地爲東三省蒙古韓國西伯利亞關東州等處計東三省人口共二千萬蒙古地方五百萬韓國一千二百萬西伯利亞及沿海州二千三百萬關東州四十萬共六千零四十萬以每人每年用鹽十五斤計約需九億六千萬斤故各該公司擬用天日乾製之法

實業 各省魚鹽業誌

二百四十四

十一月

藉省工費以應需求並聞日本食鹽公司原定資本三十二萬圓今已增爲一百萬圓又在東京分設製工廠以便行銷其製產數量明年可獲三千萬斤明治四十一年可獲一億五千萬斤四十二年可獲二億五千五百萬斤云

# 交通

論鐵路國有與民有之得失 留學日本路礦畢業生趙蔣華稿

鐵路者爲商業之性質。經濟之問題。最足以引人視線。而發動實業家之野心者也。蓋鐵路就經營者言之。區別爲官業民業。就所有者言之。區別爲國有民有。自鐵路發明以後。主張英美派者。倡言民有。主張歐洲大陸派者。倡言國有。各執一說。不能相下。此時雖遑論理。關學說。出嚴正之辨論。終不足以服爭執者之心。其持國有論者曰。

(甲) 鐵路爲完全敏活的運送機關。其關於軍事上。通信上之制度。應使盡必要之義務。且立國大陸壤地相接。線路亦通。一旦緩急之際。須爲迅速之輸送。低廉之運費。公平之處理。此宜屬國有者一也。

(乙) 鐵路經濟上之特質。有由資本集中而構成獨占業之趨勢。然欲認其獨占。則助長發達。非以國家之權力先設必要之限制。以防止其專橫。其弊必至。以大資本之勢力。左右都市而支配其他產業之運命。不免釀國民經濟上之危機。此宜屬國有者二也。

(丙) 欲完全一國鐵路之利益。須依統一的組織。而注目於一國鐵路系統。務須枝幹相輔。

大小相依而使全國鐵路縱橫連絡以謀運送機關之完備若任各鐵路自由敷設則接續不便利運費不盡一其影響於公眾者匪淺此宜屬國有者三也

(丁)鐵路當以便交通謀公益爲目的私人起業無論其布設之先多限於利益甚厚之線路即其後亦皆狂奔於私利而於營業上之改良設備每不計其安全便利而有加危害於旅客貨物之虞國民被保護於國家國家應預防國民之損害此宜屬國有者四也

以上之國有論者僅可證明監督干涉之必要而不足判定收爲國有之理由世界無論如何政體國家爲出治者有命令人民之權力人民爲被治者有服從國家之天職若有時妨害公安但見國家有干涉人民之威權幾見人民達干涉國家之目的哉觀此而國有民有之得失無俟觀縷而矧其民有論者尤持有顛撲不破之理由乎其持論如左

(甲)鐵路爲營利事業經費最宜撙節徵之東西各國實例國有者較民有者每多耗費日本

之餘設一里平均民有者只需七萬二千圓國有者則需十三萬二千圓其原因甚爲複雜有餘國營業費中總係費民有者只需總額四分之一國有者則倍之其原由甚爲複雜有因既爲國有則業務財產之狀況無利害切膚之有力監督營業費及純利之多少只憑一紙循例之報告者有因爲政府事業非常事者自身之資本每多假手私人援引同類而生出種種冗員冗費者有因辦理者爲肉囊衣棺之官僚無商業鐵路之智識其於公司應用

物品不知投機買賣而動輒得咎者此非屬民有不能免營業費之浪支也

(乙) 民有鐵路對於業務之盛衰有直接之關係無論其從事工程必求迅速告成而開始營業即其後如改良之種種方面必研究如何而後博社會之稱譽如何而後增多貨物如何而後招致旅客以謀收入金之加多若國有則既無收利之觀念又不爲是等之措意但求不至虧累無人指摘即無礙於辦理者之成績此非屬民有不能望收入金之增加也

(丙) 認定自由競爭爲鐵路改良之最妙手段者英美鐵路法之特色也凡事業之發達隨競爭爲進步民有鐵路所經營之線路每欲彼此對照突過他人運費孰爲低廉辦理孰爲周密時間孰爲迅速必極力與人以便利而圖業務之擴張若鐵路悉爲國有全線自成獨立無他人以資對鏡其運送方法及運費制定勢必至惟所欲爲陷於鐵路專制此非屬民有不能謀運輸業之進步也

(丁) 鐵路較普通事業既需固定資本之巨額又難爲他種目的之轉換國家經營之鐵路果能不別募公債不別課租稅以充建設費猶可言也若一需巨額即取之民間且所取者往往逾於所需之數以閭閻終歲勤動之錙銖作官吏宦囊中飽之材料而小民脆弱不敢過問以今日權利思想發達之世界必不容有此不平之事此非屬民有不能免各種租稅

之搜括也。

交 通

鐵路國有與民有之得失

二百三十

十一月

兩方之議論皆爲各國之陳蹟。以余學識。誠。誦。兩。何。能。判。定。兩。者。之。優。劣。特。是。審。定。鐵。路。之。制。度。必。參。酌。本。國。之。情。形。若。徒。崇。拜。外。人。竊。取。形。式。不。免。貽。學。步。效。顰。之。誚。中。國。今。日。爲。鐵。路。萌芽時代。懷先入爲主之戒。思取法乎上之言。前路茫茫。未知所屆。依吾輩之眼光。參官場之現狀。固誓死而不敢妄言國有者也。蓋現在社會之程度。國民雖未能立於平等之位置。可期其監督之實行。然若以財命關係之路權委之。精神喪失之政府。則堂高廉遠。呼籲不通。卽俟至腐敗。狀暴露。勢將潰敗之際。欲調查會社之業務。資產之狀況。亦終苦於神聖。帝天不可侵犯。而犧牲血本。莫可誰何。徵之實例。中國之所謂國有事業。如鹽務及雲南礦務。招商局。航路。其中之暗無天日。殆不可問。近如當道之對於粵漢路權。自知財力棉薄。不能集事。迺陽假以商辦之名。而陰逞其毒。很專橫之伎倆。左袒私人。欺罔天聽。雖以報章之毒罵股東之交攻。而彼終冥頑無所動鑒。現在之覆轍。定後來之方針。而知各國依政治經濟軍事以決定鐵路之制度者。猶爲高尚之學理。中國尙不足以語此。卽僅論社會程度一端。而中國鐵路之不能國有。已無俟斤斤辨論矣。夫國有民有之短長。固不易爲判定。而國有民有之議論。究何自而發生。日本工學士岡崎氏曰。本自己頭上之利害。作立論根柢之標準。



可謂解剖爭國有民有者之真相。引伸言之。我爲官吏則贊成國有。研出種種國有之學說。我爲人民則贊成民有。研出種種民有之學說。使以一人而朝爲人民。暮爲官吏。必不惜以暮之國有論與朝之民有論挑戰。蓋世之所以爭國有民有者。外所爭者爲鐵路政策。而其內不可告人之隱實爲經濟上之主權。今欲以圓滿之理由斷定此主權之所有者。雖以學者之千解萬釋。累牘連篇。其中終無正當之真理。何也。彼此立於爭權利之地位。甯殉其主義而不能降伏者。無東西洋文野人一也。語曰。矢在弦上。不得不發。其殆爭國有民有者之類上添豪乎。

度支部農工商部郵傳部奏覆滬甯鐵路借款摺

滬甯鐵路大臣唐紹儀奏滬甯鐵路情形並工款不敷請 旨辦理一摺。光緒三十二年八月二十七日奉 旨該部議奏。欽此。欽遵。由軍機處鈔交到部。查原奏內稱竊臣於上年十月二十一日奉 旨辦理滬甯鐵路。適因會議日俄條約未能赴滬。委道員鍾文耀往滬接收文卷冊籍。派爲隨辦。以便就近督飭各員考查工程。並與銀公司交涉。十二月十八日准前工部左侍郎盛宣懷移交合同文卷。並購地款項銀兩。本年正月三月續據總管理處造送工程帳冊。因洋帳支款浮濫。駁回未據稟復。本年三月復准盛宣懷移送購地收支各帳。

交通

度支部與工部部籌辦部安撫總督會商

二百三十二

十一月

册均經復核駁回。此接收之大略情形也。滬甯合同吃虧比京漢幹枝路爲甚。其最棘手者在設立總管理處。華員二人。洋員三人。每屆會議。彼衆我寡。已佔低著。若華員不諳英文。會議時不能逞其辯舌。機宜坐失。而諳英文者。亦必須明敏堅忍。始克勝任。議者有添舉監督之說。豈知權在總管理處。合同早已訂明。雖有監督。實不濟事。其又棘手者。財政之權操於洋人。掌握用款。雖由華洋員簽字。而司帳者爲洋員也。分段司帳。其支發權仍在工程司也。購料事宜。向由怡和洋行經手。也行車總管材料總管。皆洋員專司也。皆彼衆我寡之因。以成事事掣肘之果。此臣接收後查悉。向來受病最深之處也。合同載明總管理處辦事章程。由督辦會商銀公司訂定。臣審知挽回補救之術。舍此無從下手。卽擬定章程。飭鍾文耀與銀公司商訂。至整頓財政事宜。臣接任之始。正與商部等原奏先行報部核准。方准開支之法。極相脗合。深以爲提綱挈要。莫重於此。除購地用款。向由華員主政者。自當遵照部議外。其總管理處工程用款。細繹原訂合同。祇聲明用出各帳。三個月後。轉咨各部存案。此時若強與銀公司爭辯。或逕錄原奏。函知彼若。按合同駁回。適於政體。有損與其行法。而致生阻力。不如用人而收復主權。故總管理處司帳。飭令加派華員分段司帳。繙譯飭由華員黜陟。怡和代購材料。飭改由總管理處自購。行車總管材料。總管均飭令添設華員。平權辦事。總

管理處總辦改派熟諳工程之道員施肇曾購地收支改派精於核算之道員于峻年蓋必任事有人然後權不外溢此臣接收後擇要補救之大綱也至全路工程用款本年三月據總工程師格林森呈出工程估單共需英金二百四十五萬七千餘鎊洋司帳莫立士呈出預算費用一覽表三百一十三萬六千餘鎊銀公司代表濮蘭德即伸出續借一百萬鎊之議迭飭滙局各員認真駁辯旬月迄未就緒格林森濮蘭德來京更番討論旋飭鍾文耀等周履歷勘再行核減現議定支出之數計工程估單二百萬零七千鎊撥還淞滬官本十二萬五千鎊借款利息三十萬零七千五百鎊購地款三十五萬鎊實需支款二百七十八萬九千五百鎊內除去收入之數計初次借款九扣實數二百零二萬五千鎊回息八萬一千二百五十鎊預算行車進款一十五萬鎊另由臣附片奏明自籌購地款一十萬鎊四項外實不敷五十二萬三千二百五十鎊比款如須續借應添扣折及利息並預備意外之需暨路成兩年復添築岔路各項共約需六十五萬鎊臣前函報商部截至二月底止倫敦存英金六十五萬鎊上海存銀二百八十餘萬兩此兩款即在所收初次借款二百零二萬五千鎊之內爲每日備提工程購地之需商部等未將此數彙入統算以爲另有存款不知除去此兩宗存款尙不敷六十五萬鎊也此項不敷工款如可由部籌撥自無須再行續借臣非

交通

度支部農工商部郵傳部奏覆滙齊鐵路借款摺

二百二十三

丙午

管理財政能否撥用無從深知然驟添此六十五萬鎊約合銀四百七十萬兩恐部庫一時實難籌撥數月以來迭與京局滬局各員極力鈎勒節省此不敷之數實不能不早預備且此項小票中國人民本可購買自當先期出示登報以期收回利益此次銀公司請續借一百萬鎊臣減爲備籌六十五萬鎊原訂合同九扣交付臣細察邇來中國借款時價日有起色此次續借六十五萬鎊計可加至九五九六之數現在通盤籌畫十二年半以後尙可藉行車餘利分年拔本還息似購路不至無期倘因款絀中止則此路吃虧更甚再四籌思不能不出於續借等語當經臣部片商農工商部去後嗣據覆稱滬甯鐵路接收情形以及受病之處補救之術原奏言之綦詳自應仍令該大臣按照原奏於用人理財兩端實力整頓並遵照本部迭次奏咨將每月收支款項數目已成未成路工段落切實報部互相稽核以冀挽回權利至款項一節本年四月間准該大臣函稱迭據銀公司代表濮蘭德再三爭辯業經曲爲解喻杜其冀幸之私續借一節銀公司現已緘默並稱現在存款數目倫敦存款截至本年西二月底存英金六十五萬鎊上海通商匯豐兩銀行暨各錢莊存銀二百八十餘萬兩等語函內並未聲敘應歸已成路工之內抑在已成路工之外是以議覆內閣學士吳郁生摺內卽據以陳明現查該大臣原奏於收支各項逐款開列出入相抵實不敷五十

一萬三千二百五十鎊加以續借折扣利息等款共約需六十五萬鎊並聲明前報存款即在所收借款二百二萬五千鎊之內爲每日備提工程購地之需核計數目尙屬相符等語度支部查該大臣所陳出入款項及不敷數目現經農工商部核計數目相符臣部一時遽難籌此鉅款所有該路不敷之六十五萬鎊自應准其續借應請飭下該大臣妥訂合同照數借用以重款項而竣路工謹奏奉 旨依議

署兩廣總督岑奏陳粵漢鐵路交商接辦情形摺

竊查廣東籌辦粵漢鐵路前因商民集股有成舉定總副辦各員經臣奏明請歸商辦嗣後迭次電請外務部代奏光緒三十二年閏四月二十四日奉准軍機處電奉 旨岑春萱電奏悉昨已有旨諭令督商籌辦如果原舉各商結實可靠卽著責成該署督認真督飭妥籌辦理總期早日開工有裨路政欽此當卽欽遵督飭籌辦各商聞命之下歡聲雷動外省外埠爭先電匯路股據鐵路公司總辦在籍道員鄭官應等稟報截至本年閏四月三十日停收股份止共收三成小股銀八百八十一萬七千五百六十二元以每股五元伸算實已認集股本銀四千四百零八萬七千八百一十元爲數之鉅認股之速實爲中國辦辦公司以來所僅見斯皆仰蒙 聖明垂念路政體恤輿情凡屬商民莫不感激思奮用能驟集鉅款

交通

粵漢鐵路督岑春萱奏陳粵漢鐵路交商接辦情形摺

二百三十五

丙午

交 通

署兩廣總督岑奏陳粵漢鐵路交商接辦情形摺

二百二十六

十一月

踴躍圖成臣以路款既已充裕總副辦亦經舉定自應欽遵 諭旨交商接辦以期早日開工經將原收義商合興公司交存材料物產於本年五月初二日派員點交商辦鐵路公司接收其前項物產及已成之省佛三水枝路行車溢利均係三省公共之業並令鄂省派來之湖北補用道存濤湘省派來之在籍翰林院編修蕭榮爵公同點驗管理商辦公司既經成立則以從速開工爲要義惟路工之良窳視乎工師之能否得人據該公司請調北洋工程師詹天佑回粵勘辦路工經臣奏奉 諭旨允准嗣由督辦山海關內外鐵路大臣袁世凱等以詹天佑總辦京張鐵路工程正在喫緊奏請仍留辦理京張路工咨會轉飭遵照旋據該公司另請電調幫辦京張路工道員鄭孫謀回粵辦理粵漢鐵路工程復由臣電咨袁世凱飭令該員回粵據該公司稟准札委充當總工程師並飭將路工迅速勘明刻日興築在案查商辦公司按照商律應由衆股東選舉董事人員總持綱領並舉查察各員稽查一切經各股東先期宣布於七月初一日集衆投筒公舉以多數取決計舉定董事十一員查察兩員查帳三員所舉董事人等姓名據該公司稟經咨報商部註冊嗣因原舉董事第十一名之華益公司並無姓名核與商律不符應卽扣除卽以其次之梁浩廷推補又原舉董事羅星橋一員查察唐彤階一員續由各股東查有冒名瞞舉情弊聲請復將以次之

方善亭何弗祿二名分別揆補亦經報明商部立案此粵漢鐵路交商接辦電調工師選舉董事之情形也伏查粵漢鐵路聯貫湘鄂粵三省軌道綿亘工程浩大將來與京漢鐵路接軌實為南北往來要衝此次粵省商民力圖公益踴躍集股俾路事得以藉手免啟外人覬覦之心其保全利權裨益大局實非淺鮮現在公司既立董事各員亦經舉定所期在事人等辦理悉遵商律部臣疆吏合力維持庶幾早日告成以仰副朝廷興舉路政之至意謹奏九月十六日奉 旨該部知道

奉天將軍趙咨外務部日本南滿洲鐵道公司條例及定款駁議

一日本條例按即日本頒發之南滿洲鐵道公司條例以下均稱日本條例第一款及其定款按即日本頒發之南滿洲鐵道公司定款以下均稱

定第一款云本公司奉日本帝國政府之命令而成立查中俄合辦東省鐵路合同以下

原合發端所載本合同之訂定由光緒二十二年七月二十日之 諭旨允准今名義不存

主權即失其他用人行政監督考察之權亦即隨之而去或謂路歸日本曾經中政府之允

諾公司設立之權自當操之日手詎知中日議訂條約以下第一款之概行允諾云云者

係指由俄移轉之一切權利關於地則租借權關於路則合辦權我國之權利固未嘗允諾

在內如其不然條約第二款造路原約實力遵行云云果何所指耶 一日本條例第六款

交通

奉天將軍趙咨外務部日本南滿洲鐵道公司條例及定款駁議

二百三十七

丙午

定款第三條均有設總公司於東京設分公司於大連之語此又視路權為日本獨有之證而抹殺我國之合辦權者也查中俄原合同第一款載明總辦可在京都指北居住又云專派人在京都居住以期一切事情就近商辦綜此以觀即可推定當時彼此約定設立總公司於北京矣證諸東清鐵道條例此為光緒二十二年中國允許俄國所定之條例其性質與九九頁四之說明書第八項亦有置事務所於聖彼得堡及北京之語日本設公司於東京與俄設公司於聖彼得堡同設分公司於大連則不遵行原合同矣 一日本條例第三款及定款第四條所載各節背約尤甚遺患尤大查條例第三款載明日本政府得將滿洲鐵路及其附屬財產並煤礦等充作資本據此以論我國之資本何在又按定款第四條第一項所列各鐵路如大石橋營口間鐵道即光緒二十四年中俄續約所稱東省鐵路南滿洲枝路之一部該約第三款有云東省鐵路公司為建造南滿洲鐵路需用料件糧草運載便捷起見准其由此路暫築枝路至營口及隙地海口惟造路工竣全路通行貿易後公司應遵中國政府知照將諸枝路拆去總之自勘定路線撥給地段日起一過八年必定拆去然則此大石橋營口間之鐵道明明為鐵路需用各物便捷起見所暫設自撥給地段之日起經過八年即當拆去今日日本政府將此充作資本並不明定年限欺其商人者猶小而欺我國



者更大。又如煙臺煤礦間鐵道蘇家屯撫順間鐵道均屬枝路之一部。即包括在諸枝路之內。即當遵中俄續約第三款之約定。經過八年。必當拆去。何得充作資本。至安東奉天間鐵道上年已中日議訂東三省條約附款另立專條第六款聲明自改良竣工之日起以十五年為限。價售與中國。未售以前准由中國政府運送兵丁餉械。可按東省鐵路章程辦理。是中也至該路改良辦法應由中日特派人員妥實商辦云云。今日日本又漫然充作資本。不立年限。歸屬於日本監督權之下。此時不與重申前約。不特我國難與商辦。且并十五年之限期亦因承認定款之故而自拋。新約然此皆關於鐵道。猶不過年限之爭而已。至定款第二項附帶事業之礦業。指明為撫順煙臺之煤礦等。該定款第二十二條則又專立一項。以此作為日本政府之資本。是直攘奪他人之財產而歸屬於自家之倉庫。似文明如日本今日不應以此等手段也。今將撫順煙臺二礦開辦之緣起及中間彼此之交涉證明於下。即可知擅充資本之背約無理。

(甲)查撫順千山臺煤產由職商王承堯設立之華興利公司承辦。係由前將軍增奏明奉旨允准之案。後由王承堯添招華俄道勝銀行六萬兩之股。係未經大部核准。又未經奏明之案。日軍視為華俄合辦。強行佔領。果何所據。況前次因王承堯稟請設法保護。已函致

關東都督大島義田旋據復稱有希望照會駐京日使之語即可證明日本政府並未認撫順煤礦歸日本占有儘可據中日議訂東省條約第四款請其交還今漫將撫順煤礦列入明明違背條約故意混入定款之內應請查照前案先向駐日公使提議要請更正即使日本以先有道勝銀行股本六萬兩爲詞要請由中日合辦亦可據約以爭蓋中俄合辦之事因日俄條約之結果由我國允諾而與日本合辦係專指我國與俄國合辦有條約暨合同者而言其範圍至明今王承堯私招道勝銀行股本六萬兩係未經奏明部准卽與中國政府與俄國政府合辦之事明訂條約合同者不同如日本仍強謂此礦確係中國政府承認俄國合辦可請其註明證據日本必無詞矣

附呈撫順千山臺煤礦由職商王承堯開採始末

撫順千山臺煤礦曾於光緒二十七年八月由前將軍增暨奉天府府尹玉奏請翁壽王承堯開採在案於二十七年十月二十四日奉 硃批著照所請該部知道欽此後復以翁壽等承辦之礦歸併王承堯辦理名曰華興利公司二十九年王承堯稟稱招華股十萬兩添招華俄道勝銀行股銀六萬兩并附呈合同於二十九年六月由前將軍增咨行大部在案二十九年七月准大部覆咨未便據咨立案應奏明辦理前將軍增并未具奏

日俄戰爭後日軍佔據該處礦廠王承堯稟請商部設法保護三十二年准商部咨由奉省查明酌核當即函致關東都督大島義田旋據覆稱千山臺炭礦既係屬貴國商人所有請照中日東省條約第四款交還等因准此查此事本處難以直接答覆希望貴國外務部照會俄國公使等語於三十二年閏四月咨呈大部暨覆商部查照

(乙)煙臺煤礦惟磨臍山之礦前經俄人開採此外附近鐵道三十里之內皆屬平原再無礦產該定款內載煙臺二字語涉含混想係包尾明山張家溝大榆溝在內查以上三礦係在附近鐵道三十里之外不得以煙臺概括且昆明山一礦係由前將軍增奏准官辦之礦毗近張家溝大榆溝二煤礦係前將軍增發給執照官督商辦之礦與本係由俄開採訂有專約者不同上年中日東省條約正約第一款中國政府將俄國按照日俄條約第五款及六款允讓日本國之一切概行允諾查日俄和約第六款有屬於爲其利益所經營之一切炭礦之文此句係照日本外交時報所載之文釋出以前我國漢譯之文或有不合之處不必引以爲據是明明指俄人所經營者而言今昆明山張家溝大榆溝各礦全係華商承辦非俄人所經營即不能據爲南滿洲鐵道公司所有又東省中俄續訂合同第四款有准公司在此枝路經過地方開採需用之煤礦計斤納價不得過別人在該地採煤所納之稅數可知俄人得開採此枝路之礦他人亦得開

交通

奉天新報外務部日本南滿洲鐵道公司條例及定款駁議

二百四十一

丙午

採今混稱之曰煙臺列入該定款之內作為日本政府之資本是煙臺之一切煤礦均歸該公司開採而他人反無開採之權矣計斤納價之約置諸度外更不待言前次日軍強佔時曾派員向日本軍政官磋商後得有許可三處開採之據存案旋又來咨有他日南滿洲鐵道公司始認為必需撤止之前決定許其接續採掘之語然則彼之許可三處開採者仍不過一時之計終難持久現經大部咨明日本公使林尙未見復此次應請將前次各礦先向提議劃清界限即附近鐵道之煙臺界內非俄人所經營已由華商開採者亦應劃出不得混入即開採附近鐵道三十里以內之煤礦亦應查中日會議錄第十節凡附近礦產無論已開未開均應妥訂公允詳細章程以便彼此遵守之條不應於兩國未經妥訂章程以前遽列入南滿洲鐵道會社定款之內又須查照中俄東省續約第四款所採煤斤一律納價不得藉口為戰利品置新約於不顧

他如水運電氣倉庫等附屬營業當聲明以鐵道需用為範圍不得藉端擴張

商民之食水用水因鐵道電氣包攬商民之一切倉庫等是也 一公司之公告亦與主權有關據

該定款第六條所載全由日本主持亦與原約不合當與設置公司同例一歸日本官報布告一歸中國官報布告 一該公司條例第九條總裁副總裁經勅裁後由政府命之第十

二條政府置監理官令監視公司之業務該定款第三十六條亦有同項之規定查中俄所訂合同第一款有該公司總辦由中國政府選派之文又按第二條所載凡勘定該鐵路方向之事應由中國政府所派之總辦酌派委員同該公司之營造司暨鐵路所經之地方官和衷辦理日本擅設總裁副總裁等即非實力遵行原約之證前函於此一層業經提明不特與之並設而已且當由我國專設者也萬不得已我國亦當據原約特派總辦經理其事一如該定款第五十三條之算分利息五十四條之外債保證五十五條之債息補給五十八條之墊費償還五十九條之議會協贊皆於合辦之權大加侵害而不遵行原約者也

以上各節就其條例定款比較而得之者其背約已若是試更按中俄原合同之各條爲日本政府所未提明者列舉如下 一公司鈐記應由中國政府刊發見原合同第一款 二勘定之路遇有廬墓村莊城市皆須設法繞越見原合同第二款 三軌路寬幅應合中國尺四尺二寸半見原合同第三款 四該鐵路及鐵路所用之人皆由中國政府設法保護鐵路地段命盜詞訟案件應由中國地方官照約辦理見原合同第五款此款規定關係甚大鐵路及其所用之人既云皆由我國保護則其沿道軍隊之設置藉口保護鐵路自屬無用他如鐵道警察亦得據此爭阻之 五該公司建造經理防禦之地又於附近開採沙

土·石·塊·石·灰·等·項·所·需·之·地·若·係·官·地·無·價·給·若·民·地·則·照·價·納·租·去·礦·苗·處·所·則·另·議·辦·法·見·原·合·同·第·六·款·此·與·該·定·款·第·四·條·第·二·項·及·第·二·十·二·條·第·二·三·號·極·有·關·係·較·之·原·合·同·有·範·圍·廣·狹·之·別· 六·水·陸·各·軍·及·軍·械·過·境·不·得·藉·故·逗·遛·於·鐵·道·中·途·見·原·合·同·第·八·款·此·亦·與·沿·道·設·兵·有·關· 七·外·國·搭·客·非·有·中·國·護·照·不·得·於·中·途·擅·入·內·地·見·第·九·條·此·所·謂·外·國·者·指·中·國·以·外·之·國·而·言·所·以·防·患·未·然·者·至·周·且·備·日·本·若·謂·當·時·除·俄·國·在·外·今·日·當·除·日·本·在·外·然·則·訂·約·當·時·何·以·不·言·中·俄·以·外·之·外·國·搭·客·而·曰·凡·外·國·搭·客·可·知·包·括·無·遺· 八·中·國·貨·由·鐵·路·入·俄·界·俄·國·貨·由·鐵·路·入·中·國·界·均·須·照·通·商·稅·則·減·三·分·之·一·交·納·進·口·出·口·正·稅·見·原·合·同·第·十·款·俄·之·權·利·移·轉·與·日·前·之·俄·界·即·今·之·日·界·矣·今·之·日·界·維·何·遼·東·半·島·之·租·界·是·進·出·納·稅·所·關·甚·鉅·與·大·連·設·關·同·一·切·要· 九·中·國·所·有·公·文·書·信·函·運·送·不·須·給·費·水·陸·各·軍·及·軍·械·之·運·送·半·價·見·原·合·同·第·十·一·款· 十·自·路·成·開·車·日·起·經·過·八·十·年·中·國·政·府·得·不·給·價·而·有·此·鐵·路·及·鐵·路·一·切·產·業·又·經·過·三·十·六·年·中·國·政·府·有·購·回·此·路·之·權·利·見·原·合·同·第·十·二·款·此·款·關·係·極·大·該·條·例·及·定·款·均·不·提·及·欺·人·欺·己·莫·此·為·甚·亟·應·扣·除·俄·國·開·車·年·限·另·訂·日·期·以·為·收·回·之·預·備· 十·一·枝·路·由·幹·路·擇·站·達·至·遼·東·旅·大·海·口·悉·照·東·省·中·俄·合·辦·鐵·路·公·司·合

同見原約。此指二十四年之續約發端此款係定築造枝路之範圍僅在遼東旅大海口他處枝路本非原約所有查日本定款第四條列指各線前已述明其不當將來難免更有增設之處利權所在務宜及早防範。又查原合同第十二條載明此路既成開車之日由該公司呈繳中國政府庫平銀五百萬兩按此路成於日俄戰爭以前當時該公司是否已將此款繳足今俄國既將此路之一部分讓與日本若此五百萬兩猶未繳到應向俄國詢問此項款項是否仍歸該公司負擔其一部若歸日本負擔當提議時亦須一并聲明。

### 各省郵政彙誌

山東○魯省郵政日漸推廣現各州縣暨著名巨鎮業經次第建局收發信件約有一百六七十處惟齊東臨邑萊蕪陽信海豐濱州濰化青城商河邱縣武城陽穀壽張嘉祥范縣朝城觀城堂邑博平濟平莘縣館陶等州縣尙屬闕如近省城郵政總局設法推廣將在各處陸續設立分局云。

湖南○湘省郵政除省城分局已添派四處外近又由總局派人前往彬州永州澧陽州等處添設分局至是而上游各州縣已遍設矣。

貴州○黔省僻處深山風氣閉塞近由畢節縣楊紳汝楷稟請省憲於各府州縣增設郵局以便開通民智裨益新政當奉批准飭查推廣如郵費不敷局用或將塘兵歲餉舖田租息酌撥津貼。

### 各國航路彙誌

日本○日本郵船會社近與美國北太平洋鐵路公司訂立合同聯合航路使大西洋郵船由加拿大之孟特里爾埠連接○日俄戰後東洋汽船公司至南美洲之海運一業頗著成效近議再行推廣經稟准海軍省租用南保九笠戶丸兩輪自長崎經香港至南美洲每年約定五次往返云

法○法人前擬擴張航業於汕頭近已租定房屋開設洋行備有汽船六艘專走安南暹羅汕頭廈門福州上海等處  
英○英人近在德國漢堡設立商輪公司備有汽船十三艘定期西十月下旬自漢堡開往遠東其航路線為暹羅越南呂宋爪哇中國日本大連灣旅順口海參崴及馬達加斯加律尼恩馬利朱斯等各島云

美○美國與檀香山人合資設立輪船公司來往紐約墨西哥大西洋各港及舊金山檀香山並東方各港共備汽船十二艘定於西曆一千九百零七年正月間開行

### 各國路政彙誌

日本○日本自大阪至東京之電氣鐵路已由各紳董議妥合辦呈請允准布設營業期限九十九年資本金豫定七百萬圓

暹羅○暹羅鐵道起點盤谷自千八百九十一年起工後近今官設私設者逐年加增據最近調查知已成線中屬官設者五百七十五啟羅適當屬私設者七十二啟羅適當其尚未竣工者官線二百九十五啟羅適當私線三十四適當



小說

空谷佳人續前

第十七章

時夜亭午萬籟無聲惟新月一珪斜挂木末於數碼外隱約見孤宅矗立於曠野中爾忽聞有聲自後迭呼曰兄乎兄乎兄其將捨儂而逝乎回顧見女從穴口出指新月而問卜曰彼殆巨燭乎卜急止勿聲耳語約偕遁女若弗聞也者昂首四顧見疏星睒睒以微雲顧而色喜復指問何物卜曰徐當語汝今速從余去少須則弗及禍且至矣女乃低聲問曰將行乎曰然曰行將何之曰汝無須詳問姑從余行可爾女又欲入穴卜亟止之趣從已速行否則將舍之獨去女指穴口而言曰吾儕將盡捐此中各物乎曰吾儕他適良不須此不盡捐之胡爲曰儂渴欲飲入取盃水可乎卜頷之乃相攜偕入女飲水訖卜囊貯食物少許以備不時之需遂行計自入穴至此凡四月有三日矣既出穴躡足由屋後繞至孔道登小阜下視第見海上波濤如山水天一色女喜呼曰大哉大哉卜至此始敢發聲與語曰此卽海是也吾與汝足所踐者爲陸女俯視地下草曰此綠乎卜曰否此則草爾於是下阜取道趣老

倫敦路漸近通衢。沿途細草如茵。芊綿可愛。卜久不見。此心殊愉快。女初涉世。觸目驚喜。更不待言。行次。絮絮問難不休。卜頗苦其煩。半置弗答。途值一媪。攜一力。負戴迎面來。卜乍見疑爲匪人。大懼。女益震懼。蜩縮伏下。後比來者行近。月光下覩其面。乃卽卜之逆旅主婦。曰白海姆者是也。媪顧謂卜曰。君非卜乃德乎。許久不見。今胡爲至此。卜曰。僕事殆非立談可罄。方欲走謁。不期而途遇於此。顧君恩恩欲何之乎。曰。余子臥疾南山病院中。今晨得電。故往省之爾。卜躊躇曰。何所投之相左也。今且奈何。媪問君殆有事就商於余乎。卜曰。然。曰。卽此不妨。明告卜曰。非不欲告。不勝告爾。要之僕備歷艱苦。今始脫阱而苦無棲身地。欲仍僦居君許可乎。曰。是固余所引領而望者。尙何不可之有。惟余扃戶出乏人爲君執爨耳。君苟不以爲嫌。語次。卽出一鑰授卜曰。幸卽以此去。啟門而入。可爾。余尙須疾行。趁火車。遲恐弗及。續當馳函相告也。語未畢。猝覩女。急問此女郎阿誰。卜曰。是僕患難之交也。媪遂別卜。應慮行。卜亦攜女迤邐前進。女以媪爲問。卜具告之。且言將就與同居。女問其穴安在。卜曰。汝猶意人皆穴居乎。是大不然。俟詣彼後。汝始知屋之異於穴也。且行且語。以抵媪居。已平明。啟鍵入室後。女驟覩各物。無不咄咄稱異。而於其中尤愛鏡。與花方其穴居時。恆以池水照影。至此猶以鏡爲水。卜爲具道鏡之功用。女乃恍然復拈花而笑。把翫不忍釋手。卜計朝曦

將上。因趣女眠。爲闔百葉窗。扃戶而出。途遇亨利。急引身避之。已弗及。乃前與爲禮。亨利見卜。駭曰。君非卜乃德乎。聞已詣美洲。歸何速也。卜不知所對。惟問女公子別來無恙否。亨利怒曰。君此行殆專爲余女乎。曰然。曰汝已致富而歸乎。又曰然。亨利益怒曰。汝慎耶。抑醉耶。夢耶。汝去此甫四月。遽能致富而歸乎。以誑孺子。猶不之信。而況於余。卜曰。無多詞費。僕富則娶若女。否則已耳。僕固知君不欲與窮措大結冰玉緣。賺僕遠行。徐爲若女擇嘉耦。庸詎知僕暫出。卽擁巨資歸。今當如約。少須卽來。委禽幸毋食言也。矧女公子之心許固已久矣。君亦何事。斷斷爲語已。欲行。亨利曰。君何由致富。盡以實告。曰。致富之由。實不能遽宣。惟僕所得金。已踰二萬鎊。或猶不止此數。亨利曰。二萬鎊乎。胡足以嚇老夫。汝亦知今之欲以二十萬鎊娶吾女者。固不乏其人乎。卜曰。女公子已及歲。婚姻自由之權。渠固有之。殆非父母所能侵也。渠苟自願之。僕苟力足以贍之。欲娶則竟娶之矣。他人雖金多。亦奚以爲。亨利尙欲有言。卜不顧而行。自思幸未他往。設遠出者。縱致富而歸。懼無及於事。徒感懷於綠葉成陰。子滿枝矣。未幾行抵中途屋門內。扃之良久。其祖父乃出應。隔扉問爲誰。卜不答。比門啟。卜入。問曾祖父安在。其祖父見之大震。顛聲言曰。汝人耶。鬼耶。余非禍汝者。汝曾祖父不在此。俟之可也。語已。反奔。絀於檻。而踣臥地。不能起。

第 十 八 章

卜。知。乃。祖。曩。傷。足。幾。殆。至。今。猶。未。復。故。猝。見。已。至。疑。爲。冤。魂。欲。逸。而。踣。頓。觸。舊。創。故。至。此。意。良。不。忍。視。之。僵。臥。如。死。奄。奄。一。息。亟。扶。之。臥。榻。上。良。久。始。甦。張。目。審。視。知。卜。固。生。人。而。非。鬼。乃。問。曰。卜。乃。德。汝。已。出。穴。乎。曰。然。曰。來。此。欲。奚。爲。得。母。欲。讐。余。乎。曰。否。願。曾。祖。父。究。安。在。曰。余。實。不。知。其。所。往。曰。渠。旣。不。在。此。他。日。歸。乞。祖。父。慎。毋。以。孫。已。出。穴。告。言。已。欲。行。乃。祖。急。呼。而。止。之。詢。穴。中。女。安。在。曰。已。攜。之。出。妥。置。他。所。矣。曰。何。所。曰。此。則。不。能。以。告。曰。汝。將。焉。置。此。女。曰。孫。將。白。諸。有。司。俾。嚴。究。之。自。能。水。落。石。出。曰。忍。哉。汝。也。遽。欲。置。乃。曾。祖。於。囹。圄。乎。宜。憐。其。耄。而。恕。之。曰。否。孫。縱。置。彼。奈。彼。不。余。宥。何。且。孫。穴。居。久。不。啻。長。繫。狴。犴。艱。苦。備。茹。請。令。彼。亦。一。嘗。此。味。乃。祖。失。色。曰。忍。哉。願。余。自。省。未。嘗。苦。汝。曰。然。祖。父。之。垂。愛。所。不。敢。忘。卽。有。事。亦。必。無。預。祖。父。第。願。祖。父。以。此。女。入。穴。之。顛。末。見。示。曰。可。卜。因。問。此。女。何。名。曰。此。則。不。知。曰。旣。不。知。何。由。落。汝。曹。手。曰。此。殆。非。片。語。所。能。罄。汝。之。曾。祖。父。尙。不。卽。歸。坐。談。少。時。可。也。於。是。爲。縷。述。女。之。所。由。來。曰。距。此。十。二。年。前。七。月。十。三。日。汝。尙。在。學。堂。讀。書。時。余。與。汝。曾。祖。父。居。家。忽。蚤。夜。有。一。人。踵。門。相。訪。期。以。十。二。句。鐘。艤。舟。相。待。於。某。處。事。畢。償。以。巨。金。余。等。知。其。所。託。爲。犯。禁。事。陽。執。不。可。久。之。始。以。金。五。十。鎊。成。議。其。人。乃。以。所。託。之。事。相。告。曰。有。一。木。匣。煩。代。

沈諸海。苟能不啟視而沈之。卽百鎊亦所弗愜。吾儕喜諾之。其人既去。汝曾祖父語余曰。初不知匣中何物。未嘗必欲啟之。今彼既堅囑。是必有異。轉鼓余欲啟之之心矣。余曰。然是夕遂賃一舟。艤於其處。以待預藏鐵鉗。以備啟匣之用。至十二句鐘。其人果攜一匣至。以授乃曾祖。曰。不啟視而投諸海。歸當如約以償。吾儕諾之。俟其去。卽解維疾駛。約距海濱二里許。乃止。而以鉗啟匣。秉燭視之。則闖然一六七齡女嬰也。相顧大駭。拊之體猶溫氣咻咻。然固尙未死。余欲拯之。汝曾祖欲沈之。爭執不決者良久。幸卒從余議。惟沈木匣於海。而載女歸。先紆道至中途屋。藏諸僻處。然後返艤舟處。其人尙立而待。審視無誤。始畀直而去。翌日。汝曾祖父謂余曰。此女嬰苟自死。則大省事。否則必置諸井底地穴中。免爲人覺。余諾之。汝曾祖他適。余視此女漸甦。念苟納諸穴而無人左右之。則六七齡病兒焉能自衛。必仍宛轉就斃。余旣拯之於瀕危。復何忍坐視其終死。不得已遂身自入穴。扶持調護之。自是余爲此女之阿保者。幾半年。余偶他往。歸視之。亦無恙。蓋無余亦不覺苦矣。爾後余始不與共處。穴中然猶日必入穴數次。省之。迨余遘疾。不利於行。始不復入穴。然猶日必一躬詣井畔。予食。以至今日。卜乃德乎。余於此女。亦可謂盡心焉耳矣。苟非余。則此女久化爲異物。汝猶憶余病中。曾命汝代予食乎。設非然者。汝又烏知井中之有此穴。與穴中之有此女也。語次。復探懷

出革囊中碎紙十餘片。以示卜曰。此非余疾亟時。猶堅握而不以示汝者乎。汝試讀之。自悉。余不知書。此蓋託衆友爲之。俾各分書一紙。余乃匯而藏之。彼曹雖手書。固不審此中之祕要也。乃教卜如法撮合而讀之。其文云。

山海文與脫白立之間。有中途屋。屋有井。井有地穴。穴中有少女。錮焉。不急往援者。女且餒死。

卜讀竟愕然。乃祖又曰。汝觀余待此女何如。生爲之謀。死猶弗舍。可不謂盡心乎。卜不知所對。初不意乃祖之爲人。仁慈至此。若云讐言。則碣鑿可憑。亮非虛構。且女穴居至十二年之久。苟無乃祖。將死骨已朽矣。復安得苟延至今。乃祖見卜默不語。因曰。汝其猶不信乎。則余無以自明矣。卜曰。此十二年中。女之衣食日用所需。計不止金百鎊。將何取給。乃祖曰。然。僅百鎊金。自不敷十二年之用。然余雖貧。此區區者。固尙不難致。卜又問。託棄女者。祖父曾識其人否。曰。余雖不識其人。然彼髮赤肩聳。固一望而知其兇狡也。時卜心旣軫念女。復虞曾祖父將歸。卽起與乃祖爲別。瀕行。乃祖猶堅囑善視此女。卜亦囑母俾曾祖父知之。遂行。

第十九章

卜得悉女之由來。此行爲不虛。心殊愉快。惟懼曾祖父之來迹爾。幸旅邸地處僻左。女又晝

伏夜動。不致招人耳目。恃此二者。差可自寬。乃隱名於各新聞紙中。徧登告白。以訪求女之親族。其畧云。

僕邂逅一女子。年約十八九歲。渠幼爲姦人所掠。不自知其家世姓名。訪諸識者。云渠迷失之時。蓋在一千八百七十有七年七月十四日。今爲僕所收養。儻其戚族猶有存者。欲晤此女。可惠函由脫白立郵局轉交。訂期面詳。一是。某敬白。

自此排日無事。惟時與女步月夜話而已。屢欲一訪庚孃。復懼爲亨利所訶斥。未幾於脫白立郵局得一書。貽書人爲林肯。云具知女之顛末。俟得報後。卽當詳告。卜得書。猶豫不能遽決。姑作書覆之。云已伴女不能頃刻離。如有要言。可來就商。或以書告。旣郵去後。越三日不得報。卜殊廼念。至暮赴郵局。忽再得林肯答書。意女事可得要領。喜極。急啟閱。詎來書乃正誤者。謂此女非其所失。緣告白中訛一千八百七十七年爲七十九年。以致誤認。閱竟大失望。袖書將返。甫出門。遙見數十碼外。有老翁褰裳若有所待。視之。則己之曾祖父是也。大駭。卽犇避。詎己爲翁所見。趣尾其後。卜止亦止。卜行亦行。踰二里許。地漸荒僻。無人踪。翁出白刃呼曰。來來。毋多言。今日與汝性命相搏。一決生死。斷不容汝洩余陰事也。卜初見其出刃而驚。旣而思之。反竊自慰。謂彼苟以手槍來。己分必死。今第以刃勢不能及。遠以弱冠壯男。

與百歲老翁競走。固不慮其追及也。因縱步狂奔。約里許。反顧。翁猶尾其後如故。不得已亡命而走。又里許。將達旅邸。見翁仍尾已弗釋。私計。苟導翁入老倫敦路。俾知女之所在。良非宜。不如隱身叢薄以避之。警覩道左有土阜。繚以高槐。急登阜遠眺。見翁於數百碼外。踣踞地上。似已力竭。不復能前追者。轉瞬已失所在。卜亦自取道歸旅邸。啟鍵入室。覓女不得。舍後故有小園。頗植花木。意其入園步月去。亟往覓之。仍不見。連呼之。亦不應。卜大惶急。跌足曰。噫。是必墮曾祖父轂中矣。曾祖父身自追余。以羈余。使不得歸。而陰倩其徒出不意。來此劫女去。今將奈何。女苟復爲曾祖父所得。必無生理。余欲拯之。使免於難。孰知反以速其死。於情奚忍。計不如詣中途屋決一死鬪。苟能奪女出。固佳。卽不然。與女駢死。亦所甘心。方奮欲往。忽聞笑語聲。漸迫。急視之。則女偕別一女郎。攜手入園。女郎之顏色。猝接眼簾。卜斗覺惘然。木立若癡。幾忘身在何地。噫。真耶。夢耶。此女郎胡爲乎來。此間也。女郎爲誰。蓋卽卜意中人。庚孃是也。相見之下。悲喜交集。恍如隔世。趣前握手爲禮。庚孃問卜曰。君美洲之行。其竟不果乎。卜曰。卿方欲續及別後事。女遽僂言曰。兄乎。僂偶出園散步。邂逅此女郎。遂與偕來。庚孃顧問。卜曰。此卽君之妹乎。女復僂言曰。彼卽儂之兄也。卜亦曰。彼蓋僕之義妹也。女頗欲盡言。卜急止之。而共庚孃語。庚孃曰。適道值此女。敏其姓名。則以苦命女對僂。驟聞之。



已覺有異。既而覩其憨態。瘡極奇特。試詢所往。則以覓兄對問。其兄爲誰。乃復不能答。孰知君卽其兄乎。君以何時來。此卜曰。來此已數日。女至此不復能忍。遽問庚孃曰。君有兄乎。庚孃曰。無之。女復曰。彼卽儂之兄也。儂愛之甚。自穴中遇兄。以至今日。行坐相守。斯須不忍離君。無兄固不知有兄之樂也。卜厭其煩。復止不令語。庚孃問適所謂穴者云何。卜方欲告之。會一人突自外入。卜皇惑不知所爲。疑己之曾祖父。追踪而至。急審視之。則固非是。噫。此何人耶。

第二十章

自外入者非他。蓋卽庚孃之僕是也。入語庚孃曰。主翁已歸。命速迎女公子。反少緩。則怒發矣。庚孃乃起與女接吻。且諄約後會。卜知不可強留。乃送之出門。庚孃旣去。女問卜曰。庚孃何如人。耶。卜初不欲以己二人情好告女。旣而語時。忘情遽傾倒而出。之女聞言。若有不豫色。然卜亦頗自悔。失言念女。雖出穴。然無家可歸。今渠雖未諳世故。而一見庚孃。已覺隱含妒意。異日苟見己與庚孃結婚。必且怨恚無已。將焉置此方凝思。聞女忽謂卜曰。曩凡於兄之言。無不樂聞。適聞兄言庚孃之事。儂頗厭聞。殆欲掩耳。若是者何也。兄允長爲儂之兄。今觀兄與庚孃之情狀。殆不克長爲儂之兄矣。是又何也。卜聞言不能對面爲之頰赧然者久。

之始強謂曰此殆緣汝愛余之深爾女曰然儂與兄相依爲命者數月寢食必偕其愛兄實有不可勝言者度庚孃未必及此兄之愛庚孃勝於儂乎卜仍不能對惟曰否否女復曰然然庚孃之貌我見猶憐而其衣飾之華妍復勝儂百倍儂弗如也儂弗如也語次遽淒然欲泣卜驟聞女言直如迅雷震耳噫初涉世之人已解爭妍競寵如是乎忽聞敲門聲甚急疑爲曾祖潛從窗隙中窺之則亨利也亟啟門延之入相與握手爲禮見其膚栗股弁脣動齒擊欲語復止如是者再狀殊狼狽卜不知其故惟見厥狀而憐之因問君得母病乎亨利曰否否僕非病第追維往事不獲自安故作此態爾幸勿訝也適庚孃自君許歸爲吾述一奇事語次張皇四顧若懼有竊聽者見無人乃言曰聞君近邂逅一女子有之乎曰然曰果得諸穴中乎曰然曰余亦夙聞有此穴第不深信今果有之亦奇矣哉君曩謂已得巨金亦得諸穴中乎曰然時亨利貌恭而言遜迴殊平日之倨慢卜大異之而終莫測其故將謂其趨勢歟則已所得僅二萬鎊亨利家故富饒斷不致涎此區區而遂折節方欲一敏其來意亨利遽曰余此來非徒意在問奇蓋別有所求君能見許否卜曰容徐議之可從則從第不知君所欲就商者爲何事曰余竊知此女之來歷欲得而拊育之卜曰不可僕方覲覓得此女之戚族送之歸去亨利曰苟覓之不得則此後一切資給取之於僕可爾抑君入穴邂逅此

女之由。可得聞乎。卜猶豫不卽答。良久始爲之。蠱述梗概。亨利問女。猶自憶其見錮之由否。卜曰。已忘之矣。方問答間。會女自內出。猝覩亨利。木立。瞠視者久之。乃言曰。曩手刃伏籬邊。突出欲殺余者。非卽此人也耶。亨利曰。異哉。此女云何。吾所不解。卜知其中必有他故。否則鄙吝如亨利。詎肯慨然解囊濟人之厄者。卽女言亦大有因惜其不盡憶往事意者。亨利或卽曩託沈匣之人。亦未可知。因卽以語代覆之曰。此女愁如童稚。所言多不可憑。或者適見余之曾祖父而誤認耳。亨利曰。汝之曾祖父老彼得。適來此乎。曰。然。亨利起立曰。女公子母恐。余此時將少別。詣近處一行。卜問君將何往。得毋往覓家曾祖乎。亨利不答而出。卜意殊不安。坐以待之。久而不反。乃詢女曩果何所見。女曰。彼人非欲殺余者乎。卜曰。汝意彼爲惡人乎。女曰。然。曰。此時汝猶畏之否乎。曰。余與兄俱何畏之。有惟兄他出。余一人獨居。恆覺慄慄。爾語至此。斗聞槍聲。砰然。噫。亨利。忽往覓老彼得。胡爲乎。或者渠與老彼得有夙讐乎。不然。此槍聲。胡爲乎。來哉。卜與女互相驚異。少須。女就寢。卜亦倦而隱几假寐。竟夕。目不交睫。天明。甫明。忽聞鞞聲。橐橐推門而入。視之。則亨利也。面有喜色。而含倦容。似亦竟夕失眠者。甫入門。不待卜起。與爲禮。卽詢夜來曾聞槍聲否。卜未及答。亨利又曰。昨宵爲時過晏。慮吾女庚孃久待。故未及報命而遽歸。幸宥之。卜問君昨夜究何所爲。適以槍聲見詢。得毋卽君

所發否。曰：然後當詳告。今姑置之可爾。卜曰：昨夜久遲不至。初不意君以念女故，造反足徵愛女之深。亨利曰：然較諸君之愛吾女，奚若？卜曰：殆尤過之。亨利四顧不見女，因問女安在。卜告以已臥，且言女穴居至十二年之久。二日之官失常，居恆俾晝作夜。今方在睡鄉。亨利曰：大是可憐。幸荷君之垂注，致有今日。後此資給第一，取於僕可爾。卜曰：余愛之深，雅不願渠分受他人之惠。異日者，苟能訪得其家而歸之，則固所願耳。亨利曰：既愛之深，何不卽納之？卜曰：惡是何言！僕已與君女有成言矣，不可改也。卜曰：君既不欲與諧，伉儷而久同居，不無涉瓜李嫌。且狎處既久而愛情日篤，揆之恆情，亦所不免。僕非爲吾女計，實爲君與此女計。懼他日離別時，徒增感傷而戀難舍爾。卜曰：君言良是，但恨一時處之不得善策。亨利曰：今君當稍稍疏遠之，或俾居僕處，與吾女偕。君日與晤談，一二次足矣。然言之在我，從不從在君。幸蚤自決，卜初懼亨利有他意，既察其意頗誠，欲從其言，躊躇至再三，終謝之曰：君意良厚，惟幸能訪得女家而送之歸，則僕可無間。然否則僕固不能須臾離也。亨利曰：君登告白者有日矣，何寂無應者？卜曰：然苟旬日後尚無所得，僕將倩偵探調之。亨利曰：此策亦佳。惟世風澆偽，安保無射利之徒，踵門而冒認女之父兄者，是亦不可不慎。卜曰：敬聞命。亨利復曰：君欲覓偵探，頃已得其人否？曰：未也。曰：余所識名偵探有安述路者，頗能事，當爲君介紹之。曰：不知其人能勝任否？曰：是則未可知。君徐觀其後效可耳。余來此已久，所以爲此女謀者，殆無不盡。今事畢，將興辭矣。卜亦不固留，亨利遂出。

下期續印

# 雜俎

## 光緒三十二年十月中國事紀

▲為記者以此事之見於是日也  
△為記者以見報之在是日也

十月初一日。△駐紮日本長崎領事及華商。以中日條約期滿。電稟公使及政府。請於續約聲明。以最惠國相待。又因日本不還華商家屋稅。請與日政府交涉。初二日。▲派奉錦山海關道梁如浩。津海關道梁敦彥。與日員開議接收營口事宜。△練兵處議定先派陸軍學生七十人赴日本留學。自後歲派百人。由各省咨部合派。△農工商部咨行駐法使臣劉式訓。允入巴黎萬國商會。▲以誠勳調補廣州將軍。清銳補江甯將軍。▲漢口大火。初三日。△商部咨行各省督撫。發給外埠華商回籍護照章程。初四日。▲南洋練軍大操。△查辦奉天事件。大臣載振徐世昌。自奉天至哈爾濱。初五日。

雜俎

光緒三十二年十月中國事紀

▲那桐張百熙奎俊。均賞西苑門騎馬。▲戴鴻慈陸寶忠張亨嘉沈家本。均賞紫禁城騎馬。△學部定立章程。自後教會學堂。不准立案。初六日。△直督袁世凱。奏請開去各項兼差。專練第二第四兩鎮陸軍。餘均改隸陸軍部。准之。△定嚴禁鴉片章程。初七日。▲查辦奉天事件。大臣載振徐世昌。自哈爾濱至齊齊哈爾。初八日。△日本力索臺籍富商林謀昌。外務部電飭興泉永道交還之。△封漢口江報館。經理李伯敬被拘。△浙江縉雲縣知縣范傳衣被劾落職。遷怒學界。拘留學生梅枝施以酷刑。紳民大憤。初九日。△改軍機政務兩處章京為實官。初十日。▲廣東潮汕鐵路開車。▲農工商部設立勸工陳列所。△浙江臨海縣天主耶穌兩教民。閏。十一日。△南洋華商建文廟。△學部咨行各省。自後各學堂管理員。概由提學司札派。十四日。▲郵傳部侍郎胡燏芬卒。十五日。△查辦奉天事件。大臣載振徐世昌。自齊齊哈爾至吉林。十六日。

五十一

丙午

△外務部咨行各省。自後新開商埠。無論華洋各物。均加徵碼頭稅。撥還開辦經費。▲日本交還營口。▲上海南市總工程局。開週年紀念會。十七日。△義使要求自上海至浦口鐵路權。外務部嚴拒之。十八日。△在籍刑部右侍郎伍廷芳奏請開缺。並辭修訂法律差准之。十九日。△廣東粵漢鐵路開股東會。公舉查帳員。△御史蔡增源以被控故。交法部嚴訊。△豫撫張人駿。通飭各屬查禁洋商在鐵路附近違約購地。二十日。▲以聯豫爲駐藏辦事大臣張蔭棠爲駐藏幫辦大臣。△吏部新定章程。凡照例引見之員。均須考試。▲日本交還營口條約簽押。二十一日。▲諭飭晉藩吳匡開缺。以晉撫恩壽劾其庸闇溺職也。▲江西萍鄉縣會匪起事。湘鄂贛三省。派兵會剿。二十二日。▲以竇葵調補山西布政使。信勤補浙江布政使。二十四日。▲寓滬學界報界設立憲政研究會。二十六日。△令滇督丁振鐸派員至京與英使會議滇緬界約。二十七日。△英國派員重修南卡江在滇緬交界處界碑。滇督丁振鐸。電請外務部核示。△各使照會外務部。請將借款合同改換。以已改戶部爲度支部也。△吏部奏准。捐納京官。仍照舊例掣簽。除農工商外務郵傳三部不准雜入捐班外。餘均一律照辦。△法允中國學生入海軍學校。政府先派七人前往肄業。三十日。△江西萍鄉亂匪竄湘。圍攻醴陵。